

বর্ণাশ্রম



শ্রীমৎস্বামী সচ্চিদানন্দ সরস্বতী
প্রণীত

প্রথম সংস্করণ



প্রকাশক

শ্রীগিরিজাভূষণ সরকার, বি. এ.

১৯ বি, প্রাণনাথ পণ্ডিত ষ্ট্রীট, ভবানীপুর,
কলিকাতা ।

র কর্তৃক সর্বসত্ত্ব সংরক্ষিত]

মূল্য ॥• আট আনা

S-998
Acc: 22502
20/22/2003

Printed by D. P. Mitra,
at the **ELM PRESS.**
63, Beadon Street. Calcutta.


ভূমিকা ।

বর্তমানে ভারত অতি উন্নত হইতেছে, 'তাই সর্বপ্রকার উন্নতি এবং উদারতার কণ্টকস্বরূপ বর্ণাশ্রমধর্ম বা বেদবিধি উল্লঙ্ঘন করাই একমাত্র ধর্ম', এইরূপ মতবাদিগণ শাস্ত্রের দোহাই দিয়া কতকগুলি অসার এবং অযৌক্তিক মতবাদস্থাপনে বিশেষ চেষ্টা করিতেছেন। তাঁহারা কৃতকার্য হইল তাহাতে আপত্তি নাই ; কিন্তু উহা যতটা অশান্তি এবং অসন্তোষের মাত্রা দিন দিন বর্ধিত করিতেছে তাহা চিন্তাশীল ব্যক্তিমানেরই বাঞ্ছনীয় নহে ; তাহা ছাড়া বেদ এবং তদনুকূল শাস্ত্রসমূহে তাঁহাদের মত অতি অসার এবং ঘৃণ্য বলিয়া উল্লিখিত আছে, ইহাই আমার ক্ষুদ্রবুদ্ধিতে বুদ্ধিতে পারিয়াছি। তাই বেদ এবং ঋষি প্রণীত গ্রন্থাদি হইতে পূর্বতন স্মাচার্যদের প্রতিপাদিত ধর্ম সংক্ষেপে লিপিবদ্ধ করিতে চেষ্টা করিলাম। এই গ্রন্থে আমার নিজের ব্যক্তিগত মতামত কিছুই নাই, তাঁহাদের আদর্শ আমি যেরূপ বুদ্ধিতে পারিয়াছি তাহাই ভাষায় প্রকাশ করিয়াছি। ইহাতে যদি কিছু ভ্রম প্রমাদ থাকে তাহা আমায় বুঝিবার ভুল মনে করিয়া সুধীগণ আমাকে জানাইলে কৃতার্থ হইব।

প্রক্ষিপ্তবাদে অভ্যস্ত ক্ষিপ্তজীবের নিকট কিছুই বলিবার নাই এবং তাঁহাদের নিকট কোন আশাও নাই কারণ তাঁহারা চিকিৎসার অতীত। ঋষিগণ পিতৃপিতামহগণকে কুসংস্কারাপন্ন অন্ধ মনে করেন না তাঁহারা ইহা দ্বারা কিছু উপকৃত হইবেন বলিয়া আশা করিতেছি। অলমতি-বিস্তরেণ। ইতি—

নিবেদক

প্রমোদ চন্দ্র ।



প্রকাশকের নিবেদন।

আজকাল একটি আক্ষেপোক্তি প্রায় সমগ্র ভারতবর্ষ হইতে উঠিয়াছে, যাঁহার ফলে চিন্তাশীল ব্যক্তিগণেই বিশেষরূপে ভাবিত হইয়া পড়িয়াছেন। আক্ষেপোক্তিটা হিন্দুজাতির বর্তমান নৈতিক, সামাজিক ও আধ্যাত্মিক অবনতি লইয়া। স্পষ্টই দেখিতে পাওয়া যাইতেছে, পৃথিবীর অন্যান্য স্তম্ভজাতি প্রতিমুহূর্তে উন্নতির পথে দ্রুত অগ্রসর হইতেছে; জ্ঞানে, শিল্পে ও বিজ্ঞানে তাহারা জগজ্জয়ী হইতে চলিয়াছে, আর আমরা সেই অনুপাতে অবনতির নিম্নতর হইতে নিম্নতম স্তরে শনৈঃ শনৈঃ উপস্থিত হইতেছি, সেইজন্য ভয় হয়—এইভাবে কিছুকাল চলিলে হিন্দুজাতি পৃথিবীর বক্ষ হইতে চিরতরে লোপ পাইবে। যাহা হউক, এইপ্রকার ভবিষ্যদাশঙ্কা সম্বন্ধে আমরা এখানে কোন মতামত প্রকাশ করিব না, কারণ একমাত্র মঙ্গলময় ভগবানই জানেন হিন্দুজাতির ভবিষ্যৎ যনতমসাবৃত কিম্বা কোটিসূর্য্যপ্রভায় ভাস্বর। আমাদের গায় অঙ্গ ও অপরিণামদর্শীর পক্ষে কিছু বলা নিতান্ত অর্কাচীনতা। পক্ষান্তরে পৃথিবীর বিভিন্ন প্রাচীন জাতিসমূহের উত্থান ও পতনের ইতিহাস স্থিরভাবে পর্যালোচনা করিলে ইহাই দৃঢ় প্রতীয়মান হয় যে এই পদদলিত হিন্দুজাতি বেন মৃত্যুকে জয় করিয়াছে; যুগধর্মের প্রভাবে হীনবীর্য্য, বিগতশৌর্য্য হইলেও ইহার দুর্দিন বুঝি চিরস্থায়ী হইবে না, বনমেঘ অপসারিত হইবেই হইবে। বাক্য, যাহা অনুমান সাপেক্ষ তৎসম্বন্ধে ষথেষ্ট আলোচনা করিবার প্রয়োজন নাই। কিন্তু ইহা সর্ব্ববাদীসম্মত যে, হিন্দুজাতি আজ ব্যাধিগ্রস্ত, পতিত; হিন্দুসমাজ বলিতে আমরা অনাচার, অত্যাচার, ব্যভিচার ও স্ত্রীআচার দ্বারা শাসিত এক প্রকার অপূর্ব্বগাণ্ডিবিশেষ বুঝিয়া থাকি; যেখানে বশিষ্ঠ

বিশ্বামিত্র ও যাজ্ঞবল্ক্য প্রভৃতি ত্রিকালদর্শী ঋষিগণের স্থান নাই, তাঁহাদের স্থান ডারউইন (Darwin) স্পেনসার (Spencer) ও হাক্সলি (Huxley) অধিকার করিয়া বসিয়াছে ; যেখানে নিষ্ঠা, আচার, ভগবদ্ভক্তি ও ব্রহ্মচর্য্যাদি কুসংস্কারে পর্য্যবসিত হইয়াছে, আর অসংযম, কদাচার নাস্তিকতা ও অসবর্ণ বিবাহরূপ রিরংসা-বৃত্তি যুগধর্ম্ম হইয়া দাঁড়াইয়াছে ; যেখানে ভগবদ্-প্রসঙ্গ গঞ্জিকাসেবনের অবশ্যম্ভাবী ফল বলিয়া পরিগণিত হইতে চলিয়াছে, আর তৎস্থানে নিপুণ ব্রহ্মের স্মরণপ্রেম তাহাকে উদ্ধৃত্ত করিবার চেষ্টায় আছে ।

এখানে হয়ত অনেকে বলিবেন যে, 'এইরূপ পুরাতন আদর্শ আকড়াইয়া থাকিলেই কি হিন্দুজাতির অভ্যুত্থান হইবে ? বরং এইরূপ কুসংস্কারইত যত সর্কনাশ করিয়াছে । জগতের অন্যান্য জাতি যে ভাবে উন্নতির পথে অগ্রসর হইতেছে, আমাদিগকেও তদনুরূপ অগ্রসর হইতে হইবে, পিছাইয়া পড়িলেই সর্কনাশ ! বৈদিক যুগের আদর্শ বর্ত্তমানযুগে খাটিতে পারে না, অতএব কোনরূপ চেষ্টাকরা নির্বুদ্ধিতা ও পাণ্ডশ্রম মাত্র । আমাদিগকে যুগধর্ম্মের শ্রোতে গা ভাসাইতে হইবে ।' আমরা কিন্তু একথায় তীব্র প্রতিবাদ করিয়া বলিব, "তাহা হইতে পারে না ; অন্য জাতির পক্ষে বাহাই হউক না কেন, হিন্দুর আদর্শ চিরদিনই সমান, ইহা অপরিবর্ত্তনীয় । আদর্শ চ্যুতিতেই তাহার এই ঘোর অবনতি, আদর্শ রক্ষাতেই তাহার কল্যাণ ।" নিম্নে সংক্ষেপে কিছু আলোচনা করা যাইতেছে ।

আমাদের স্থূল জ্ঞানে ইহাই প্রতীয়মান হয় যে, বৈশিষ্ট্যই প্রত্যেক জাতির প্রাণ, যে জাতি তাহার বৈশিষ্ট্য রক্ষা করিতে পারিয়াছে, সেই জাতিই যাতপ্রতিঘাতপূর্ণ পরিবর্ত্তনশীল জগতের সহিত নিজের সত্তাকে বজায় রাখিয়া উন্নতির পথে অগ্রসর হইতে পারিয়াছে, সেইরূপ যেজাতি অন্যজাতির বাহ্যচাকচিক্যে প্রলুব্ধ হইয়া নিজের স্বতন্ত্রতাকে বিসর্জন দিয়া

নিজের প্রত্যেক রক্তকণার সহিত বিদেশীয় ভাবধারা মিশাইয়া লইতে শিখিয়াছে, সেইপ্রকার সঙ্করজাতির মৃত্যু অবশ্যস্তাবী ইহা ঐক্য সত্য।

এখন দেখা যাক, হিন্দুর বৈশিষ্ট্য কিছু আছে কিনা, যদি কিছু থাকে তাহা কি প্রকার ?

পৃথিবীর অগ্ণাণ-জাতির পক্ষে একটা সার্বজনীন ধর্ম সম্ভব, কারণ তাহাদের প্রত্যেকের ধর্মে এমন কতকগুলি বাধা ধরা নিয়ম আছে, যাহা সেই সেই ধর্মাবলম্বী প্রত্যেককেই মানিতে হইবে, নতুবা সে অধার্মিক বলিয়া পরিগণিত হইবে এবং সেই ধর্মে তাহার কিছুমাত্র অধিকার থাকিবে না। আপনি খৃষ্টান, আপনাকে যিগুখৃষ্টে বিশ্বাস করিতেই হইবে এবং বাইবেলের অনুশাসন মানিয়া চলিতে হইবে, যদি তাহা না পারেন বা না করেন, আপনি নিজেকে ক্রিষ্টিয়ান বলিয়া প্রচার করিতে পারিবেন না, অধিকন্তু উক্ত ধর্মের সকল প্রকার সুখ ও সুবিধা হইতে বঞ্চিত হইবেন। এইরূপ ইসলাম ধর্মের পক্ষেও খাটে; কিন্তু হিন্দুর কাছে এইরূপ সার্বজনীন কোনও ধর্ম নাই; হইতেও পারে না। একটু চিন্তা করিলেই ইহার কারণ আমরা দেখিতে পাইব; একের বাহাতে সহজে বিশ্বাস উৎপন্ন হয়, অথবা তাহার ব্যক্তিগত যে সকল ধারণা আছে তাহা যে অন্যের সহিত মিলিবে এমন কোনও বাধাধরা নিয়ম নাই; সুতরাং একের পক্ষে যে ব্যবস্থা করা যাইবে অন্যের পক্ষে যে তাহা খাটিবে এমন কোন কথা নাই। জগতে স্বীয় উন্নতি সাধন করিতে হইলে ব্যক্তিগত বিশেষত্ব তথা নিজ নিজ সংস্কার অনুযায়ী চলা প্রয়োজন; কালে নিজ আত্মবিকাশের সহিত অথবা পূর্বজন্মার্জিত স্মৃতির ফলে যদি কেহ নিজ বর্তমান মত পরিবর্তন করিয়া অন্য উচ্চতর মত গ্রহণ করে এবং তদনুযায়ী নিজ জীবন গঠন করে তাহা হইলে সে নিন্দনীয় হইবে না, পরন্তু শাস্ত্র

তাহাকে যথাসাধ্য সাহায্য করিবে। আমরা সকলেই জানি একজন সন্ন্যাসীর ব্রহ্মচর্য্য অথবা সত্যের আদর্শ গৃহীর আদর্শ হইতে ভিন্ন প্রকারের ; একজন রাজ্যশাসনকর্ত্তা যে নীতির অনুসরণ করেন, একজন ভিত্তিকা-পরায়ণ ব্রাহ্মণ সেই নীতির অনুসরণ করিতে পারেন না---ইহা আর বিশদ করিয়া কাহাকেও বুঝাইতে হইবে না।

অধ্যাত্মপন্থী প্রত্যেক হিন্দুর পক্ষে নিজের সামর্থ্য ও অধিকার ভেদে ধর্ম্মানুশীলনও বিভিন্ন প্রকারের। ব্যক্তিগত বিভিন্নতা অনুসারে নিয়ম প্রণয়ন করাই হিন্দুশাস্ত্রের বিশেষত্ব। শাস্ত্র ছাড়িয়া দিলেও যদি ক্রমোন্নতিবাদ মানিতে হয়, তাহা হইলেও ইহা অবশ্য স্বীকার্য্য যে, আমরা অর্থাৎ মনুষ্যমাত্রেই বিবেকবুদ্ধিসম্পন্ন জীব হইলেও সকলে একস্তরে অবস্থিত নহি। দৃষ্টান্ত স্বরূপ বলা বাইতে পারে একজন সাধারণ কৃষক ও একজন নিষ্ঠাবান ব্রাহ্মণ উভয়েই মানুষ, কিন্তু তাই বলিয়া কি উভয়ের সংস্কার, ধর্ম্ম, বিশ্বাস প্রভৃতি উপজ্ঞানমূহ এক প্রকারের হইতে পারে ?

এক্ষণে যদি এই কৃষকের আধ্যাত্মিকবিকাশের নিমিত্ত ধর্ম্মোপদেশ দেওয়া যায়, তাহা হইলে কি তাহাকে একেবারেই নিগুণ ব্রহ্মের বিষয় বলা কর্ত্তব্য অথবা নিম্নতর স্তর (সাকারপূজাদি) হইতে আরম্ভ করিয়া ক্রমে ক্রমে তাহার মানসিক বিকাশের সহিত ক্রমোচ্চস্তরের তত্ত্ব তাহাকে শুনান বুদ্ধিসঙ্গত ?

এই বর্ণাশ্রমধর্ম্মরূপ বৈশিষ্ট্যই হিন্দুজাতির প্রাণ ; অধিকারীর নির্ণয় ও তন্নিমিত্ত যম নিয়মাদির ব্যবস্থা করাই হিন্দুশাস্ত্রের মৌলিকত্ব। এই মৌলিকত্ব প্রভাবেই নে বিজাতীয় শত সহস্র অত্যাচার সহ করিয়া আজও জীবিত আছে—লুপ্ত হয় নাই।

অনেকের ধারণা বর্ণাশ্রমধর্ম্মের মূলে কোনও ভিত্তি নাই বিশেষতঃ বর্ত্তমান যুগে তাহা মোটেই উপযোগী নহে। এরূপ ধারণা যে নিতান্ত

অনুলক ও অসার তাহা পুস্তকপাঠে সম্যক্ অবগত হওয়া যায়। গ্রন্থকার লিখিয়াছেন—“সৃষ্টিধারা আরোহিণী ও অবরোহিণী ভেদে দ্বিবিধ। একটী তনোগুণ হইতে সঙ্কণ্ডে লইয়া যায়, অপরটী সঙ্কণ্ড হইতে তনোগুণে আনয়ন করে। প্রথমটি হইতে নিগুদেহের উৎপত্তি ও দ্বিতীয়টি হইতে ব্রহ্মাণ্ডের উৎপত্তি হইয়াছে। প্রথম প্রকারে তনোগুণ হইতে উন্নতির দ্বারা তমোরজঃ গুণে মিলিত হয়, পরে রজঃসন্ধে মিলিত হয় এবং অবশেষে সঙ্কণ্ডে উপনীত হয়; প্রকৃতির এই প্রধান চারি বিভাগের জন্য চারিবর্ণরূপ শূদ্র, বৈশ্য, ক্ষত্রিয় ও ব্রাহ্মণবর্ণের উৎপত্তি হইয়াছে। তিনগুণের সংমিশ্রণ দ্বারা চারিটী বর্ণের উৎপত্তি হইয়াছে সুতরাং উহার সত্তা প্রকৃতির সত্তার অবস্থিত, এবং প্রকৃতি অনাদি বলিয়া বর্ণও অনাদি...। তজ্জন্মই এই বর্ণব্যবস্থা প্রকৃতির প্রতি অগুণরমাণুতে গ্রথিত।” অতএব স্পষ্টই ধারণা জন্মিবে যে মনুষ্য ব্যতীত অন্যান্য সৃষ্টি ব্যাপারেও উচ্চনীচ বর্ণ দৃষ্ট হইবে। গ্রন্থকার দেখাইয়াছেন—“.....অশ্বখ বৃক্ষের গ্যার বট, বিষ্ণাদি ব্রাহ্মণ শ্রেণীর অন্তর্গত। শাল ও শেগুণ ক্ষত্রিয় শ্রেণীর অন্তর্গত। আম কাঁটাল ইত্যাদি বৈশ্য ও বাঁশ, ওষধি প্রভৃতি শূদ্র শ্রেণীর অন্তর্গত বলিয়া ভাগ করা হইয়াছে। স্বেদজ প্রাণীর ভিতর বাহারা পুষ্পাদিতে জন্ম গ্রহণ করে, মধ্বাদি পান করে, তাহারা ব্রাহ্মণ শ্রেণীর অন্তর্গত.....” ইত্যাদি।

অতএব ‘তুমি উচ্চ, আমি নীচ’ বলিয়া হুঃখ করিবার কিছুই নাই; বর্ণবিভাগ প্রকৃতির অভিপ্রেত।

অনেকে গীতায় “চাতুর্বর্ণ্যং ময়া সৃষ্টং গুণকর্ম্মবিভাগশঃ” ইত্যাদি তুলিয়া তাহা নিজেদের স্বার্থমত কদর্থ করেন, কিন্তু তাহারা জানেন না, যে এখানে ‘গুণ’ অর্থে প্রকৃতির গুণ সূচিত হইতেছে। যেকোন গুণ হইতে দেহের উৎপত্তি হয়, সেইরূপ দেহদৃষ্টে গুণও অনুমিত হইতে পারে।

গ্রন্থকার শাস্ত্র হইতে প্রমাণ করিয়া দেখাইয়াছেন :—

বক্তৃত্বং সৌম্যং সমবৃত্তং অমলং স্নগ্ধং সুসম্যগ্ ভূপানাম্ ।

বিপরীতং ক্লেশভুজাং মহামুখং দুর্ভগানাঞ্চ ॥” ইত্যাদি

ইহা আপ্তবাক্য, প্রকৃত হিন্দু পূর্বে ইহা বিশ্বাস করিত, এখনও করে, ভবিষ্যতেও করিবে ।

আজকাল শূদ্রের ও স্ত্রীলোকের পূজা ও বেদাধিকার লইয়া তুমুল আন্দোলন চলিতেছে এবং এক শ্রেণীর লেখক ও সংস্কারক তাহাদিগকে অধিকার দিবার জন্য বন্ধপরিষ্কার হইয়াছেন ; প্রবন্ধ ও শুদ্ধিক্রিয়া দ্বারা প্লাবিত করিয়া তুলিয়াছেন । বাস্তবিক তাহাদের অধিকার কতখানি এবং তাহার বেশী পাইলে ইষ্ট কিম্বা অনিষ্ট হইতে পারে তাহা পুস্তকে যথাস্থানে শাস্ত্র ও যুক্তি দ্বারা বর্ণিত হইয়াছে, বাহুল্যভয়ে পুনরুল্লেখ করিলাম না কিন্তু দুর্ভাগ্যবশতঃ যুগধর্মের অপূর্ব প্রভাবে ও বিংশশতাব্দীর তথা কথিত সভ্যতার উজ্জলরশ্মিচ্ছটায় আমরা আজ বর্ণাশ্রমধর্মরূপ হিন্দুজাতির জীবনীশক্তিকে অলীক অসারও ব্রাহ্মণাদি উচ্চবর্ণের শূদ্রাদি নিম্নবর্ণপীড়ন করিবার অপূর্ব যন্ত্রবিশেষ বলিয়া ভাবিতে শিখিয়াছি ; বেদ পুরাণ আমাদের নিকট প্রেক্ষিপ্ত, হিন্দুদেব-দেবী মূর্ত্তিমতী অশ্লীলতা, সতীত্ব একটা কুসংস্কার ইত্যাদি ।

একটা ব্যক্তিগত অভিজ্ঞতার বিষয় এখানে সংক্ষেপে কিছু বলিলে আশাকরি নিতান্ত অপ্রাসঙ্গিক হইবে না ।

পাশ্চাত্যদর্শন শাস্ত্রে সুপণ্ডিত জনৈক দার্শনিকপ্রবরের সহিত কথাবার্তা হইয়াছিল ; তিনি ও তজ্জাতীয়গণ বলেন, বেদান্তশাস্ত্রোক্ত নির্বিকল্পসমাধি যুক্তিবিকারের নামান্তর মাত্র । কারণ ক্যান্ট (Kant) প্রভৃতি পাশ্চাত্য দার্শনিকগণ বলিয়াছেন, যে, ‘মানুষের চিন্তা অথবা ধারণা যাহা একবার চৈতন্য (Consciousness) সীমার

মধ্যে আসিয়াছে তাহা চেষ্টা করিলে নিশ্চয়ই প্রকাশ করিতে পারা যায় ; চিন্তা বা ধারণা সূক্ষ্মাতিসূক্ষ্ম হইতে পারে, কিন্তু চেষ্টা করিতে ভাষায় প্রকাশ করিতে কেন পারা যাইবে না ?' তাঁহারা এই প্রকার যুক্তি দিয়া থাকেন—‘সুরাপায়ী মত্তঅবস্থায় যে সব প্রলাপোক্তি করে, তাহা সূক্ষ্ম অবস্থায় স্মরণ করিতে পারে না, (কারণ মত্ততা অর্থেই মস্তিষ্কবিকার বুঝায়) অর্থাৎ সুরাপায়ী তাৎকালিক বিকৃতমস্তিষ্ক হইয়া যায়, ইহা প্রমাণীকৃত সত্য ; এখন কথা হইতেছে যে, নির্বিকল্পসমাধির উপলব্ধি সমূহ যদি ভাষায় প্রাঞ্জলভাবে প্রকাশ করিতে না পারা গেল, তাহা হইলে মস্তিষ্কবিকারের সহিত তাহার পার্থক্য রহিল কোথায় ?’ আর এই বুদ্ধির মাপকাঠি লইয়া তাঁহারা সন্ন্যাসি-শিরোমণি শ্রীমৎ শঙ্করাচার্য ও আধুনিক যুগের ত্রৈলোক্য স্বামী, ভাস্করানন্দ স্বামী প্রভৃতি আদর্শসন্ন্যাসিগণকে ক্ষিপ্ত বলিয়া স্থির করিয়াছেন । তাঁহাদের মতে সন্ন্যাসধর্ম প্রচারের দ্বারা দেশে যতটা অনিষ্ট হইয়াছে এমনটা নাকি বৌদ্ধযুগে কিম্বা মুসলমানআমলেও হয় নাই ইত্যাদি ।

আমরা কেবলমাত্র বলিব, “ধন্য কলিযুগ ! ধন্য তোমার মোহিনী শক্তি ! যাহার প্রভাবে ধর্মপ্রাণহিন্দু আজ ঘোরজড়বাদীতে পরিণত হইয়াছে ।”

*

*

*

গ্রন্থের প্রতিপাদ্য বিষয়ের আভাস আমরা পূর্বে কতক দিয়াছি ; এক্ষণে আমাদের কর্তব্য সম্বন্ধে গ্রন্থকার যাহা বলিয়াছেন, তৎসম্বন্ধে দুই একটা কথা বলিয়া আমরা প্রবন্ধ সমাপ্ত করিব ।

বিপদ আসিবে বলিয়া নিশ্চেষ্টভাবে বসিয়া তাহার প্রতীক্ষা করা কিছুমাত্র বুদ্ধিমানের কাজ নহে । গ্রাম্য ভাষায় যাহাকে ‘ধরসামলান’ বলে, তাহাই আমরা করিব ; তাহাতে অর্থের প্রয়োজন নাই, নির্ভার

প্রয়োজন আছে. বাক্চাতুর্যের ও বক্তৃতায় প্রয়োজন নাই, কার্যের প্রয়োগ আছে। গ্রন্থকার একস্থলে যথার্থই বলিয়াছেন, “চোর চুরি করিবে বলিয়া কি গৃহস্থ নিশ্চেষ্টভাবে বসিয়া থাকিবে? উন্মার্গগামী হিন্দু-জাতিকে সতর্ক করিয়া দেওয়া ভিন্ন এই পুস্তকের অন্য কোনও উদ্দেশ্য নাই।

হিন্দু চিরদিনই আধ্যাত্মিক উন্নতিকামী; এই উন্নতির দ্বারা সে একদিন জগতে ধর্মগুরুপদে বৃত্ত হইয়াছিল, জড়বাদ তাহার কাছে চিরদিন কাকবিষ্ঠাস্বরূপ; আবার কিরূপে সে নিজনির্দিষ্ট অধিকার লাভ করিতে পারিবে, তাহার উপায় গ্রন্থকার দেখাইয়াছেন।

যদি একজনেরও ইহাতে কিঞ্চিৎ উপকার হয়, তাহা হইলে গ্রন্থকার স্বীয় শ্রম সার্থক জ্ঞান করিবেন।

আশা করি, উদ্ভ্রান্তচিত্ত হিন্দুসন্তানের নিকট ‘বর্ণাশ্রম’ মোহমূদগার-রূপে প্রতিভাত হইবে। অলমিতি

বিনীত—

শ্রীগিরিজাভূষণ সরকার বি, এ।

সূচীপত্র ।

— ০ —

প্রথম অধ্যায়—

ধর্ম, সাধারণ ও বিশেষ—বিশেষ ধর্মই জগৎস্থিতিপুষ্টির কারণ
সুতরাং অপরিহার্য—বর্ণাশ্রম ধর্ম এই বিশেষ ধর্মের প্রধান
অঙ্গ—সমষ্টি সৃষ্টির অবরোহিণী গতিতে প্রাকৃতিক গুণপরিণামে
চতুর্ধর্মে উৎপত্তি—প্রকৃতির সর্বব্যাপিত্বহেতু উদ্বোধন চরাচরে
উহার বিকাশ ১

দ্বিতীয় অধ্যায়—

ব্রাহ্মণাদি বর্ণ কল্পিত নহে—শাস্ত্র দৃষ্টিতে সমালোচনা ও ভৃগু
ভরদ্বাজসংবাদ—অন্যান্য দেশে না থাকিলেও ভারতে বর্ণাশ্রম
থাকা কিছুই অযুক্ত নহে ২২

তৃতীয় অধ্যায়—

বর্ণধর্মের প্রয়োজনীয়তা—গুণ কর্মানুসারে জীবের বিভিন্ন বর্ণে
জন্ম—সর্বজাতিরই বেদে অধিকার না হইবার হেতু—জাতি
কি?—জাতির বহুত্বহেতু জাতিভেদে ধর্ম, ও অধিকার ভেদের
সমীচীনতা—অসাধারণ ধর্মবলেই আকৃষ্টপতিতার বেদাধিকার—
অসবর্ণ বিবাহ যথেষ্টরোধের জন্যই বিহিত পরন্তু উহা শাস্ত্রে
নিন্দিত এবং উহার ফল অতি বিষময় (জাতিনাশ ও নরক-
প্রাপ্তি)—কর্মগত গুণ বর্ণত্বের কারণ হয় না ২৬

চতুর্থ অধ্যায়

ইহ জন্মের কর্মকে বর্ণত্বের কারণ স্বীকারের অসম্ভাব্যতা ও
 অর্থোক্তিকতা—উচ্চবর্ণে অযোগ্য ও নীচবর্ণে যোগ্য পুরুষের
 উৎপত্তির কারণ আকুচপতনাদি—চতুর্থবর্ণের বেদানধিকার ঈর্ষ্যা-
 মূলক নহে পরন্তু অনুকম্পামূলক ৪৯

পঞ্চম অধ্যায়—

শাস্ত্রের কদর্থের নিরসন—নিরাকার সগুণের (দয়াময় ইত্যাদির)
 উপাসনার অসিদ্ধতা—ঈশ্বর ও ব্রহ্ম—দেবতা (সগুণ) উপাসনার
 শাস্ত্রীয়তা ও তাহার বিরোধিত্বের খণ্ডন—ব্রহ্মজ্ঞান কখন ৬৬

ষষ্ঠ অধ্যায়—

আশ্রমধর্মের প্রয়োজনীয়তা—আশ্রম ক্রম—সন্ন্যাসের অধিকারি-
 নির্ণয়—বৈদিক সন্ন্যাস, সন্ন্যাসীভেদ ও সাধারণ চর্যা—তান্ত্রিক
 সন্ন্যাসী ৯৬



শুদ্ধি পত্র ।

পৃষ্ঠা	পঙ্ক্তি	অশুদ্ধ	শুদ্ধ
ভূমিকা	১৩	আমায়	আমার
১৮	১৮	রক্ষাতেই	রক্ষাতেই
১৯	১৫	শেগুণ	সেগুণ
২১	২১	নিশ্চেষ্টভাবে	নিশ্চেষ্টভাবে
১	১	হইয়াছে	হইয়াছে
২		ধর্ম	ধর্ম
৪	২	নমস্কার	নমস্কার
৮	২১	প্রভূত্ব	প্রভূত্ব
১২	৮	উদ্ভিজ্জ	উদ্ভিজ্জ
...	২০	চতুর্ধিব	চতুর্ধিব
১৩	১৫	ময়ূরাদি	ময়ূরাদি
১৮	১৮	ত্যান্বেদগুণাচার	ত্যান্বেদগুণাচার
২৫	১	ভূস্বর্গত্বে	ভূস্বর্গ ও
২৭	২	লক্ষণং	লক্ষণং
৩০	১	জন্মা	জন্মান
৩২	১৪	স্ত্রীত্বে	স্ত্রী ও
৩৭	১০	উচ্চারণাদি	উচ্চারণাদি
৩৮	৫	স্থল	স্থল
৪২	৫	তজ্জগ্য	তজ্জগ্য
৪৩	৩	ষোড়শ বর্ষীয়	ষোড়শ বর্ষীয়

৪৫	১৫	বর্ণসঙ্করেব	বর্ণসঙ্করের
৫২	১৫	ব্রাহ্মণশ্রোপনয়নম্	ব্রাহ্মণশ্রোপনায়নম্
৫৩	১৬	তদাবতীর্ঘ্যাহম্	তদাবতীর্ঘ্যাহঃ
৫৪	৬	অত্যাচারী	অত্যাচারী
৫৬	৯	প্রভূভক্তি	প্রভূভক্তি
৬৩	১৪	ঋগ্বেদ	ঋগ্বেদ
৬৯	৫	ভাঙ্করানন্দ	ভাঙ্করানন্দ
৭৩	১৪	উদ্দেশ্য	উদ্দেশ্য
৭৫	২০	তন্ত্রচতুর্দশোন্নাস	তন্ত্রঃচতুর্দশোন্নাস
৭৬	২২	কথিতম্	কথিতং
৭৯	১৬	বিচার্যামানে	বিচার্যামাণে
৮০	২	তাজ্য	তাজ্য
...	৩	সমুদায়	সমুদয়
৯০	৭	মূর্তিনৃণাং	মূর্তিনৃণাং
৯২	২৩	সেব	সেবা
৯৪	২০	কুলাবধূতসংস্কারবিষয়ে	কুলাবধূতসংস্কারবিষয়ে
৯৬	১৪	যা	বা
৯৮	৪	শুশ্রূষা	শুশ্রূষা
১০৬	২	উলঙ্গ	উলঙ্গ
১০৯	১৯	বিষহেদ্	বিসহেদ্
১১২	১	সন্ন্যাসীগণে	সন্ন্যাসিগণে
...	১৪	মহাপ্রভুই	মহাপ্রভুই
১১৩	৯	তাজেৎ	তাজেদ্



বর্ণাশ্রম

প্রথম অধ্যায় ।

আজকাল সর্বত্র একটা প্রশ্ন উদয় যাইয়াছে যে হিন্দুজাতি বর্ণাশ্রম ধর্মরূপ গণ্ডিতে আবদ্ধ হইয়াই জাতীয়তা এবং স্বাধীনতা হারাইয়াছে । ছুৎমার্গই তাহার সর্বনাশের কারণ । জাতি বিভাগ কোন দিনই ছিল না এবং কোন দেশেই নাই । উহা কেবল এ দেশের ব্রাহ্মণ জাতির অন্ত জাতি নিষ্পেষণের একটা বন্ধ মাত্র ।

আমরা কিন্তু জানি এইরূপ প্রশ্ন নিরর্থক । কারণ বাদিগণ 'ধর্ম' এবং 'জাতি' শব্দ দ্বারা কি বুঝায় তাহা জ্ঞাত নহেন । তাই তাহারা নানারূপ অকথা কুকথা প্রচার করিয়া সর্বত্র অশান্তি ও অসন্তোষের বীজ বপন করিতেছেন । পূজ্যপাদ মহর্ষি ভরদ্বাজ বলিয়াছেন—“ধারণাৎ ধর্মঃ । অভ্যুদয়করঃ সত্ত্বপ্রাধান্যাৎ । কর্মাবদানে নিঃশ্রেয়সকরঃ শক্তি-মত্বাৎ । নিয়ন্তু হাত্তাজপ্যং ধর্মশ্চ ।”

“এই বিশ্ব ব্রহ্মাণ্ড ও তাহার অন্তর্গত সমুদয় পদার্থ যিনি ধারণ করিয়া রাখিয়াছেন তাহারই নাম ধর্ম । এই ধর্মের বলেই জীবজগৎ উন্নতি-লাভ করে । কারণ উহা সত্ত্বগুণ বর্ধক । সত্ত্বগুণের চরম অবস্থায় ধর্মের পূর্ণতা লাভ হয় । সুতরাং কর্ম সমুদয় অবসান হইয়া কেবল্যরূপা মুক্তিকে

লাভ করে। ধর্ম দ্বারাই জগৎ চালিত হয়। সুতরাং ধর্মই ভগবদ্রূপ অর্থাৎ ধর্ম ও ভগবানে কোন ভেদ নাই।”

ধর্ম শব্দটি বহুপ্রকারে ব্যবহৃত হইতে পারে। যথা বর্ণ ধর্ম, আশ্রম ধর্ম, রাজধর্ম, প্রজাধর্ম, পুরুষধর্ম, স্ত্রীধর্ম, আপদধর্ম, মোক্ষধর্ম ইত্যাদি। আমরা উহাকে সাধারণ ধর্ম ও বিশেষ ধর্ম এই দুই নামে বিভক্ত করিব। সাধারণ ধর্ম বিশ্ব ব্রহ্মাণ্ডের চর অচর সমুদয় প্রাণীতেই সমান। যেমন স্থূলরূপে আহার নিদ্রাদি। বিশেষ ধর্ম প্রত্যেক বস্তু, ব্যক্তি, জাতি, গুণ এবং ক্রিয়াদিতে বিভিন্ন। স্থাবর ও জঙ্গম ভেদে প্রাণী দুই প্রকার। তাহারা উদ্ভিজ্জ, স্বেদজ, অণুজ এবং জরায়ুজ এই চারি শ্রেণীতে বিভক্ত। ধর্মের এমন শক্তি আছে যে তদ্বারা এক বস্তুকে অন্য বস্তুতে আনয়ন করে। অত্রে ইহাকেই ক্রমোন্নতি বাদ বলেন। উদ্ভিজ্জ যোনিতে এক মাত্র অন্নময় কোষ বর্তমান। তাহাতে আর চারিটা কোষের অস্তিত্ব শাস্ত্র-যুক্তি দ্বারা স্থূলতঃ সিদ্ধ হয় না। কারণ তাহাতে প্রাণ মনের ধর্ম কিছুই লক্ষিত হয় না। অন্নময় হইতে প্রাণময় কোষ শ্রেষ্ঠ, তজ্জন্ম উদ্ভিজ্জ প্রাণী সমুদয় তাহাদের কর্মক্ষয়ে স্বেদজ প্রাণীতে উন্নত হয় এইরূপ বলা যায়। কারণ তাহাদের প্রাণময় কোষের ক্রিয়া চলনাদি ধর্ম বর্তমান আছে। স্বেদজ প্রাণী হইতে জীব উন্নত হইয়া অণুজ প্রাণীতে জন্মগ্রহণ করে। উহাতে অন্নময়, প্রাণময় এবং মনোময় এই তিনটা কোষ বর্তমান আছে। তদনন্তর অস্তনিহিত ধর্মশক্তির বলে জীব অণুজ হইতে জরায়ুজ যোনিতে নীত হয় এবং অন্ন, প্রাণ, মন ও বিজ্ঞানময় কোষ চতুষ্ঠয় লাভ করে। সর্ব শেষে ঐ ধর্মশক্তি তাহাকে মনুষ্য যোনিতে উন্নীত করে এবং অন্ন, প্রাণ, মন, বিজ্ঞান, ও আনন্দময় এই পঞ্চকোষ সমন্বিত দেহ প্রদান করে। এই পঞ্চকোষ মনুষ্যেই লক্ষিত হয়। এই পঞ্চ কোষ বর্তমান থাকায় মনুষ্য অন্য প্রাণী হইতে শ্রেষ্ঠ। তজ্জন্ম তাহার ভাল, মন্দ, পাপ, পুণ্য

বিচার করিবার শক্তি এবং ভোগের ক্ষমতা আছে। মনুষ্যের অণু যোনিতে দেহ সত্ত্বেও প্রকৃতির বাহিরে ঘাইবার ক্ষমতা কাহারও নাই। কর্মফলে প্রকৃতির অধীনতায় পতিত হইলে প্রকৃতি জীবকে ক্রমশঃ উন্নতির মার্গে আরোহণ করাইয়া মনুষ্য যোনি পর্য্যন্ত পৌছাইয়া দেয়। তারপর সে নিজের কর্মানুযায়ী উন্নত বা অবনত হয়। মনুষ্য স্বাধীনতা প্রাপ্ত হইয়া ইচ্ছাশক্তির বলে নিজ নিজ ভোগস্থান যথেষ্ট বাড়াইয়া লইতে পারে। কিন্তু প্রকৃতির রাজত্বে অণু কাহারও সে প্রকার ক্ষমতা নাই তাহা সর্বদাই দৃষ্ট হইয়া থাকে। পশুপক্ষী আদির আহার নিদ্রাদি ধর্ম সমুদয় নিয়মিত কিন্তু মানুষের তাহা নহে, ইহা প্রত্যক্ষসিদ্ধ ব্যাপার। সেইজন্য পশুপক্ষী আদি ক্রমাগত উন্নত হইয়া মনুষ্য যোনি পর্য্যন্ত যায় এবং মনুষ্য হইতে সদস্য কর্ম দ্বারা উচ্চ বা নীচ গতিতে উর্দ্ধে বা নিম্নে গমন করে। যদি শাস্ত্র যুক্তি কিংবা সদগুরুর উপদেশ শ্রবণ করিয়া অথবা রাজদণ্ডভয়ে আপনার মনোবৃত্তি সংযত করতঃ উত্তম কর্ম সম্পাদন করে তাহা হইলে মনুষ্য ক্রমশঃ অসভ্য জাতি হইতে সভ্য জাতি, নীচ চণ্ডালাদি জাতি হইতে শূদ্র জাতি, শূদ্র হইতে বৈশ্য, বৈশ্য হইতে ক্ষত্রিয় এবং ক্ষত্রিয় হইতে ব্রাহ্মণ জাতিতে গমন করে। ইহা তাহার জন্মান্তরেই সম্ভব, এইরূপ শাস্ত্রকারগণ বলিয়া থাকেন। ক্রমশঃ মনুষ্য সবগুণ বৃদ্ধি করতঃ শাস্ত্রজ্ঞ, বেদজ্ঞ ও তত্ত্বজ্ঞানী হইয়া মুক্তিপদ লাভ করে।

যথা :—

“যোগাভ্যাসো নৃণাং যেষাং নাস্তি জন্মান্তরাদৃতঃ ।

যোগস্য প্রাপ্তুরে তেষাং শূদ্র বৈশ্যাদিক ক্রমঃ ॥

স্ত্রীত্বাচ্ছূদ্রত্বমভ্যতি ততো বৈশ্যত্বমাপ্নুয়াৎ ।

ততশ্চ ক্ষত্রিয়ো বিপ্রঃ কৃপাহীন স্ততো ভবেৎ ॥

অনুচানঃ শ্বতো যজ্ঞা কৰ্ম্মভাসী ততঃপরং ।

ততো জ্ঞানিত্বমভ্যেতি যোগী মুক্তিং ক্রমান্নভেৎ” ॥

মহাভারত অনুশাসন পর্ব ।

ইহাই সাধারণ ধর্ম ।

বিশেষ ধর্ম সম্বন্ধে মহাভারত বলেন—

“যং পৃথগ্ ধর্মচরণাঃ পৃথগ্ধর্মফলৈষিণঃ ।

পৃথগ্ধর্মৈঃ সমর্চন্তি তস্মৈ ধর্মাভ্যনে নমঃ ॥”

“পৃথক্ পৃথক্ ধর্মফল কামনা করিয়া পৃথক্ পৃথক্ ধর্ম লোকে আচরণ করিয়া থাকে । সেই ধর্মরূপী ভগবান্কে নমস্কার ।” মহাভারতের এই বাক্য দ্বারা বুঝা যায় যে পৃথক্ পৃথক্ ব্যক্তি বা জাতির নিমিত্ত পৃথক্ পৃথক্ ধর্মের উপদেশ হয় এবং সাধারণ ধর্ম হইতে বিশেষ ধর্মের বিশিষ্টতা স্বতন্ত্র । তজ্জন্ম স্ত্রী পুরুষ ধর্ম গ্রহণ করিতে পারে না বা পুরুষ স্ত্রীধর্ম গ্রহণ করিতে পারে না । রাজা প্রজার ধর্ম গ্রহণ করে না বা প্রজা রাজার ধর্ম পালনে সমর্থ হয় না । সন্ন্যাসী গৃহীর ধর্ম গ্রহণ করে না বা গৃহী সন্ন্যাসীর ধর্ম গ্রহণ করে না । মোট কথা কেহই নিজের স্বতন্ত্রতা ত্যাগ করিতে পারে না । যদি কেহ সেই স্বতন্ত্রতা সাম্যবাদের ভানে নষ্ট করিতে চায় তবে তাহার অস্তিত্ব লোপই একমাত্র ফল হইয়া দাড়াইবে তাহা পরে দেখান যাইতেছে ।

শাস্ত্রোক্ত সাধারণ ধর্ম দশটা যথা—

“ধৃতিঃ ক্রমা দমোহস্তেয়ং শৌচমিত্রিয়নিগ্রহঃ ।

ধী বিত্তা সত্যমক্রোধো দশকং ধর্মলক্ষণম্ ॥”

“ধৃতি, ক্ষমা, দম, অর্চোৰ্য্য, শৌচ, ইন্দ্রিয়নিগ্রহ, ধী, বিজ্ঞা, সত্য ও অক্রোধ এই দশটি সাধারণ ধর্ম অর্থাৎ মনুষ্য মাত্রই ইহার অধিকারী।” সমুদয় লোকই ইহার অনুষ্ঠান করিতে পারেন কিন্তু পাত্র বিশেষে ফল প্রত্যেক স্থানেই বিভিন্ন হইবে। কারণ বৃষ্টি সমান ভাবে সর্বত্র হইলেও উচ্চ ভূমিতে জল দাড়াইতে পারে না কিন্তু নিম্ন ভূমি সমুদয় পূর্ণ হইয়া যায়।

পতিপরায়ণা সতী স্ত্রী আপন ভোগ বিলাস তুচ্ছ করিয়া অসীম ধৈর্য্য সহকারে জ্বলন্ত অনলে স্বীয় প্রাণ বিসর্জন করে। সতীর ধৈর্য্যের সহিত শিশুর প্রতিপালন নিমিত্ত মাতার যে ধৈর্য্য তাহার তুলনা হয় না। একজন ক্ষত্রিয় নানা প্রকারে আহত হইয়াও রণক্ষেত্র হইতে অপমৃত হয় না। তাহার ধীরতার সহিত শীতাতপ সহনশীল তপস্বী ব্রাহ্মণের ধীরতা তুলনা করা যায় না। চোর ডাকাইত প্রভৃতি শাসনের সময় রাজা যদি ক্ষমা গুণের আশ্রয় লয়, তাহার রাজত্ব অচিরেই বিনাশ পায় কিন্তু সর্ব ত্যাগী সন্ন্যাসীর নিকট ক্ষমা সর্বাবস্থাতেই সম্ভবপর। একজন বান-প্রস্থাস্রমী তপস্বীর তপঃসাধনের নিমিত্ত যতটা দম বৃত্তি আবশ্যিক, রাজ্য শাসন রত রাজার নিকট তাহার বিপরীত হওয়াই বাঞ্ছনীয় নতুবা উচ্ছৃঙ্খলতার দেশ উৎসন্ন যায়। যতিধর্মপরায়ণ সাধুর ইন্দ্রিয় নিগ্রহের সহিত গৃহধর্মীর ইন্দ্রিয় নিগ্রহ তুলনার যোগ্য নহে। মুস্থ বলিষ্ঠ ব্যক্তির শৌচাচারের সহিত আপদগ্রস্ত রোগী অথবা ব্রত নিরত ব্রাহ্মণের শৌচ তুলনা করা যায় না। এই সমুদয় দৃষ্টান্ত দ্বারা আমরা বুঝিতে পারি যে সাধারণ ধর্মগুলিই বিশেষ বিশেষ ব্যক্তির সংশ্রবে বিশেষ বিশেষ আকার ধারণ করে। এই বিশিষ্টতাতেই জগতের স্থিতি এবং পুষ্টি। তজ্জন্ত যতদিন জগৎ দৃষ্টিপথ গোচর হইবে ততদিন ইহার প্রত্যেক ব্যক্তির বা জাতির স্বীয় বিশিষ্টতা রক্ষা করিয়া উন্নতির পথে অগ্রসর হইতে হইবে ;

নতুবা তাহার অস্তিত্ব রক্ষা করা বা উন্নতি করা সম্পূর্ণ অসম্ভব। অত্যাণ্ড দেশে ধর্মসম্বন্ধীয় এই বিশিষ্টতা নাই। তাঁহারা পৃথক্ পৃথক্ ব্যক্তির পৃথক্ পৃথক্ চরিত্র, অবস্থা বা সাধনার তারতম্য নির্ণয় করিতে অসমর্থ হইয়া ধর্ম সম্বন্ধীয় উন্নতির পথে কণ্টক রোপন করিতেছেন। সমগ্র ইউরোপ আজ পৃথিবীর অধীশ্বর হইয়াও দিন রাত অশান্তির অনলে জ্বলিয়া মরিতেছে। বলসেভিকবাদ কিরূপ ভীষণতা ধারণ করিয়াছে তাহা বর্ণনার অযোগ্য। কর্মে, ব্যবহারে, রাজনীতি ক্ষেত্রে সর্বত্রই এই বিশিষ্টতা তাহাদের ভিতরও লক্ষিত হয় কিন্তু ধর্ম সম্বন্ধে প্রায় সকলেই অন্ধ।

রাজনীতি ক্ষেত্রে গ্লাড্‌স্টোনের মত মন্ত্রী না লইয়া যদি রামা শ্যামা কাহাকেও নিবৃত্ত করা হইত, তাহার ফলে কি দেশ শাসন সম্ভবপর হইত? ফল কথা স্ত্রীজাতি এক হইলেও মায়ের সহিত যে সম্বন্ধ ভগ্নীর সহিত তাহা নাই বা ভগ্নীর সহিত যে সম্বন্ধ তাহা স্ত্রীর সহিত হইতে পারে না। সতীর পতির সহিত যে সম্বন্ধ তাহা পিতা, পুত্র বা ভ্রাতার সহিত হইতে পারে না। এই সম্বন্ধগুলির সামঞ্জস্য রাখিয়া যাহাতে তাহার প্রকৃত অবস্থা লাভ হয় তাহারই ব্যবস্থা করা হিন্দু শাস্ত্রের মৌলিকত্ব; এবং এই মৌলিকত্ব এখনও সম্পূর্ণ যায় নাই বলিয়া আর্য্যজাতির বিশেষত্ব কতকটা বর্তমান আছে। পৃথিবীর ইতিহাসে পাওয়া যায় যে আরও অনেক জাতি ছিল যাহারা কালে লোপ পাইয়াছে অথবা অণ্ড জাতিতে পরিণত হইয়াছে কিন্তু বর্ণাশ্রম ধর্মরূপ ভিত্তির উপরে দণ্ডায়মান এই অতি পুরাতন জাতি জীর্ণ নীর্ণ কলেবরে শত আঘাত খাইয়া এখনও বিরাজমান রহিয়াছে। বৈদিকধর্মের সাধারণধর্মের সমুদয়গুলি বর্তমান আছে, বিশেষ ধর্মের বিশিষ্টতাও আছে, তাহা ছাড়া অসাধারণ ধর্ম প্রভাবে একই জন্মে জাতিত্বকে ব্যক্তিত্বের প্রবল শক্তি পরাস্ত করিয়াছে

তদ্রূপ দৃষ্টান্তের অসম্ভাব নাই। অত্র জাতিতে এই সমুদয় না থাকায় মুখ্যরূপে অধিকার বা অধিকারীর ভেদ, স্বর্গ, নরক, মুক্তাবস্থার ভেদ, নর নারীর প্রকৃতি এবং কর্মভেদ বা আচারাদির ভেদ, কিছুই লক্ষিত হয় না। তাই আমরা তথা কথিত সাম্যবাদিগণ হইতে পৃথক্ রহিয়াছি। রোগী, দুর্বল, দুর্ভিক্ষ পীড়িত অথবা সবল, ব্যায়ামশীল এবং নিয়মিত ভোজী প্রত্যেকেরই নিমিত্ত যদি পায়সান্ন বা বালির ব্যবস্থা করা যায় তাহাতে যেমন ব্যবস্থা কর্তা হাশ্রাম্পদ হন, এবং ভোক্তার তৃপ্তি বা বল কিছুই বর্ধিত হয় না তদ্রূপ সাম্যবাদের ধূসর, জাতি, আশ্রম বা বর্ণ সমুদয় একাকার করিলে কাহারও কিছু উন্নতি হয় না বরং সর্বনাশের কারণই হইয়া থাকে। তজ্জগৎ বর্ণাশ্রম ধর্মই স্বাভাবিক ও প্রকৃতির অনুকূল। যাহারা প্রকৃতির সত্তা এবং তাহার ক্রিয়াদি অনুধাবন করেন না, তাহাদের মুখে এতাদৃশ উক্তি সম্ভব হইলেও বুদ্ধিমান্ ও আত্মসন্ধিৎসু ব্যক্তিগণ তাহা মানিতে পারেন না। পুরুষ, নারী, রাজা, প্রজা, ব্রাহ্মণ, ক্ষত্রিয় ইত্যাদি প্রত্যেকেরই বিশিষ্টতা আছে সুতরাং সেই বিশিষ্টতা রক্ষা করিয়া তাহাকে উন্নতির পথে লইয়া বাইতে হইবে। মনুষ্য সমাজের রীতি নীতি আলোচনা করিলে স্বতঃই প্রতীয়মান হয় যে যদি প্রত্যেক সমাজেই ব্যক্তি বিশেষে স্বীয় বিশিষ্টতা রক্ষা করিয়া না চলে, যদি কতকগুলি লোক কৃষি বাণিজ্য, কতকগুলি লোক কুলি ইত্যাদির কাজ, কতকগুলি লোক যুদ্ধ বিগ্রহ এবং কতকগুলি আধ্যাত্মিক উন্নতি বা উপদেশাদির চেষ্টা না করে তাহা হইলে সে সমাজ বা জাতি ক্রমশঃ অবনত হইয়া নষ্ট হইয়া যায়। তজ্জগৎ সব দেশে এইরূপ ভাগ দেখিতে পাওয়া যায়। তাহাদের সেগুলি প্রায় স্বেচ্ছাগত বা অর্থগত, আমাদের দেশে সেগুলি জনগত ছিল ইহাই প্রভেদ। ক্ষত্রিয় জাতির ধর্ম রজঃ সত্ব প্রধান, তজ্জগৎ তিরস্কার পুরস্কার ইত্যাদি দ্বারা যদি প্রজাপালন এবং

স্বধর্মের অনুশীলন পরিত্যাগ পূর্বক ব্রাহ্মণ জাতির সম্বন্ধে প্রধান কর্মের নিষেক হয়, তাহা হইলে ক্ষত্রিয় জাতির পতন অবশ্যস্তাবী। কারণ ক্ষত্রিয় রাজা যদি ঐ সমুদয় রাজ্য রক্ষাদি রূপ ধর্ম ত্যাগ করতঃ ব্রাহ্মণ জাতির হায়ে অধ্যাত্ম উন্নতির চেষ্টা করে এবং তজ্জন্ম ভিক্ষাবৃত্তি অবলম্বন করে তাহা হইলে শাসন কর্তা বিহীন হওয়ায় দেশে প্রবলের অত্যাচারে দুর্বল পীড়িত হইতে থাকে ; দুই সমুদয় একত্রিত হইয়া সংকর্য সমুদয় সমূলে উৎপাটিত করে ; স্মৃতরাং স্বল্পকাল মধ্যেই রাজ্য এবং রাজা দুইই সমূলে বিনাশ প্রাপ্ত হয়।

পূর্ব জন্মান্ত্যস্ত কর্মসমুদয়ের ভোগনিবৃত্তি বা পুষ্টির নিমিত্ত দেহ ধারণ করা জীবের ধর্ম। সন্ন্যাস আশ্রমে কর্মনিবৃত্তির নিমিত্ত সম্যক সাধনা অনুষ্ঠিত হয়। গার্হস্থ্য আশ্রমে প্রবৃত্তির সম্যক পুষ্টি করতঃ নিবৃত্তির পথে উন্নত হইবার জন্ম নিয়মাদি অনুষ্ঠিত হয়। তজ্জন্ম নিজের জন্ম কিছু সঞ্চয় না করা, সর্বদা অধ্যাত্ম চিন্তা, শাস্ত্রাদি অনুশীলন এবং তাহার গতি দ্বারা লোক হিতকর কর্মের বৃদ্ধি, এই কয়টি সন্ন্যাস আশ্রমের কাজ ; এবং অর্থ সঞ্চয়, পরিবার বর্গের ভরণ পোষণ, যাগ যজ্ঞাদি দ্বারা দেব পিতৃ মানবদির তৃপ্তি সাধন ও অবসর মত অধ্যাত্ম চিন্তা প্রবৃত্তি-মার্গাবলম্বী গৃহস্থের ন্যায় কার্য। এখন যদি কেহ সন্ন্যাসী হইয়া গৃহীর ধর্ম পালন করিতে যায় সে বেরূপ ব্রহ্ম ও কর্ম উভয় মার্গ হইতে ভ্রষ্ট হয় এবং অন্তেরও অধঃপতনের কারণ হয়, তদ্রূপ গৃহীও সন্ন্যাসীর অনুষ্ঠের কার্যের অনুষ্ঠান করিতে যাইয়া কর্ম ও ব্রহ্ম উভয়ভ্রষ্ট হইয়া থাকে। ইহলোকে মান যশ প্রভূত প্রভৃতির কামনা পরায়ণ জীবই ক্ষত্রিয় কুলে জন্মগ্রহণ করে এবং পরলোকে উন্নতিকামী অথবা জ্ঞান-লাভেচ্ছু ব্যক্তিই ব্রাহ্মণ কুলে জাত হয় ইহাই সাধারণ বা প্রাকৃতিক নিয়ম। বিশ্বামিত্রের মত অসাধারণ ব্যক্তি দ্বারা এই সাধারণ নিয়মের ব্যতিক্রম

হইয়াছে কিন্তু তাহাও বিশেষ ধর্মের অনুগামী ইহা পরে দেখান যাইতেছে।

বর্ণধর্ম কি ? জাতীয় উন্নতির সহিত ইহার কোন সম্বন্ধ আছে কি না ? ইহা অনাদি কাল হইতে প্রচলিত অথবা ব্রাহ্মণ জাতির স্বকপোল-কল্পিত কোন কিছু ? বর্ণাশ্রম ধর্ম রক্ষণীয় অথবা ইহার ধ্বংসই প্রার্থনীয় ? বর্ণ-সঙ্কর হইলে কি দোষ হইতে পারে ইত্যাদি বিষয়গুলির সম্যক বিচার অতঃপর করা যাইতেছে।

কোন বস্তুর লাভ বা লোকসান বিচার করিতে হইলে প্রথমে সেই বস্তুর অস্তিত্ব বা নাশ কোন সত্তার অবস্থান করে অর্থাৎ দৃশ্যমান প্রকৃতির সহিত তাহার মৌলিক কোন সম্বন্ধ আছে কি না তাহা সর্ব প্রথমে বিচার্য। কারণ প্রকৃতির সহিত তাহার মৌলিকত্ব রূপ সম্বন্ধ নির্ণীত হইলে প্রকৃতির অবস্থান পর্য্যন্ত তাহার অবস্থানসম্ভব হইবে ইহাতে কোন সন্দেহ নাই। তৎপরে বিচার করিতে হইবে যে উহা দ্বারা আমরা কতটুকু লাভ বা লোকসানের ভাগী হইব এবং কিরূপে ব্যবহার করিলে তাহা আমাদের স্বার্থ সিদ্ধির সহায়ক হইতে পারে। পূর্বেই বলিয়াছি যাহারা প্রকৃত তত্ত্ব অবগত আছেন তাহারা বর্ণাশ্রম ব্যবস্থা স্বকপোল-কল্পিত বলিতে সাহসী হন না। তাহারা ত্রিগুণময়ী প্রকৃতির ক্রিয়া কলাপ নিবিষ্ট চিন্তে অধ্যয়ন করিতে সমর্থ এমন ধীর মস্তিষ্ক ব্যক্তিগণ প্রকৃতির সমুদয় অঙ্গ প্রত্যঙ্গ তন্ন তন্ন করিয়া বিশ্লেষণ করিয়াছেন। তাহারা প্রকৃতির ভাগ অনুযায়ী উদ্ভিজ্জ হইতে আরম্ভ করিয়া দেবতা পর্য্যন্ত সমুদয় জীবের গুণ-তারতম্য অবলোকন করিয়া বর্ণধর্মের ব্যবস্থা করিয়াছেন। যদি প্রকৃতিতে কেবল মাত্র সত্ত্ব কিংবা রজঃ বা তমোগুণ বর্তমান থাকিত তাহা হইলে একই বর্ণ উৎপন্ন হইত। যদি কোন দুইটা গুণ বর্তমান থাকিত, তাহা হইলে তিনটা বর্ণের উৎপত্তি হইতে পারিত। কিন্তু

চূর্ভাগ্য ক্রমে তিনটি গুণের বিকাশ থাকায় মূল চারিটি বর্ণের উৎপত্তি হইয়াছে এবং মিশ্রণ ফলে আরও বহু বর্ণের উৎপত্তি হইয়াছে। সৃষ্টি ধারা আরোহিণী ও অবরোহিণী ভেদে দ্বিবিধ। একটা তমোগুণ হইতে সত্ত্ব গুণে লইয়া যায়, অপরটা সত্ত্বগুণ হইতে তমোগুণে আনয়ন করে। প্রথমটি হইতে পিণ্ডরূপ দেহের উৎপত্তি এবং দ্বিতীয়টি হইতে ব্রহ্মাণ্ডের উৎপত্তি হইয়াছে। প্রথম প্রকারে তমোগুণ হইতে উন্নতি দ্বারা তমো রজোগুণে মিলিত হয়। পরে রজঃ সত্ত্বে মিলিত হয় এবং অবশেষে সত্ত্ব গুণে উপনীত হয়। প্রকৃতির এই প্রধান চারি বিভাগ জন্ম চারি বর্ণরূপ শূদ্র, বৈশ্য, ক্ষত্রিয় ও ব্রাহ্মণ বর্ণের উৎপত্তি হইয়াছে। তিন গুণের সংমিশ্রণ দ্বারা চারিটি বর্ণের উৎপত্তি হইয়াছে; সুতরাং উহার সত্ত্বা প্রকৃতির সত্ত্বায় অবস্থিত এবং প্রকৃতি অনাদি বলিয়া বর্ণও অনাদি। তজ্জন্মই এই বর্ণ ব্যবস্থা কাহারও কৃত নহে।

ব্রহ্মাণ্ড সৃষ্টি কালে গুণ ক্ষোভ বশতঃ সত্ত্বগুণ হইতে সত্ত্ব রজোগুণে— সত্ত্ব রজ হইতে রজোগুণে * রজ হইতে রজস্তমোগুণ এবং রজস্তম হইতে তমোগুণে উপনীত হয়; তজ্জন্মই সত্যযুগ প্রারম্ভে একমাত্র ব্রাহ্মণ বর্ণ ছিল, পরে কালক্রমে অন্যান্য বর্ণ সমুদয়ের উৎপত্তি হইয়াছে। তজ্জন্মই এই বর্ণ ব্যবস্থা প্রকৃতির প্রতি অণু-পরমাণুতে গ্রথিত। ব্যষ্টি ও সমষ্টি এই উভয় প্রকার সৃষ্টিতেই একই তত্ত্ব পাওয়া যায়। ব্যষ্টি সৃষ্টির অপর নাম জীব সৃষ্টি। যদিও জীব অনাদি কাশ হইতে বর্তমান তথাপি যে সময় প্রকৃতি পুরুষের সম্বন্ধ বশতঃ নূতন ব্রহ্মাণ্ড সৃষ্টি হয় তখনই জীবের কারণশরীর সমুদয় সৃষ্ট হয় এবং ঐ কারণ শরীর হইতে সূক্ষ্ম শরীর রূপী সপ্তদশ অবয়ব কারণশরীরে অবস্থিত হয়। তদনন্তর প্রকৃতির সুলভ

* শুধু ক্রিয়শীলতা থাকায় রজোগুণ একক কোন কাজ করিতে সক্ষম হয় না। ধারণ ও পোষণ ক্ষমতা ভিন্ন ক্রিয়শীলতার ফল বৃথা।

হইয়া ভোগায়তন স্থূল দেহের উৎপত্তি হইয়া থাকে। প্রকৃতি স্থূল, সূক্ষ্ম ও কারণ এই তিন ভাগে বিভক্ত। তাই জীবেরও স্থূল, সূক্ষ্ম ও কারণ ত্রিবিধ দেহ আছে জানা যায়। তমঃ, রজঃ এবং সত্ত্ব এই তিন গুণ হইতে প্রকৃতির অনুযায়ী স্থূল, সূক্ষ্ম ও কারণ দেহ উৎপন্ন হয়। তজ্জন্ম বর্ণধর্ম স্থূল সূক্ষ্ম ও কারণ তিন দেহ লইয়াই বর্তমান আছে। কিন্তু যাহারা স্থূল শরীর পরিত্যাগ করতঃ সূক্ষ্ম ও কারণ শরীরেই বর্ণধর্ম অবস্থিত বলেন তাঁহারা ভ্রান্ত। তাঁহাদের বিচার শক্তি সাধারণ বুদ্ধি জাত।

দ্বিতীয় অধ্যায় ।

স্থূল, সূক্ষ্ম ও কারণ তিন দেহ ও চৈতন্যের মিলনের নাম জীবাবস্থা । স্মৃতরাং পঞ্চ ভূতের উৎপন্ন স্থূল দেহ বাদ দিয়া বর্ণিত শুধু সূক্ষ্ম ও কারণ দেহের উন্নতি দ্বারা সম্ভব, ইহা অপসিদ্ধান্ত । প্রকৃতির বেগ দ্বারা অবলম্বন করিয়াই জীব উন্নত বা অবনত হয় । তাহার বিপরীত হওয়া কাহারও সাধ্য নাই । শাস্ত্র দৃষ্টিতে জানা যায় চৌরাশি লক্ষ যোনি ভ্রমণ করতঃ জীব মনুষ্যদেহ প্রাপ্ত হয় । আমরা যদিও ইহা প্রমাণ করিতে পারি না, তথাপি শাস্ত্র অত্রান্ত স্বীকার করি তাই মানিয়া লই । মতভেদে ইহা অস্বীকার করিতে হইলেও উদ্ভিজ্জ, শ্বেদজ, অণুজ ও জরায়ুজ এই চারি যোনিতে জীবের উৎপত্তি হয় এ সম্বন্ধে কাহারও মতভেদ নাই । স্থূল শরীর পরিবর্তনের সহিত সূক্ষ্ম ও কারণ শরীর ক্রমশঃ পরিবর্তিত হয় এবং ক্রমশঃ সত্ত্ব গুণের দিকে অগ্রসর হয় ইহা প্রকৃতির ক্রিয়ানুযায়ী হইয়া থাকে । যেমন নদী স্রোতে পতিত বস্তুকে তাহার প্রবাহ অনুযায়ী ভাসাইয়া লইয়া যায় তেমনই প্রকৃতি আরোহিণী গতিতে জীবকে ক্রমশঃ উন্নতির দিকে অগ্রসর করে এবং অবরোহিণী গতিতে নিরন্তরে পৌছাইয়া দেয় । অন্য যোনিতে অবস্থান কালে নূতন পাপ বা পুণ্য কিছুই সঞ্চিত হয় না । কারণ তখন জীবের সমুদয় সংস্কার প্রকৃতির সহিত মিলিত হইয়া সমষ্টি সংস্কার রূপে দৃষ্ট হয় । তজ্জন্তু সিংহ ব্যাঘ্রাদি অজস্র হিংসা করিয়াও পাপের ভাগী হয় না বা লতা পাতা খাইয়া গবাদি পশুও পুণ্যাত্মা হয় না । মনুষ্য যোনিতে যজ্ঞপ গুণত্রয়ের বিভাগ অনুযায়ী চতুর্বিধ বর্ণ দৃষ্ট হয়, বৈদিক শাস্ত্রানুযায়ী এবং যুক্তি অনুযায়ী অন্যান্য যোনিতেও তদ্রূপ চতুর্বিধ বর্ণ দৃষ্ট হয় ;

উদ্ভিজ্জ প্রাণীর মধ্যে বৃক্ষ শ্রেষ্ঠ। তন্মধ্যে অশ্বথকে ব্রাহ্মণ আখ্যায় অভিহিত করা হয়। গীতায় উক্ত হইয়াছে—‘অশ্বথঃ সর্ববৃক্ষাণাম্’, অর্থাৎ সমস্ত বৃক্ষের মধ্যে আমিই অশ্বথ। এই জন্তই শাস্ত্রকারগণ অশ্বথ বৃক্ষ প্রতিষ্ঠার ফল নানারূপ কীর্তন করিয়াছেন। অশ্বথ বৃক্ষের গায় বট বিহাদি ব্রাহ্মণ শ্রেণীর অন্তর্গত। শাল সেগুণ আদি বৃক্ষ ক্ষত্রিয় শ্রেণীর অন্তর্গত; আম কাঁঠাল আদি বৈশ্য শ্রেণীর অন্তর্গত এবং বাঁশ, ওষধি প্রভৃতি শূদ্র শ্রেণীর অন্তর্গত বলিয়া ভাগ করা হইয়াছে। স্বেদজ প্রাণীর ভিতর পুষ্পাদিতে বাহারা জন্মগ্রহণ করে, মধু আদি পান করে তাহারা ব্রাহ্মণ শ্রেণীর অন্তর্গত। রক্ত হইতে উৎপন্ন পরস্পর বিবাদ-রত কীটগুলি ক্ষত্রিয় শ্রেণীর অন্তর্গত এবং লাফা ইত্যাদির উৎপত্তি-কারক বৈশ্য শ্রেণীর অন্তর্গত ও বিষ্ঠাদির কীটগুলি শূদ্র শ্রেণীর অন্তর্গত। বেদান্ত শাস্ত্র বলেন অণুজ প্রাণীর মনোময় কোষ বর্তমান আছে তজ্জন্ত মনোধর্ম প্রেমাди বাহাতে অধিকতর পরিলক্ষিত হয় তাহারা ব্রাহ্মণ জাতির অন্তর্গত। যেমন কপোত, চকোর ইত্যাদি। বাজ আদি শিকারী পক্ষী ক্ষত্রিয় জাতির অন্তর্গত। ময়ূরাদি পক্ষী বৈশ্য জাতির অন্তর্গত এবং কাক গৃধ্র আদি পক্ষী শূদ্র জাতির অন্তর্গত। বাহাদের ফলিত জ্যোতিষে জ্ঞান আছে তাঁহারা এই সব উত্তমরূপে ধারণা করিতে পারেন। অনেকে বলেন বেদ ভিন্ন আমরা অন্য কিছু বিশ্বাস করি না কিন্তু বাহা তাঁহাদের মনোমত হয় না বা ধারণায় কুলায় না তাহাকে হয় প্রক্ষিপ্ত না হয় রূপক বলিয়া উড়াইয়া দিতে চেষ্টা করেন। প্রক্ষিপ্ত বলিলে তাহার প্রমাণ দিতে হইবে ইহা কিন্তু তাঁহাদের সামর্থ্যের বাহিরে; রূপক শব্দের অর্থ কি তাহা তাঁহাদের জ্ঞানের বাহিরে। কারণ দুইটা সত্য বস্তু থাকিলে তবে একটা রূপক হয়। অসত্য বস্তুতে রূপক সিদ্ধ হয় না। যাই হোক তৈত্তিরীয় সংহিতা আমাদের কথা প্রমাণিত

করিতেছেন তজ্জগৎ তাহা হইতে কিছু এখানে উল্লেখ করা যাইবে। “প্রজাপতির কামরত প্রজারেয়েতি স মুখতঙ্গিবৃতং নিরমিমীত তমগ্নি-
 দেবতা অন্ন সৃজত.....ব্রাহ্মণো মনুষ্যানামজঃ পশুনাং তস্মান্তেমুখ্যাঃ,
 বাহুভ্যাং পশুদশং নিরমিমীত তমিদ্রো দেবতা অন্নসৃজ্যত.....রাজশ্রো
 মনুষ্যানামবিঃ পশুনাং তস্মান্তে বীর্য্যবস্তো.....মধ্যতঃ সপ্তদশং নিরমিমীত
 তং বিশ্বদেবা দেবতা অন্নসৃজ্যন্তবৈশ্বো মনুষ্যানাং গাবঃ পশুনাম্
সোহন্যেভ্যো ভূয়িষ্ঠা হি দেবতা অন্নসৃজ্যন্ত শূদ্রো মনুষ্যানামশ্বঃ
 পশুনাম্.....। প্রজাপতি সৃষ্টি করিবার ইচ্ছা করিয়া মুখ হইতে তিন
 প্রকার সৃষ্টি করিলেন তাহার। ব্রাহ্মণ বর্ণের, যথা দেবতা দিগের মধ্যে
 অগ্নি, মনুষ্য মধ্যে ব্রাহ্মণ এবং পশু মধ্যে ছাগ। বাহু হইতে যাহারা উৎপন্ন
 হইলেন তাহার। ক্ষত্রিয়বর্ণ নামে অভিহিত, যেমন দেবমধ্যে ইন্দ্র, মনুষ্য
 মধ্যে ক্ষত্রিয় এবং পশু মধ্যে ভেড়া। মধ্য হইতে যাহারা উৎপন্ন হইলেন
 তাহার। বৈশ্ব, দেবতাদিগের মধ্যে বিশ্বদেবগণ, মনুষ্য মধ্যে বৈশ্ব জাতি এবং
 পশুमध्ये গরু। পদ হইতে যাহারা উৎপন্ন হইলেন তাহার। শূদ্রবর্ণ, তাহার
 মধ্যে অনেক দেবতাও মনুষ্য এবং পশু মধ্যে অশ্ব পরিগণিত হইল। বেদে
 উপনিষদে বহু স্থানেই এইরূপ সর্ব প্রাণীর মধ্যেই প্রকৃতির তিন ধারা
 অবলম্বন করিয়া চারি বর্ণের উৎপত্তি লিখিত হইয়াছে। যাহারা এ
 সম্বন্ধে বিশেষ অনুসন্ধান করিতে চান তাহার। যেন সর্ববর্ণাশ্রম নাশ-
 কারী বৌদ্ধগণকে যিনি সমূলে উৎপাটন করেন সেই ব্রাহ্মণবর্ষ্য কুমারিল-
 কৃতমীমাংসাতন্ত্র বার্ত্তিক, শ্লোক বার্ত্তিক প্রভৃতি গ্রন্থগুলি অধ্যয়ন করেন
 তাহা হইলে তাহাদের বিদ্যা বুদ্ধির দৌড় বুঝিতে পারিবেন এবং তর্ক
 বুদ্ধির পরিণাম কোথায় তাহা হৃদয়ঙ্গম হইবে। দিগ্‌দর্শনের গ্ৰায়
 আমরা সামান্যই কিছু উল্লেখ করিতেছি। অগ্ৰাণ্ড যোনিতে বুদ্ধির বিকাশ
 না হওয়াতে এবং অভিমান অহঙ্কারাদি বৃত্তি পুষ্ট না হওয়াতে প্রকৃতির

বিরুদ্ধ কোন কাজই করিবার ক্ষমতা থাকে না। সুতরাং আহার নিদ্রা মৈথুনাদি ধর্ম প্রকৃতির ক্রিয়ানুযায়ী হইয়া থাকে। কিন্তু মনুষ্য যোনিতে অহঙ্কারের পূর্ণতা হওয়াতে তাহার বিরুদ্ধাচরণে সামর্থ্য জন্মে। তজ্জন্ম মানুষ আহার নিদ্রাদি বিষয়ে সম্পূর্ণ উচ্ছৃঙ্খল হইয়া পড়ে। সেই উচ্ছৃঙ্খলতা রোধের নিমিত্ত ঋষিগণ বর্ণ ধর্ম নির্ণয় করিয়াছেন এবং তাহা হইতে উন্নত জীবের ত্রিবিধ শরীরের পুষ্টি সাধনান্তর ব্রহ্মজ্ঞান লাভের জন্য আশ্রম ধর্মরূপ নিবৃত্তি ধর্মের স্বরূপ নির্ণয় করিয়াছেন। তজ্জন্ম ঋষি-প্রণীত বা বেদাদি সমুদয় শাস্ত্রে এক বাক্যে এই বর্ণাশ্রম ধর্মের আবশ্যিকতা লিপিবদ্ধ হইয়াছে। যোগদর্শনকার মহর্ষি পতঞ্জলি যুক্তি দ্বারা ইহার সার্থকতা প্রমাণ করিয়াছেন। যথা -

‘ক্লেশমূলঃ কর্মাশয়ো দৃষ্টাদৃষ্ট-জন্ম-বেদনীয়ঃ সতিমূলে তদ্বিপাকো জাত্যারুর্ভোগাঃ “ক্লেশমূলক কর্মাশয় দুই প্রকার দৃষ্ট-জন্ম-বেদনীয় ও অদৃষ্ট-জন্ম-বেদনীয়। তাহার মধ্যে পুণ্য ও অপুণ্যাত্মক কর্মাশয় কাম, লোভ, মোহ ও ক্রোধ হইতে প্রসূত হয়। তাহা দৃষ্ট জন্ম বেদনীয় ও অদৃষ্ট জন্ম বেদনীয় ভেদে আবার দ্বিবিধ। তীব্র বৈরাগ্যের সহিত আচরিত মন্ত্র, তপ ও সমাধির অথবা ঈশ্বর, দেবতা বা মহানুভব ব্যক্তির আরাধনা দ্বারা উৎপন্ন পুণ্যের ফল সত্ত্বই প্রাপ্ত হওয়া যায়। সেইরূপ তীব্র অবিজ্ঞাদিগ্রস্ত হইয়া ভীত, বাধিত, দীন, শরণাগত বা মহানুভব তপস্বী-গণের প্রতি পুনঃ পুনঃ অপকার করিলে যে পাপ কর্মাশয় হয় তাহার সত্ত্বই ফল প্রাপ্ত হওয়া যায়। যেমন বালক নন্দীশ্বর মধুশ্য পরিণাম ত্যাগ করিয়া তজ্জন্মেই দেবত্ব প্রাপ্ত হইয়াছিলেন; এবং সুরেন্দ্র নহষ দৈব পরিণাম ত্যাগ করতঃ তিৰ্য্যক্ জন্ম প্রাপ্ত হইয়াছিলেন। তাহার মধ্যে নারক গণের দৃষ্ট জন্ম বেদনীয় সংস্কার নাই এবং ঋণীণ ক্লেশ পুরুষের অদৃষ্ট জন্ম বেদনীয় কর্মাশয় নাই।

মূলে এই ক্লেশ বর্তমান থাকায় কর্ম্মাশয় ফলারম্ভী হয়। যতদিন ততুল তুষবদ্ধ থাকে এবং বীজ ভাব দন্ধ না হয় ততদিনই তাহা দ্বারা নূতন ধাত্তের উৎপত্তি সম্ভব। কিন্তু ঐ বীজ দন্ধ ভাব প্রাপ্ত হইলে আর কিছু উৎপত্তির সম্ভাবনা থাকে না। সেই কর্ম্মাশয়ের বিপাক ত্রিবিধ; জাতি, আয়ুঃ ও ভোগ। প্রশ্ন হইতে পারে জাতি, আয়ুঃ ও ভোগের কারণ কি? তিন প্রকার কারণ মনুষ্য পরম্পরা চলিয়া আসিতেছে। (১) ঈশ্বরের কর্তৃত্ব উহার কারণ। (২) উহার কারণ অজ্ঞেয়। (৩) কর্ম্ম উহার কারণ। ঈশ্বর উহার কারণ ইহা যুক্তিসহ নহে, উহা শুধু বিশ্বাসের কথা। তাঁহাদের মতে ঈশ্বরও অজ্ঞেয়; সুতরাং উহার কারণও অজ্ঞেয়। দ্বিতীয় মত অজ্ঞেয় বাদীদের নিকট অজ্ঞেয় হইলেও উহা অজ্ঞেয় ইহা সম্ভব নহে। সর্বাপেক্ষা কর্ম্মই উহার কারণ ইহাই যুক্ততম। এই কর্ম্ম ভাষ্যকার যেরূপে ব্যাখ্যা করিয়াছেন তাহার এ স্থলে সম্পূর্ণ বিচার করা অসম্ভব। তবে মোটামুটি ইহাই বলা যায় যে অনেক কর্ম্মাশয় একটী জন্ম সংঘটন করে। কারণ এক জন্মে অনেক কর্ম্মের ফল ভোগ হয়। যে কর্ম্মাশয়সমূহ হইতে একটী জন্ম হয় সেই জন্ম তাহা হইতে জাতি, আয়ুঃ ও ভোগ লাভ করে। এই কর্ম্মসংস্কারসমূহ প্রারম্ভ, সঞ্চিত ও ক্রিয়মাণ এই তিন শ্রেণীতে বিভক্ত করা হইয়া থাকে। জন্ম-জন্মান্তর হইতে লব্ধ এবং যাহার ফল এখনও ভোগ হয় নাই তাহার নাম সঞ্চিত। বর্তমান জন্মে যে কর্ম্ম অনুষ্ঠিত হয় তাহার নাম ক্রিয়মাণ এবং যাহার ফল সত্ত্বই ভোগ করা যাইতেছে তাহার নাম প্রারম্ভ। এই প্রারম্ভ কর্ম্ম বশতঃই দেহ ধারণ হইয়া থাকে। প্রারম্ভবশতঃই মনুষ্যাদির জাতি, আয়ুঃ ও ভোগ সম্পাদিত হয় এবং স্বীয় প্রারম্ভ অনুযায়ী ব্রাহ্মণাদি কোন বর্ণে জন্ম হয়। তজ্জন্মই আয়ুঃ ও ভোগ সম্পাদিত হয়। কর্ম্মের মূল বাসনা এবং বাসনা হইতে সংস্কার উৎপন্ন হয়। সংস্কার-অনুযায়ী

এক বর্ণ হইতে অপর বর্ণে পৌছাইবার গুণগুলি অর্জিত হইয়া থাকে এবং উচ্চ বর্ণে নীত হয়। শ্রীভগবান গীতায় বলিয়াছেন—“চাতুর্বর্ণ্যং যয়া সৃষ্টং গুণ-কর্ম্ম-বিভাগশঃ” অর্থাৎ “প্রকৃতির তিন গুণ অনুযায়ী ও তদনুযায়ী কর্ম্মানুসারে, চারি ভাগে ভাগ করিয়া চারি বর্ণ আমি সৃষ্টি করিয়াছি।” এখানে গুণ শব্দে প্রকৃতির গুণ কেন বলা হইল তাহার কারণ পূর্বে উল্লিখিত হইয়াছে। সেই গুণ ও তজ্জনিত কর্ম্মানুযায়ী জাতি বর্ণাদির সৃষ্টি হয়। কর্ম্ম কর্ত্তার স্বতন্ত্রতা থাকায় সে পুরুষকার দ্বারা অন্য গুণের অবস্থায় উন্নত হইতে পারে। ঋষিগণ তিন গুণের ক্রিয়া সমুদয় লক্ষ্য করিয়া চতুর্বর্ণের নিমিত্ত পৃথক্ পৃথক্ কার্য্য নির্দেশ করিয়া গিয়াছেন। সেই সেই বর্ণজাত কর্ত্তব্যসমূহ সম্পাদন দ্বারা তাঁহারা ক্রমশঃ তাহার ক্রিয়া পূর্ণ করতঃ অন্য বর্ণে নীত হইতে পারেন।

“ব্রাহ্মণক্ষত্রিয়বিশাং শূদ্রানাঞ্চ পরস্তপ ।

কর্ম্মানি প্রবিভক্তানি স্বভাব-প্রভবৈশু নৈঃ ॥”

“স্বভাব অর্থাৎ প্রকৃতি হইতে উৎপন্ন গুণ দ্বারা ব্রাহ্মণ ক্ষত্রিয় বৈশ্য ও শূদ্র এই চতুর্বর্ণের কর্ম্ম সকল বিভক্ত হইয়াছে।” জন্ম কর্ম্ম ও জ্ঞানের পূর্ণতা দ্বারা তাঁহারা স্বকীয় বর্ণের পূর্ণতা সম্পাদন করতঃ ক্রমশঃ শূদ্র হইতে বৈশ্য হইতে, বৈশ্য হইতে ক্ষত্রিয় হইতে এবং ক্ষত্রিয় হইতে ব্রাহ্মণ হইতে উপস্থিত হইতে পারেন। যদি কেহ শুধু জন্ম দ্বারা কোন বর্ণ প্রাপ্ত হন অথচ তাঁহাতে কর্ম্ম বা জ্ঞানের পূর্ণতা না থাকে তাঁহাকে পূর্ণরূপে তদ্বর্ণের বলা যায় না। যতক্ষণ তাঁহার ত্রিবিধ শরীর পূর্ণ প্রকৃতির না হয় ততক্ষণ উচ্চ বর্ণের বলিয়া গণ্য হন না। মহাভারতে ইহার বিস্তৃত ব্যাখ্যা পাওয়া যায়। যথা—

“তপঃ শ্রুতং যোনিশ্চাপি এতদ্ ব্রাহ্মণ্যকারণম্ ।

ত্রিভিঃশু গৈঃ সমুদিত স্ততো ভবতি বৈ দ্বিজঃ ॥

তপঃ শ্রুতঞ্চ যোনিশ্চ এতদ্ ব্রাহ্মণ্যকারণম্ ।

তপঃ শ্রুতাত্ম্যং যো হীনো জাতিব্রাহ্মণ এব সঃ ॥”

মহাভারত অনুশাসন পর্ব

“তপস্যা, বিদ্যা এবং জন্ম তিনটি ব্রাহ্মণত্বের কারণ, যাঁহার এই তিনটি গুণ বর্তমান তিনিই পূর্ণ ব্রাহ্মণ নামে অভিহিত হইবেন। যাঁহার তপস্যা এবং বিদ্যা নাই তিনি জাতিব্রাহ্মণ নামে অভিহিত হইবেন।”

যে কয়টি শ্লোক লইয়া তাঁহারা উদ্দণ্ড নৃত্য করিতেছেন এইবার তাহা আলোচনা করা যাইতেছে।

“শৌচাচারস্থিতঃ সমাগ্ বিঘসাসী গুরুপ্রিয়ঃ । ৩ শ্লোক

নিত্যব্রতী সত্যপরঃ স বৈ ব্রাহ্মণ উচ্যতে ॥ ১৮৯ অধ্যায়

জীবিতং যশ্চ ধর্মার্থং ধর্মোহিহু্যার্থমেবচ ।

অহোরাত্রং চ পুণ্যার্থং তং দেবা ব্রাহ্মণং বিহুঃ ॥

শৌচেন সততং যুক্তঃ সদাচারসমন্বিতঃ

সান্নুক্ৰোশশ্চ ভূতেষু তদ্বিজাতিষু লক্ষণম্ ॥

সর্বভক্ষ্যরতির্নিত্যং সর্বকর্মকরোহিঃশুচিঃ ।

ত্যক্তবেদগুণাচারঃ স বৈ শূদ্র ইতিস্মৃতঃ ॥

শূদ্রে চৈতদ্ভবেলক্ষ্যং দ্বিজে চৈতন্নবিদ্যতে ।”

ন চ শূদ্রো ভবেচ্ছূদ্রো ব্রাহ্মণো ব্রাহ্মণো নচ ॥ মোক্ষধর্ম পর্ব ।

প্রথম তিনটি শ্লোকের মধ্যে ব্রাহ্মণের লক্ষণ দেখান হইয়াছে। চতুর্থ ও পঞ্চম শ্লোকের তাৎপর্য দ্বারা অনেকে বলিয়া থাকেন ব্রাহ্মণ

পূর্বোক্ত গুণহীন হইলে অর্থাৎ সর্ববস্তু ভক্ষণশীল, সর্বকর্মঅমুষ্ঠানকারী, বেদপরিত্যাগী ও অনাচারী হইলে তাহাকে শূদ্র বলা যায় এবং শূদ্রে যদি ব্রাহ্মণের লক্ষণ থাকে এবং ব্রাহ্মণের যদি তাহা না থাকে তাহা হইলে শূদ্রও শূদ্র নহে, এবং ব্রাহ্মণও ব্রাহ্মণ নহে। এই শ্লোক দুইটি অবলম্বন করিয়া অনেকেই অনেক অকথা কুকথা বলিয়া থাকেন কিন্তু সেগুলি তাঁহাদের শাস্ত্রজ্ঞানহীনতা ও ব্রাহ্মণবিদ্বেষের পরিচায়ক। অত্রিসংহিতায় দশপ্রকার ব্রাহ্মণের লক্ষণ দেওয়া হইয়াছে তাহার মধ্যে দুই একটি উল্লেখ করিয়া শাস্ত্র এবং যুক্তিসঙ্গত মীমাংসা দেখান যাইতেছে। ব্রাহ্মণ দশপ্রকার। যথা :—

“দেবো মুনির্দ্বিজো রাজা বৈশ্বঃ শূদ্রো নিষাদকঃ ।

পশুশ্লেচ্ছোহপি চাণ্ডালো বিপ্রো দশবিধাঃ স্মৃতাঃ ॥” ৩৬৩

‘দেব, মুনি, দ্বিজ, ক্ষত্রিয়, বৈশ্ব, শূদ্র, নিষাদ, পশু, শ্লেচ্ছ ও চণ্ডাল।’

“সক্ধ্যাং স্নানং জপং হোমং দেবতানিত্যপূজনম্ ।

অতিথিং বৈশ্বদেবঞ্চ দেবব্রাহ্মণ উচ্যতে ॥ ৩৬৪

বেদান্তং পঠতে নিত্যং সর্বসঙ্গং পরিত্যজেৎ

সাজ্জ্যযোগবিচারস্থঃ স বিপ্রো দ্বিজ উচ্যতে ॥ ৩৬৭

ব্রহ্মতত্ত্বং ন জানাতি ব্রহ্মহত্রেণ গর্ভিতঃ ।

তেনৈব স চ পাপেন বিপ্রঃ পশুরদাহতঃ ॥ ৩৭২

ক্রিয়াহীনশ্চ মূর্খশ্চ সর্বকর্ম্যবিবর্জিতঃ ।

নির্দয়ঃ সর্বভূতেষু বিপ্রশ্চাণ্ডাল উচ্যতে ॥” ৩৭৪

এখানে ২য় ও ৩য় শ্লোকে দেবব্রাহ্মণ ও দ্বিজব্রাহ্মণের উল্লেখ আছে। ৪র্থ ও ৫ম শ্লোকে পশু এবং চণ্ডালব্রাহ্মণের লক্ষণ লিখিত

আছে। ইহা দ্বারা প্রমাণিত হয় কর্ম দ্বারা ব্রাহ্মণ উন্নত হইলে তাহাকে ঋজ বা দেবতা আখ্যা দেওয়া যাইতে পারে, কিংবা অবনত হইলে পশু বা চণ্ডাল আখ্যার অভিহিত করা হয়, কিন্তু জন্মগত ব্রাহ্মণত্বের কোনরূপ হানি হয় না। এইরূপ পূর্বোক্ত ‘সর্বভক্ষণ’ ইত্যাদি শ্লোকে যে ব্রাহ্মণ শূদ্র প্রাপ্ত হয় লিখিত হইয়াছে, তাহার তাৎপর্য এই যে জ্ঞান ও কর্মে হীন হইলে তাহাকে শুনে শূদ্রপ্রায়, অর্থাৎ শূদ্রব্রাহ্মণ বলা যায়; কিন্তু তাহাতে তাহার জন্মগত বর্ণত্বের কোন হানি হয় না। পরবর্তী শ্লোকে ইহার আরও স্পষ্টতর রূপে সিদ্ধান্ত করা হইয়াছে। সেই শূদ্র শূদ্র নহে, এবং সেই ব্রাহ্মণ ব্রাহ্মণ নহে। এখানে পূর্ববর্তী শূদ্র ও ব্রাহ্মণ শব্দ যে অর্থে ব্যবহৃত, পরবর্তী শূদ্র এবং ব্রাহ্মণ শব্দ সেই অর্থে ব্যবহৃত নহে। যদি একই অর্থে ব্যবহৃত হইত তাহা হইলে এক শব্দের দ্বারাই উহার তাৎপর্য নির্ণীত হইতে পারিত। এখানে শূদ্র, শূদ্র নহে অর্থাৎ বাহাতে ব্রাহ্মণের গুণ আছে এমন শূদ্র শুনে ব্রাহ্মণ স্মরণে জন্মগত শূদ্র হইলেও গুণগত নহে এবং ব্রাহ্মণ নীচকর্মকারী হইলে গুণে শূদ্র তুল্য অর্থাৎ জন্মগত ব্রাহ্মণ হইলেও গুণগত ব্রাহ্মণ নহে। মহাত্মা বিহুর শূদ্র যোনিতে জাত হইয়াও ব্রাহ্মণগুণসম্পন্ন ছিলেন, কিন্তু তাহাকে ব্রাহ্মণ আখ্যার আখ্যাত করা হয় নাই। মহাভারতে উদ্যোগ-পর্বাস্তর্গত সনৎসুজাত পর্বাধ্যায়ে ধৃতরাষ্ট্রকর্তৃক ব্রহ্মজ্ঞান পৃষ্ঠ হইয়াও বিহুর বর্ণাশ্রম ধর্মের মাহাত্ম্য স্মরণ পূর্বক বলিয়াছিলেন—

“শূদ্রযোনা বহুং জাতো নাতোহুৎসুকু মুৎসহে ।

কুমারশ্চ তু বা বুদ্ধির্বেদ তাং শাস্বতীমহং ॥

ব্রাহ্মীং হি যোনিমাপন্নঃ সুগৃহ্মপি যো বদেৎ ।

ন তেন গর্হেৎ দেবানাং তস্মাদেতৎ বীমিতে ॥”




বর্ণাশ্রম

২১

“আমি শূদ্রযোনিতে জাত স্মতরাং ঐ সম্বন্ধে উল্লেখ করিতে অসমর্থ।
কুমারের (সনৎকুমার) ষাদশ জ্ঞান তৎসমুদয় আমি জ্ঞাত আছি ;
কিন্তু পুরাণ ভিন্ন শূদ্রের অন্য বিষয়ে বক্তার আসন দেওয়া হয় নাই,
উহাতে ব্রাহ্মণেরই অধিকার, স্মতরাং তাহা আমি বলিব না।”
যদিও আজকাল রুচি এবং শিক্ষা অনুযায়ী এই বাক্যগুলি হয় প্রেক্ষিত,
না হয় ব্রাহ্মণঠাকুরদের স্পর্ধা সূচনা করিবে তথাপি এতৎ সম্বন্ধে
আলোচনা করিতে হইলে তাঁহাদের কথা ভিন্ন আর কিছু বলার উপায়
নাই ; ঐহারা শিক্ষা এবং সংসর্গের গুণে কিছুই মানিতে রাজী নহেন
তাঁহাদিগের নিমিত্ত এই সব লিখিত হইতেছে না, স্মতরাং তাঁহারা মনের
সুখে গালি দিতে থাকুন। বর্ণাশ্রম ধর্মের উপকারিতা, এবং না
মানিলে কি হয় পরে যুক্তির দ্বারা সাধ্যমত বুঝান যাইবে। শ্রীমদ্ভাগবতের
তৃতীয়স্কন্ধে লিখিত আছে প্রথমসৃষ্ট প্রজা সনক, সনন্দন, সনাতন ও
সনৎকুমার। তাঁহারা ব্রহ্মার মানসসৃষ্ট প্রজা। তাঁহারা উর্দ্ধরেতা
এবং মোক্ষধর্মপরায়ণ ছিলেন স্মতরাং প্রজা সৃষ্টির ইচ্ছা করেন নাই।
তজ্জন্ম ব্রহ্মা মরীচি, অত্রি, অঙ্গিরা, পুলস্ত্য, পুলহ, ক্রতু, ভৃগু,
বশিষ্ঠ, দক্ষ এবং নারদ এই দশ জনকে পুনরায় সৃষ্টি করেন। ইহাদের
মধ্যে সকলেই নিরুত্তিপরায়ণ ছিলেন না, স্মতরাং কয়েকজন প্রজা
সৃষ্টি করিতে স্বীকৃত হন। এতদ্বারা প্রথম সৃষ্টি সময়ে কিরূপে উচ্চ
হইতে ক্রমশঃ নীচদিকে সৃষ্টির ধারা চলিতে থাকে তাহা প্রমাণিত
হইয়াছে। কারণ প্রথম সৃষ্ট চারিপুত্রই নিরুত্তিপরায়ণ ছিলেন।
পরবর্তী দশজনের মধ্যেও কয়েকটা নিরুত্তিপরায়ণ ছিলেন। পরে
সম্পূর্ণ প্রুত্তিপরায়ণ জন্মগ্রহণ করেন। মহাভারতীয় শান্তিপর্বে
১৮৮ অধ্যায় ভৃগুভরষাজ সংবাদে বর্ণসৃষ্টির উত্তম প্রণালী দেখান
হইয়াছে :—

৪-৭৭৪
Acc 22602



ভৃগুর্বাচ —

“অমৃজদ্ ব্রাহ্মণান্বেব পূৰ্বং ব্রহ্মা প্রজাপতীন্ ।
 আত্মতেজোহুতিনিৰ্বৃত্তান্ ভাস্করাগ্নিসমপ্রভান্ ॥
 ব্রাহ্মণাঃ ক্ষত্রিয়া বৈশ্বাঃ শূদ্রাশ্চ দ্বিজসত্তম ।
 যে চাত্রে ভূতসজ্জানাং বর্ণাস্তাং স্চাপি নিৰ্ম্মমে ॥”

“ব্রহ্মা প্রথমে সৃষ্টি এবং অগ্নির সমান তেজস্বী আত্মবলে বলীয়ান্ প্রজাপতি ব্রাহ্মণ নিৰ্ম্মাণ করেন । তৎপর ব্রাহ্মণ, ক্ষত্রিয়, বৈশ্ব, শূদ্র এবং অন্যান্য ভূতগণের নিৰ্ম্মাণ করেন ।” ভরদ্বাজ বলিলেন,—“শ্বেদ, মূত্র, পুরীষ, শ্লেষ্মা প্রভৃতি সকলের দেহেই সমান ক্ষরিত হয়, সূতরাং বর্ণবিভেদ কি প্রকারে সম্ভব হয় ?” ভৃগু উত্তরে বলিতেছেন ।

“ন বিশেষোহুতি বর্ণানাং সৰ্ব্বং ব্রাহ্মমিদং জগৎ ।
 ব্রাহ্মণা পূৰ্ব্বমৃষ্টং হি কৰ্ম্মভিৰ্বর্ণতাং গতং ॥
 কামভোগপ্রিয়াস্তীক্ষ্ণাঃ ক্রোধনাঃ প্রিয়সাহসাঃ ।
 ত্যক্তস্বধৰ্ম্মারক্তাগ্রাস্তে দ্বিজাঃ ক্ষত্রতাং গতাস্তে ॥
 গোভ্যো বৃত্তিঃ সমাস্থায় পীতাঃ কৃষ্যপজীবিনঃ ।
 স্বধৰ্ম্মান্নানুতিষ্ঠন্তি তে দ্বিজা বৈশ্বতাং গতাস্তে ॥
 হিংসানুতপ্রিয়া লুকাঃ সৰ্ব্বকৰ্ম্মোপজীবিনঃ ।
 কৃষ্ণাঃ শৌচপরিব্রষ্টা স্তে দ্বিজাঃ শূদ্রতাং গতাস্তে ॥”

সৃষ্টির প্রথমে একমাত্র ব্রাহ্মণ বর্ণই ছিল কারণ উহা সত্ত্বগুণের অবস্থা । তাঁহারা গুণজনিত কৰ্ম্মপ্রভাবে অন্যান্য বর্ণে পরিণত হইয়াছেন । প্রথমে দেখান গিয়াছে যে সৃষ্টিধারা ক্রমশঃ কিরূপে সত্ত্ব হইতে সত্ত্ব-রজঃ ইত্যাদি ভেদে অবরোহিণী গতিতে নামিয়া আসে ; এখানেও তাহাই বর্ণিত

হইয়াছে। প্রথমে নিবৃত্তিপরায়ণ ব্রাহ্মণগণ উৎপন্ন হন, পরে প্রবৃত্তি-
 পরায়ণ ব্রাহ্মণগণ উৎপন্ন হন। তাঁহাদের ভিতর স্থূল, সূক্ষ্ম ও কারণ
 তিন দেহের পূর্ণ উৎকর্ষ থাকায় তাঁহারা পূর্ণ ব্রাহ্মণ নামেই অভিহিত
 ছিলেন। সৃষ্টির ধারা ক্রমশঃ নীচাভিমুখী হইয়া গুণত্রয়ের সংমিশ্রণে
 অন্যান্য বর্ণের উৎপত্তি হয়। তাঁহাদের জ্ঞান, মন এবং শরীর তিনেরই
 উপর তাহার ক্রিয়া পতিত হইতে থাকে। স্তুরাং ক্রমশঃ তদভাবে
 ভাবিত হইয়া অর্থাৎ গুণ পরিণামে তাঁহারা ভ্রমরকীটের স্থায় তজ্জাতীয়ত্ব
 প্রাপ্ত হন। শাস্ত্রদৃষ্টে আমরা দেখিতে পাই যে নন্দীশ্বর উৎকট তপস্যার
 ফলে তজ্জন্মেই দেবদেহ লাভ করেন এবং নহুষ পাপফলে তির্য্যক্যোনি
 প্রাপ্ত হন; ইহা তাঁহাদের উৎকট পাপ বা পুণ্যের ফল। তদ্রূপ সৃষ্টি-
 ধারায় ক্রমশঃ গুণের নীচগামী ক্রিয়ায় পতিত হইয়া তজ্জনিত
 কর্মপ্রভাবে সেই সব ব্রাহ্মণগণও ক্ষত্রিয়ত্ব বৈশ্যত্ব ও শূদ্রত্ব প্রাপ্ত হন;
 এবং যাহারা অবরোহিণী গতির ভিতর পতিত হইয়াও পুরুষকার সহায়তায়
 উর্দ্ধদিকে গমন করিতে থাকেন তাঁহারা এই জন্মেই দেবত্ব, ব্রাহ্মণত্বাদি
 লাভ করিতে সমর্থ হন। এখানে তাহাই বর্ণিত আছে যে সত্ত্ব গুণ হইতে
 অবরোহিণী গতির মধ্যে আসিয়া তাঁহারা কিরূপে অন্য বর্ণে উপনীত
 হইলেন। যে সমস্ত ব্রাহ্মণ কামভোগপ্রিয়, তীক্ষ্ণ, ক্রোধী ও সাহসী
 ছিলেন এবং কর্মের উৎকট ফলে যাহাদের শরীরের বর্ণ শ্বেত হইতে রক্তে
 পরিণত হইল তাঁহারা ক্ষত্রিয় বর্ণে পরিণত হইলেন। যে সকল
 ব্রাহ্মণ কৃষি গোরক্ষা ইত্যাদি দ্বারা জীবিকা নির্বাহ করিতে লাগিলেন
 এবং যাহাদের বর্ণও পীত হইয়া গেল, তাঁহারা বৈশ্য বলিয়া পরিগণিত
 হইলেন। যাহারা হিংসা ও মিথ্যাপ্রিয়, লোভী, সর্বকর্ম দ্বারা
 জীবিকানির্বাহকারী এবং শৌচ ও আচারবিহীন হইলেন তাঁহাদের
 শরীরও কৃষ্ণবর্ণ হইয়া গেল এবং তাঁহারা শূদ্র বলিয়া পরিগণিত

হইলেন। সৃষ্টির প্রথমে একমাত্র সত্ত্ব গুণ ছিল সূতরাং তৎকালে একমাত্র ব্রাহ্মণ বর্ণই ছিল। যদি একমাত্র গুণই বর্তমান থাকিত তাহা হইলে চারি বর্ণের উৎপত্তি হইত না, একই মাত্র বর্ণ সংসারে বর্তমান রহিত। আরও দ্রষ্টব্য এই যে তৎকালীন ব্রাহ্মণত্ব হইতে যাহারা ক্ষত্রিয়ত্ব প্রভৃতিতে নামিয়া আসেন তাঁহাদের তৎতৎগুণ বা কার্যের এতই প্রবলতা ছিল যদ্বারা তাঁহাদের স্থূল শরীর পর্য্যন্ত পরিবর্তিত হইয়া যায়। এই বিশেষত্ব নিমিত্তই বর্ণভেদ সংঘটিত হইয়াছিল। কিন্তু আজকাল তাহা দেখিতে পাওয়া যায় না। কারণ ধারণাশক্তি অতি হীন হইয়া গিয়াছে। ব্রহ্মাণ্ড সৃষ্টিতেও এতাদৃশ প্রকরণ চলিয়া আসিতেছে। তজ্জন্ম আদিতে সত্যযুগ এবং পূর্ণ সত্ত্বগুণের ক্রিয়া বর্তমান ছিল এইরূপ বলা হয়। ক্রমশঃ ত্রেতা দ্বাপর এবং বর্তমান কলিতে রজোমিশ্রিত তমোগুণ অধিক হওয়ায় বৈশ্ব প্রাধান্য পরিলক্ষিত হইতেছে। এবং কলিশেষে একমাত্র শূদ্রাচারে দেশ পূর্ণ হইয়া শূদ্রপ্রাধান্য লক্ষিত হইবে ও আর্ঘ্যভাব দূরীভূত হইবার সম্ভাবনা রহিয়াছে তজ্জন্মই তৎসময়ে ভগবান বিষ্ণু অবতীর্ণ হইয়া স্নেছাদি সংহার করিবেন এই প্রকার শাস্ত্রে উল্লিখিত হইয়াছে। অনেকে মনে করিতে পারেন ভারতবর্ষ ভিন্ন অন্য কোথাও এই বর্ণাশ্রম ধর্ম দেখিতে পাওয়া যায় না, সূতরাং ইহা প্রকৃতির অভিপ্রেত নহে বা সৃষ্টিপ্রক্রিয়ার বিরোধী। তাঁহাদের নিকট বক্তব্য এই যে ইহাকে প্রকৃতির অনভিপ্রেত বলা হউক বা ভগবানের সৃষ্টিপ্রক্রিয়ার বিরোধী বলা হউক, ফল উভয়তঃই সমান; কিন্তু ইহা স্বীকার করিতে হইবে যে পৃথিবীর অন্য কোন দেশে প্রকৃতির পূর্ণতা লক্ষিত হয় না, শুধু একমাত্র ভারতেই দেখিতে পাওয়া যায়। এই দেশেই ষড়্ঋতুর পূর্ণ বিকাশ। হিমালয়ের মত পর্বত, গঙ্গার গ্রায় বিগুহ্ব জলপূর্ণ নদী, বাংলার গ্রায় শশুগ্রামলা দেশ, রাজপুতনার

শ্রায় মরুভূমি, কাশ্মীরের শ্রায় ভূস্বর্গত সমস্ত রকম পশু পক্ষী প্রভৃতির একাধারে সমাবেশ আর কোথাও নাই; তাই প্রকৃতি মাতার সম্পূর্ণ বিকাশক্ষেত্র এই ভারতেই বর্ণাশ্রম ধর্ম ছিল এবং ক্ষীণশ্রোতা মন্দাকিনীর শ্রায় এখনও প্রবাহিত হইতেছে। যদিও প্রকৃতির নিম্নাভিমুখী গতিপ্রবাহে পতিত হইয়া তাহার কঙ্কাল মাত্র অবশিষ্ট রহিয়াছে তথাপি তাহা পুনরায় একদিন পূর্বাবস্থায় উপনীত হইতে পারে এরূপ আশা করা যায়।

তৃতীয় অধ্যায় ।

বর্ণ এবং আশ্রম ধর্মের প্রয়োজনীয়তা আলোচনা করিলে দেখা যায় যে প্রকৃতির নিম্নাভিমুখী ধারাকে বাধা দিবার নিমিত্তই বর্ণধর্মের উৎপত্তি এবং ক্রমশঃ তদবস্থা হইতে উন্নত হইবার নিমিত্ত অর্থাৎ নিবৃত্তিপোষণের নিমিত্ত আশ্রমধর্মের উৎপত্তি হইয়াছে । মহর্ষি ভারদ্বাজ বলিয়াছেন—

“প্রবৃত্তিরোধকো বর্ণধর্মঃ নিবৃত্তিপোষকশ্চাপরঃ, আশ্রমধর্ম ইত্যর্থঃ ।”

অর্থাৎ “বর্ণ ধর্ম দ্বারা জীবের প্রবৃত্তি রোধ করা যাইতে পারে এবং আশ্রমধর্ম দ্বারা নিবৃত্তির পুষ্টি করিয়া চরমে ব্রহ্মপদে উপস্থিত হইতে পারা যায় ।” বর্ণাশ্রম ধর্ম এই নীচাভিমুখী গতিকে বাধা দিতে সমর্থ বলিয়াই বর্ণাশ্রমধর্মাবলম্বী ভারতবাসী এত বাধা বিপত্তিতেও দণ্ডায়মান আছে । ঋষিগণ গুণ ও কর্মের ভেদ জ্ঞাত ছিলেন ; তাই তাঁহারা এই জন্মের কর্মানুযায়ী সব লাভ হইতে পারে ইহা স্বীকার করিতেন না । উদর এবং পৃষ্ঠ যেরূপ অবিভাব্য সন্ধানে আবদ্ধ, অর্থাৎ এক ভিন্ন অণুর অস্তিত্ব সিদ্ধ হয় না, তদ্রূপ জন্ম এবং কর্ম একই বস্তুর এপিঠ ও ওপিঠ । পূর্বজন্মার্জিত কর্ম সমূহের পরিণাম হইতে ইহ-জন্মের দেহ এবং এই দেহে সম্পাদিত কর্মাদি দ্বারা পরদেহ উৎপন্ন হইবে । তত্তজ্জাতীয় কর্ম হইতে উৎপন্ন তত্তজ্জাতীয় সংস্কার তত্তজ্জাতীয়সংস্কারাপন্ন পিতামাতার নিকট জীবকে লইয়া যায় এবং তদনুযায়ী দেশ কাল ও

পাত্রে গৃহে জীব জন্মগ্রহণ করে। স্মৃশ্রুত সংহিতা এতৎসম্বন্ধে বিশেষ বিচার পূর্বক লিখিয়াছেন—

“কর্মাণা চোদিতো যেন তদাপ্নোতি পুনর্ভবে ।
 অভ্যস্তাঃ পূর্বদেহে যে তানেব ভজতে গুণান্ ॥
 অঙ্গপ্রত্যঙ্গনিবৃত্তিঃ স্বভাবাদেব জায়তে ।
 অঙ্গপ্রত্যঙ্গনিবৃত্তৌ যে ভবন্তি গুণাগুণাঃ ॥
 তে তে গর্ভস্থ বিজ্ঞেয়া ধর্মাধর্মনিমিত্তজাঃ ।
 শুক্রশোণিতসংযোগে যো ভবেদোষ উৎকটঃ ॥
 প্রকৃতি জায়তে তেন তস্থা মে লক্ষণং শৃণু ।”

‘যিনি যেরূপ কর্ম করেন পরজন্মে তাদৃশ গুণ প্রাপ্ত হন এবং পূর্বার্জিত গুণ সমূহই পরজন্ম পর্য্যন্ত অনুগামী হয়। শুধু তাহাই নহে দেহের প্রতি অঙ্গ প্রত্যঙ্গ তদুগুণানুযায়ী হইয়া থাকে। পূর্বজন্মে যেরূপ গুণ বা দোষ বর্তমান থাকে, পর জন্মে তৎসমুদয়ই লাভ হয় এবং এরূপ পিতামাতার গৃহে জাত হয় যথায় শুক্রশোণিতও তদুভাবাপন্ন দেহ প্রস্তুত করিতে সমর্থ হয়।’ মানুষের দৈহিক সংস্থান দৃষ্টেও তাহার গুণাবলী নির্ণীত হয়। তাহার প্রমাণ স্বরূপ কিছু উল্লেখ করা যাইতেছে। যথা—

“বক্রং সোম্যং সমবৃত্তং অমলং শ্লক্ষুং সুসম্যগ্ ভূপানাম্ ।
 বিপরীতং ক্লেশভুজাং মহামুখং দুর্ভগানাঞ্চ ॥
 জীমুখমনপত্যানাং শাঠ্যবতাং মণ্ডলং পরিজ্ঞেয়ম্ ।
 দীর্ঘং মুখং নির্দ্রব্যানাং ভীরুমুখাঃ পাপকর্মাণঃ ॥
 চতুরশ্রং ধূর্তানাং নিম্নং বক্রং তনয়রহিতানাং ।
 রূপণানামতি হ্রস্বং সম্পূর্ণস্তু ভোগিনাং কাস্তম্ ॥”

সমবৃত্ত—শিরা বর্জিত স্ঠাম নাতি দীর্ঘ নাতি হ্রস্ব মনোজ্ঞ এইপ্রকার স্ঠগঠিত মুখমণ্ডল রাজা বা ধনশালীর হইয়া থাকে ।

সমবিপরীত—যাহাদের দুঃখী হইবার এবং নানাপ্রকার ক্লেশ পাইবার কথা তাহাদের মুখ ইহার সম্পূর্ণ বিপরীত লক্ষণাক্রান্ত হইয়া থাকে ।

মহা মুখ—যাহাদের মুখ ভারি, শরীর অপেক্ষা বড় বা চওড়া তাহা-
দিগের দুঃখ অবশ্যস্তাবী ।

স্ত্রী মুখ—যাহাদের মুখ স্ত্রীলোকের মত অর্থাৎ দাড়িগোঁফশূন্য তাহারা
অনপত্য হইয়া থাকে ।

মণ্ডল—যাহারা ধূর্ত তাহারা প্রায়ই চ্যাপটামুখো হইয়া থাকে ।

দীর্ঘ মুখ—যাহারা নির্ধন তাহাদের মুখ সম্মুখে নীচুদিকে বা তির্যগ্-
ভাবে লম্বা হয় ।

ভীক মুখ—যাহাদিগকে দেখিলে ভীত মনে হয় অথবা যে মুখ
দেখিলে লোকের ভীতিনষ্কার হয় অথবা যাহাদের বেঙ বা শিয়ালের
মত মুখ, ইহার। সকলেই পাপপরায়ণ ।

চতুরঙ্গ—যাহারা ধূর্ত তাহাদের মুখ চাকলা হয় ইহাতে একটু কোণা-
কৃতি থাকিবে ।

নিম্ন—খোঁদোল মুখ, প্রায়ই সম্ভান হয় না ।

জতি হ্রস্ব—নির্দিষ্ট পরিমাণ অপেক্ষা ছোট হইলে তাহারা কৃপণ
হইয়া থাকে ।

সম্পূর্ণ—সর্বপ্রকারেই স্ঠাম মুখ ভোগী ব্যক্তির হইয়া থাকে ।

শুণ হইতে দেহ, এবং দেহ হইতে শুণ অনুমিত হইতে পারে ; তাহার
প্রমাণ স্বরূপ সামান্য কিছু উল্লেখ করা গেল । ইহা দ্বারা অকারণ উচ্চ-
বর্ণে বা উচ্চ বংশে যে জন্মগ্রহণ হয় না তাহার কতকটা ধারণা বুদ্ধিমান
ব্যক্তি করিতে পারেন । জীবের পূর্বজন্মার্জিত কর্ম অনুযায়ী পিতা

মাতার গৃহে জন্ম হয় এবং প্রায়শঃই পিতামাতার প্রকৃতির কতকটা সাদৃশ্য বর্তমান থাকে। যদিও বর্তমান সময়ে তাহার অতিরিক্ত ব্যভিচার দেখাযাইতেছে পূর্বেও কদাচিৎ ব্যভিচার দেখা যাইত ; কারণ, তাহা অধিকাংশ পিতা মাতার তাৎকালিক মনোবৃত্তির উপর নির্ভর করে। ঋতিপ্রমাণে আমরা ইহার সত্যতা জানিতে পারি যথা—

‘আত্মা বৈ জায়তে পুত্রঃ’ । ‘অঙ্গাদঙ্গাৎ সম্ভবসি হৃদয়াদধিজায়সে’ ।

অর্থাৎ ‘পুত্র আত্মরূপ হইতে উৎপন্ন হয়। সমুদয় অঙ্গ, সমুদয় অঙ্গ হইতে উৎপন্ন হয় ইত্যাদি।’

মহাভারতে ইহার একটা জলন্ত প্রমাণ বর্তমান রহিয়াছে। আজকাল দ্রোপদীর পঞ্চস্বামী ইত্যাদি লইয়া অনেকেই কটাক্ষ করেন ; কিন্তু তাঁহারা বোধ হয় জ্ঞাত নহেন যে, কিরূপ মনোবৃত্তির উচ্চতা দ্রোপদীতে বর্তমান ছিল ; যাহার ফলে পঞ্চ পাণ্ডবের প্রত্যেকের অনুরূপ পাঁচটা পুত্র উৎপন্ন হইয়াছিল, এবং তাহাদিগকে পঞ্চপাণ্ডব মনে করিয়া পঞ্চ-পুত্রকেই অশ্বখামা হত্যা করিয়াছিলেন। কতটা ধারণাশক্তি বলবতী হইলে—কতটা স্বামীতে তন্ময় হইতে পারিলে—এতাদৃশী অবস্থা লাভ করা যায়, তাহা আজ ভারতসন্তানের জ্ঞান এবং বুদ্ধির অগোচর হইয়া পড়িয়াছে। পঞ্চ স্বামী বর্তমান থাকিতে একই সময়ে এক জনকে স্বামী, এবং অন্য সকলকে দেবর বা ভাসুর জ্ঞানে ব্যবহার করা যে কতদূর অসাধারণ মনোবৃত্তির পরিচায়ক, তাহা যিনি মনোবৃত্তিনিরোধপরায়ণযোগী তিনিই বুঝিতে পারেন, অন্তের কেবল হাশ্বরসের উদ্বেক হইতে পারে। যাহারা নিজে লম্পট, তাহাদের সর্বত্রই তদ্রূপ দৃষ্টি অসম্ভব নহে।

প্রবৃত্তিরোধের দ্বারা সংযম শক্তির বৃদ্ধি হইলে বংশের মুখ উজ্জ্বলকারী

পুত্র জন্মা সম্ভব, তাই ঋষিরা বর্ণধর্মের ব্যবস্থা করিয়াছিলেন; ছাগতান্ত্রিক জীবের তাহা অনুভবগম্য নহে। অন্যান্য প্রাণিগণ প্রকৃতির প্রেরণাতে আহারনিদ্রাদি সকল কার্য নির্বাহ করে, মানুষের স্বতন্ত্রতা থাকায় সে প্রকৃতির ক্রিয়া উল্লঙ্ঘন করতঃ যথেষ্টাচারী হয়, এবং ভোগ্যবস্তুর নানাপ্রকার উপকরণ সংগ্রহের ব্যবস্থা করে; তাহারই রোধের নিমিত্ত বর্ণধর্মের ব্যবস্থা। প্রারম্ভিককর্মাভ্যাসী প্রকৃতির গুণ আশ্রিত হইয়া জন্ম হয় স্মৃতরাং সেই গুণের পূর্ণতা শেষ করিয়া পরবর্তী গুণোচিত-বর্ণে আরোহণ করিতে কতটা অসাধারণত্ব, যোগশক্তির প্রাবল্য ও সংযমের পরাকাষ্ঠা প্রয়োজন, তাহার দিকে দৃষ্টিপাত করিবার ক্ষমতা কাহারও নাই; শুধু ব্যাসের নীচ যোনিতে জন্ম, বিশ্বামিত্র ঋত্রিয়ত্ব হইতে তজ্জন্মেই ব্রাহ্মণত্ব লাভ করিয়াছিলেন, স্মৃতরাং একটা সত্য কথা বলিয়া বা হোম করিয়া উপনয়ন গ্রহণ করিলেই ব্রাহ্মণত্ব লাভ হইতে পারে, ইহা বিজ্ঞ ব্যক্তির মীমাংসিত সত্য নহে। কতকটা রাজনৈতিক চালবাজি এবং কতকটা স্বীয় জন্মকর্মোচিতদস্তুর অবতারণা ইহার মূলে রহিয়াছে। অনার্য্যরক্ত অথবা সংস্পর্শ ভিন্ন ইহা হইতে পারে, এরূপ বিশ্বাস আর্য্যদের ছিল না। আরও একটা আশ্চর্যের বিষয়, যদি ব্যাস বিশ্বামিত্রের দৃষ্টান্তই তাঁহারা বিশ্বাস করেন, তবে তাঁহাদিগকে জিজ্ঞাসা করি, যে পরাশর মুনি কামমোহিত হইয়াও কুঙ্গাটিকাসৃষ্টি করিয়াছিলেন, সত্যবতী ঋত্রিয়বীর্য্যে মৎশের উদরে জন্মগ্রহণ করিয়াছিলেন, এবং ব্যাসদেবের গর্ভাধান মাত্রেই জন্ম হইয়াছিল এবং তখনই তিনি তপস্কার্থ প্রস্থান করিয়াছিলেন, এই সব কথা কি তাঁহারা বিশ্বাস করেন? বা প্রক্ষিপ্ত বলিয়া উড়াইয়া দেন? অথবা রূপক বলিয়া মনে করেন? যদি প্রক্ষিপ্ত হয় তবে ঘটনাটা তাঁহারা প্রক্ষিপ্ত করুন না কেন? তাহাতে তাঁহাদের অভীষ্টসিদ্ধি হয় না। তাই সে পথে যাইতে প্রাণে

বড় ব্যথা লাগে। বিশ্বামিত্রের মত ব্রাহ্মণ হইতে হইলে, তাঁহার জন্মের কারণ এবং অসাধারণ তপস্যার ফলে শরীরের প্রতি পরমাণু পর্য্যন্ত বদলাইবার ক্ষমতা লাভ করা ইত্যাদি বিশ্বাস করা প্রয়োজন, নতুবা শুধু গলাবাজি ও পুস্তকের সাহায্যে বর্তমান ক্ষীণশক্তি, হীনবল, তপস্യാহীন ও উদরভরণে অক্ষম ব্রাহ্মণজাতিকে পদদলিত করিতে সক্ষম হইলেও প্রকৃতির রাজত্বে ব্রাহ্মণত্বের দাবী অসম্ভব। ব্রহ্মজ্ঞানের ভাণ করিয়া যেমন যথেষ্টাচার, যথেষ্টভক্ষণ আজকালকার ধর্ম হইয়াছে, এদিকেও অনেকটা তাই; তাঁহারা জানেন না যে বস্তুশক্তির ক্রিয়া যতক্ষণ শরীরের উপর প্রকাশ সম্ভব, ততক্ষণ যথেষ্ট আহারব্যবহার সাধুজনবিগর্হিত। শরীর ও মন সমভাবে প্রকৃতির পারে না যাইলে উহাতে মস্তিষ্ক বিকৃতির লক্ষণ প্রকাশ পায়। যদি এখনও কেহ ত্রৈলোক্য অসাধারণত্ব লইয়া নীচবর্ণে জাত হন, তাহা হইলে তিনিও সেই উচ্চ অবস্থা লাভ করিবেন। গলাবাজি করিয়া তাঁহাকে কেহই নিরস্ত করিতে পারিবে না। শুধু বচনজীবী হইলে কোন দিনই তাহা সম্ভবপর হইবে না।

সকলেই ব্রহ্ম হইতে উৎপন্ন স্মৃতরাং ব্রাহ্মণ. এবং সকলেই মানুষ স্মৃতরাং মানুষ মাত্রেই বেদে অধিকার আছে, এই প্রকার উক্তির মূলেও অত্যন্ত অজ্ঞতা বর্তমান আছে। ইহাতে ব্রাহ্মণের হিংসা নাই বরং অগ্র-বর্ণের প্রতি বিশেষ অনুকম্পাই লক্ষিত হয়। শাস্ত্র বলেন—

“দৃষ্টঃ শব্দঃ স্বরতো বর্ণতো বা মিথ্যা প্রযুক্তো ন তমর্থমাহ।

ন বাগ্‌বজ্রো যজমানং হিনস্তি যথেন্দ্রশক্রঃ স্বরতোহপরাধাৎ” ॥

‘বেদমন্ত্র স্বর এবং বর্ণের সহিত উচ্চারিত না হইলে এবং অশুদ্ধরূপে উচ্চারিত হইলে যজমানের (উচ্চারণ কর্তার) নাশের কারণ হয়; যেমন

‘ইন্দ্রশক্র’ শব্দের উচ্চারণদোষে বৃত্রাসুরের উৎপত্তি হইয়া ইন্দ্র কর্তৃক হত হইয়াছিল।’ বৈদিক মন্ত্র ঠিক বর্ণ ও স্বরে উচ্চারিত না হইলে উপকার না হইয়া বরং সৰ্বনাশের কারণ হয়। শাস্ত্র বলিয়াছেন—

“জী-শূদ্র-ধ্বিজবন্ধুনাং ত্রয়ী ন শ্রুতিগোচরা”

“বেদাঙ্করবিচারেণ শূদ্রশচাণ্ডালতাং ব্রজেৎ”

“জীশূদ্রো নাধীয়াতাম্”

ইহার অর্থ এই যে, জী এবং শূদ্রকে বেদ উচ্চারণ করিতে দিবে না; বা তাহারা যেন পাঠ না করে। ইহা কি হিংসামূলক-আচরণ অথবা সত্যকথন? ইন্দ্র গুরুপত্নী গমন করিয়াছিলেন, শিব উলঙ্গ হইয়া পরিভ্রমণ করেন; বিষ্ণু তুলসীর সতীত্ব নষ্ট করেন এই সব কথা বলিলে তাঁহাদের স্তুতি করা হয়, অন্ততঃ স্তোত্রাদিতে এই সব উল্লেখ দেখা যায়। কিন্তু যে যুগে সভ্যতাভিমानी পণ্ডিতগণ মুখে অশ্লীলতার ভাণ করিয়া কিরূপ শীলতা আচরণ করিতেছেন, তাহা বলিলেই কাণাগারে বাস অনিবার্য হইয়া পড়ে, সে যুগে জীও শূদ্রকে বেদ পড়াইবে না বলিলে, তাহাদের স্বরূপ প্রচার করিলে যে, নিশ্চয়ই ব্রাহ্মণ মহাশয়ের টিকি কাটিতে হইবে, তাহার চৌদ্দ পুরুষের পিণ্ডপাত করিতে হইবে ইহা আর আশ্চর্যের বিষয় কি?

তাঁহারা জী, শূদ্র, ব্রাহ্মণ ইত্যাদি কল্পিত মনে করেন কাজেই কল্পিত-বস্তুকে উড়াইতে যত্নবান হন। সোজাসুজি মানি না বলিয়া উড়াইয়া দিলে বিশেষ কোন ছুঃখের কারণ ছিল না; কিন্তু শাস্ত্রযুক্তির দোহাই করোর প্রয়োজনীয়তা কি? বেদ পুরাণ সকলগুলিই ব্রাহ্মণ জাতির তাহতিগত সম্পত্তি সুতরাং তাঁহারা যে বিজাতীয়দিগকে ঘৃণা করিবেন,

তাঁহাতে আর সন্দেহ কি, ইহা বলিলেই যথেষ্ট হইত ; বৃথা পাণ্ডিত্যের অভিমান লইয়া সব এক বলিলে কি লাভ হইবে ? তাঁহারা একত্ব কিসে পাইলেন ? জাতি জিনিসটা কি তাহা আলোচনা করিলে যদি তাঁহাদিগের একটু বহুত্বের উপর দয়া হয় তাহা হইলেই যথেষ্ট মনে করা যায় । তাঁহারা শাস্ত্র আওড়ান স্মৃতরাং একটু তাহাই বলা যাক ।

‘জাতি’ কি জানিতে হইলে ব্যুৎপত্তিগত অর্থ লইতে হইবে । ব্যাকরণ অনুযায়ী জনী ধাতু অপাদানে ক্তি প্রত্যয় করিলে ‘জাতি’ শব্দ সিদ্ধ হয় । জন্ ধাতুর অর্থ প্রাহুর্ভাবা । ‘জায়তে প্রাহুর্ভবতি একত্ববুদ্ধির্যজ্ঞাঃ সা জাতিঃ’ । অর্থাৎ একটী বিষয় দর্শন করিয়া প্রমাণাস্তুর ভিন্ন তাহা জ্ঞানের বিষয় হইলে তাহাকে জাতি বলা যায় । যেমন ‘ঘট’ এই শব্দ দ্বারা কষ্ণুগ্রীবাदिमान् পদার্থকে বুঝা যায় । প্রমাণাস্তুর ব্যতিরেকেই যাহা জ্ঞানের গোচর হয় তাহাই নৈয়ায়িক এবং বৈয়াকরণগণের উক্ত জাতি শব্দের অর্থ ।—

অন্য প্রকার—

‘আকৃতিগ্রহণাৎ জাতিঃ’—অনুগত আকৃতির দ্বারা যাহা প্রকাশিত হয় তাহাই জাতি ; যেমন মানুষ, ঘট, পট ইত্যাদি । কিন্তু এই লক্ষণে সর্বদেশ প্রকাশ পায় না । যেমন শিখা ও সূত্র স্বিজাতিমাত্রেরই থাকে স্মৃতরাং আকৃতি দেখিয়া জাতি নির্ণীত হইল না । তজ্জন্ম তাঁহারা সমান-রূপতা বা একরূপতাকে জাতি বলেন । যথা—

“সামান্যং দ্বিবিধং প্রোক্তং পরং চাপরমেবচ ।

দ্রব্যাদিত্রিকবৃত্তিস্ত সত্তা পরতয়োচ্যতে ॥

পরান্তিনা চ যা জাতিঃ সৈবাপরতয়োচ্যতে ।

ব্যাপকত্বাৎ পরাপি স্মাদ্ ব্যাপ্যত্বাদপরপি চ” ॥

এখানে সামান্য শব্দের অর্থটীকাকার বলিতেছেন যথা—“নিত্যত্বে সতি অনেকসমবেতত্বম্” অর্থাৎ যাহা নিত্য হইয়া অনেক বস্তুতে সমবায় সম্বন্ধে থাকে, তাহাকে সামান্য বা জাতি বলে—যেমন মনুষ্যত্ব, ঘটত্ব, ইত্যাদি।

সমনায় অর্থ—‘একনিত্যসম্বন্ধত্বং সমবায়ত্বং’ ; অর্থাৎ একটি নিত্য-সম্বন্ধবিশেষ, যেমন গুণ ও গুণীর ; শক্তি ও শক্তিমানের সম্বন্ধ। পূর্বের জাতিলক্ষণে সংযোগ নামক গুণ ও অত্যন্তাভাব নামক অভাবদ্রব্য জাতি হউক, এইরূপ সন্দেহ হইতে পারে, কিন্তু তাহা সিদ্ধ হয় না কারণ সংযোগ অনেকে থাকিলেও তাহা নিত্য নহে, কারণ সংযোগ হইলেই তাহার বিরোগ রহিয়াছে। তেমনই অত্যন্তাভাব যদিও নিত্য এবং অনেক বস্তুতে থাকে তথাপি সমবায় সম্বন্ধে থাকে না, সুতরাং তাহাও জাতি হয় না। সুতরাং জাতি শব্দ দ্বারা ইহাই বুঝা যায় যে যাহা একটি বস্তুতে থাকে না, এবং নিত্য হইয়া সমবায় সম্বন্ধে অনেক বস্তুতে থাকে, তাহাই জাতি বা সামান্য। এই জাতি পরা ও অপরা ভেদে দুই প্রকার ; যাহা দ্রব্য, গুণ ও কর্মে থাকে তাহাই পরাজাতি এবং ইহার অন্তর্নাম সত্তা। তদ্বিন্ন অন্তরূপই অপরা জাতি। ইহার মধ্যে কিছু বিশেষ আছে যেমন দ্রব্যত্ব পরা জাতি ও অপরা জাতি দুইই হয়।

বৈশেষিকের মতে দ্রব্য নয়টি—ক্ষিত্তি, জল, তেজ, বায়ু, আকাশ, দিক, কাল আত্মা ও মন ; সেই কারণে দ্রব্যত্বজাতি কেবল এই নয়টির উপরেই থাকে। কিন্তু সত্তা, দ্রব্য, গুণ ও কর্মে থাকে বলিয়া পরাজাতি বা ব্যাপক (অধিকদেশব্যাপী)। দ্রব্যত্বজাতি ব্যাপ্য ও ব্যাপক দুইই হয়। দ্রব্যত্ব কেবল দ্রব্যের উপর থাকে পরন্তু সত্তা দ্রব্য, গুণ ও কর্ম তিনের উপর থাকে বলিয়া উহা সত্তা অপেক্ষা ব্যাপ্যজাতি ; আবার ক্ষিত্তিত্ব হিসাবে ব্যাপকজাতি কেননা দ্রব্যত্ব ক্ষিত্তি প্রভৃতি নয়টি দ্রব্যের উপরেই থাকে পরন্তু ক্ষিত্তিত্ব কেবল ক্ষিত্তির উপর থাকে মাত্র। এইরূপ ক্ষিত্তিত্ব

আবার পরা ও অপরা জাতি ভেদে দ্বিবিধ। ঘটত্বের সহিত তুলনা করিলে ইহা বুঝিতে পারা যায়, কারণ ঘটত্ব শুধু ঘটেই নির্ভর করে, এবং ক্ষিতিত্ব ঘট, পট, দেয়াল, ইত্যাদি সর্বস্থানেই বিরাজমান। সুতরাং ঘটত্ব বা পটত্ব ছোট বা ব্যাপ্য, তজ্জন্মই ইহা অপরা জাতি বলিয়া কথিত হয়। যেরূপ দ্রব্যত্বের ব্যাখ্যা করা গেল তদ্রূপ গুণত্বেরও বুঝিতে হইবে। গুণ কণাদের মতে ২৪টী। যথা—

রূপ, রস, গন্ধ, স্পর্শ, শব্দ, সংখ্যা, পরিমাণ, পৃথকত্ব, সংযোগ, বিভাগ, পরত্ব, অপরত্ব, বুদ্ধি, সূখ, দুঃখ, কৃতি, ধর্ম, অধর্ম, ইচ্ছা, হেষ্, গুরুত্ব, দ্রবত্ব, স্নেহ ও সংস্কার। তন্মধ্যে ‘গুণত্ব’ পরা ও অপরা জাতি, কারণ দ্রব্য গুণ ও কর্মবৃত্তি সত্তা হইতে অল্পদেশব্যাপী এবং রূপত্ব রসত্বাদি হইতে অধিকদেশব্যাপী। কিন্তু গুরুত্ব অপরা জাতি কারণ উহা অগ্ৰাণ্য জাতি অপেক্ষা অল্পদেশব্যাপী।

কর্ম উৎক্ষেপণ, অবক্ষেপণ, আকৃষ্ণন, প্রসারণ ও গমন ভেদে পাঁচ প্রকার। কর্মত্ব ও দ্রব্যত্ব ও গুণত্বের তুল্য, সুতরাং উল্লেখ করা হইল না।

এই সমুদয় আলোচনা দ্বারা আমরা পাইলাম যে, জাতি দ্রব্য, গুণ ও কর্মের উপর থাকে। গুণত্ব, কর্মত্ব ও দ্রব্যত্ব সমবায় সম্বন্ধে তত্তৎপদার্থে থাকে, ইহারা কেহ আশ্রয় ভিন্ন থাকিতে পারে না।

ঘট যখন অর্কভগ্ন হয় ও পুরাতনদশাগ্রস্ত হয়, নূতনের মত জলা-নয়নাদি ক্রিয়া থাকে না, সে ঘটকে নামমাত্র ঘট বলা যাইবে। প্রকৃত ঘট তাহাই যাহাতে গুণ ও কর্ম পূর্ণ মাত্রায় বিরাজমান। এইরূপ ব্রাহ্মণাদির মধ্যেও যদি যজ্ঞাদিসংক্রিয়া না থাকে তাহাকে নামমাত্র ব্রাহ্মণাদি বলা যায়। এইরূপেই সর্বজাতির উৎপত্তি হয়। অনেকেই ইহার মর্মাধারণ করিতে পারিবেন না, সুতরাং লৌকিক দৃষ্টান্ত বলা যাইতেছে। জাতি যথা—

জাতি

সাধারণভেদ

(১) উদ্ভিৎ—বিশ্লেষণ করা যায় না, বা অনেক স্থলেই একাধারেই জীৱ ও পুংস্ব লক্ষিত হয়।

(২) মৎস্য—	স্ত্রী	পুরুষ
(৩) পক্ষী—	"	"
(৪) পশু—	"	"
(৫) মানুষ—	"	"

(১) উদ্ভিৎ জাতি বলিতে যাহা মাটি ভেদ করিয়া উঠে এবং অন্যত্র ধাইতে পারে না তাহাই বুঝায়। তন্মধ্যে লতা, গুল্ম ও বৃক্ষ ভেদ আছে।

(২) মৎস্য—রোহিত, চিংড়ী ইত্যাদি।

(৩) পক্ষী—কোকিল, কাক, শ্যামা ইত্যাদি।

(৪) পশু—গরু, ঘোড়া, উট, ছাগল ইত্যাদি।

(৫) মানুষ—ব্রাহ্মণ, ক্ষত্রিয়, বৈশ্য, শূদ্র, শ্লেচ্ছ ইত্যাদি।

ভেদ তিন প্রকার স্বজাতীয়, বিজাতীয়, ও স্বগত। এক জাতীয় উভয় বৃক্ষের যে ভেদ তাহার নাম স্বজাতীয়, যেমন ছোট আম গাছ, বড় আমগাছ। একজাতি হইতে অন্য জাতির প্রভেদের নাম বিজাতীয় ভেদ; যেমন আম হইতে কাঁঠালের প্রভেদ। স্বগত—এক অঙ্গ হইতে অন্য অঙ্গের; যেমন ডাল, পাতা ও কাণ্ডের প্রভেদ।

যে রূপ উদ্ভিদের প্রভেদ দেখান হইল তদ্রূপ মৎস্বে, পক্ষীতে, পশুতে এবং মানবে উহা বর্তমান আছে। প্রত্যেকেরই গুণ, কর্ম এবং প্রকৃতি স্বতন্ত্র সূত্রাং তাহাদের পার্থক্য অবগুস্তাবী। তজ্জন্ম সকলের পক্ষে এক ব্যবস্থা হইতে পারে না। পশুপক্ষী হইতে মানুষ শরীরে স্ত্রী পুরুষ ভেদে দেহ মন এবং জ্ঞান সম্পূর্ণ পৃথক পৃথক, তাহা সম্ভবতঃ অধিক

বলিতে হইবে না। স্ত্রীদেহের কোমলতা, স্বরের সূক্ষ্মতা বা স্ত্রী-
 চিহ্নাদি পুরুষ দেহে নাই, বা পুরুষ দেহের দৃঢ়তা, স্বরের গাভীর্ষ্য বা
 পুরুষচিহ্নাদি স্ত্রীদেহে নাই। পরম্পরের অঙ্গসংস্থান একরূপ নহে
 সূতরাং একইরূপ ক্রিয়া বা অনুষ্ঠান উভয়ের দ্বারা সম্পন্ন হইতে পারে না।
 এইরূপ ব্রাহ্মণ, ক্ষত্রিয়, বৈশ্য ও শূদ্রবর্ণ পরম্পর হইতে গুণ, কর্ম ও দেহের
 উৎপাদনগত বিশিষ্টতার উৎপন্ন। সেই বিশিষ্টতা রক্ষা করাই তাহাদের
 ধর্ম। যেমন স্ত্রীশরীরে গর্ভগ্রহণ এবং পুরুষ কর্তৃক বীজাধান ক্রিয়াসম্পন্ন
 হয় ও ইহার ব্যতিক্রম প্রকৃতির নিয়ম বিরুদ্ধ ও অসম্ভব, তদ্রূপ স্বিজাতির
 পাঠ্য এবং উচ্চাৰ্য্য বেদমন্ত্র স্ত্রী এবং শূদ্রদেহের অনুপযোগী। তাহার
 উচ্চারণাদি সেই সেই শরীরে অসম্ভব এবং তজ্জগত স্থানবিশেষে প্রাণহানি
 বা মানসিক বিকৃতি পর্যন্ত সম্ভব। এতদ্ভিন্ন উদাত্ত-অনুদাত্ত-স্বরিত-
 ভেদে স্বরত্রয় জিহ্বায় উচ্চারিত হওয়ার সম্ভাবনা নাই, ইহাই সাধারণ
 নিয়ম। বাদী বলিতে পারেন যে, বেদে যদি স্ত্রীলোক ও শূদ্রের উচ্চারণ
 করা নিষেধ থাকিত তাহা হইলে বিশ্ববারা, কুহু, ইন্দ্রমাতৃকা, অপালা,
 গার্গী, বাচরুবী প্রভৃতি ঋষিপ্রাপ্ত স্ত্রীগণ কি বেদে অধিকার না
 পাইয়াই ঋষি লাভ করিয়াছিলেন? অথবা কবম, মতঙ্গ প্রভৃতি
 শূদ্রগণ কি প্রকারে ঋষি লাভ করিয়াছিলেন? ইহা কি বেদের উক্তি
 নহে? তাহাদের প্রণের মীমাংসা করা যাইতেছে। তাহারা কি বেদ
 উচ্চারণ পূর্বক কর্মকাণ্ডোক্ত যাগযজ্ঞাদি সম্পন্ন করিয়াছিলেন, এবং
 আচার্য্যের পদ গ্রহণ করিয়া ধর্ম ব্যাখ্যা করিয়াছিলেন? বাহারা
 তাহাদিগকে ঋষি দিতেও আপত্তি করিলেন না তাহারা এটুকু প্রক্ষিপ্ত
 করিলেন কি প্রকারে? মনে রাখিতে হইবে যে, উনবিংশ শতাব্দীর
 সভ্যতা তাহাদের নিকট অপরিচিত ছিল সূতরাং মিথ্যা বলিতে তাহারা
 অনভ্যস্ত ছিলেন। তবে ইহার কারণ কি? কারণ, বেদ ভিন্ন অগ্ণ্য

সমুদয় শাস্ত্রেই তাঁহাদের অধিকার ছিল, তাহা না হইলে শূদ্র সূতকে পুরাণব্যাখ্যাতার আসনে স্থাপিত করা হইত না এবং শৌনকাদি ঋষিগণ শূদ্রের নিকট উহা শ্রবণ করিতেন না। শারীরিক ও মানসিক ভিন্নতা হেতু এবং স্কুল স্কল দেহের ধারণার অনুপযোগী বলিয়া ঐ অধিকার তাঁহাদের দেওয়া হয় নাই। কিন্তু জ্ঞানলাভের জন্য ঐ বেদের ব্যাখ্যা-স্বরূপ স্মৃতি ইতিহাসাদির শ্রবণ তাঁহাদের পক্ষে বিহিত থাকায়, তাঁহারা আচার্য্যমুখে তৎসমুদয় শ্রবণে ব্রহ্মজ্ঞান পর্য্যন্ত লাভ করিতেন, তাহা স্কুলভাজনক সংবাদে এবং অনেক স্থলেই প্রমাণিত আছে। পরন্তু বেদমন্ত্রহীন যজ্ঞাদিতেও তাঁহাদের পূর্ণ অধিকার ছিল তাহা অতি গোঁড়া-নামে অভিহিত মনুও বলিয়াছেন যথা—

“ধর্মোপবস্ত ধর্মজ্ঞাঃ সতাং বৃত্তিমনুষ্ঠিতাঃ ।
মন্ত্রবর্জ্যং ন ত্যাস্তি প্রশংসাং প্রাপ্নু বস্তি চ ॥
যথা যথা হি সর্ব্বভূমাতিষ্ঠত্যানশ্রয়কঃ ।
তথাতথেমঞ্চাহমুঞ্চ লোকং প্রাপ্নোত্যনিন্দিতঃ ॥”

“ধর্মোপু, ধর্মজ্ঞ ও সর্ব্বভূতিপরায়ণ শূদ্রও ব্রাহ্মণাদির অনুষ্ঠিত মহা-যজ্ঞাদি কর্ম্ম বৈদিকমন্ত্র ত্যাগ করতঃ অনুষ্ঠান করিতে পারেন। অশ্রয়াশ্রুতা হইয়া তদ্রূপ অনুষ্ঠান করিলে তাঁহার ইহলোকে বশঃ এবং পরলোকে উচ্চগতি লাভ হয়।” শাস্ত্রে যদিও স্ত্রীশূদ্রাদির ব্যবস্থা এইরূপই দৃষ্ট হয় তথাপি পূর্ব্বকল্পে দ্বিজাতীয় স্ত্রীগণ কদাচিত্ উপনয়নসংস্কারাই হইতেন এবং বেদাভ্যাস করিতেন এরূপ প্রমাণ আছে। তাঁহাদিগকে আক্রমণপতিতা বলা হইয়া থাকে। ইহার তাৎপর্য্য এই যে বাঁহারা পূর্ব্বজন্মে পুরুষদেহধারী ছিলেন এবং ব্রহ্মজ্ঞানরত ছিলেন কিন্তু কোন

পাপ বশতঃ স্ত্রীদেহ ধারণ করিতে বাধ্য হন, তাঁহারাষ্ট আকুটপতিতা নামে অভিহিত হইতেন ।

দক্ষ সংহিতা যথা—“অকুটপতিতাং ভার্য্যাং যৌবনে যঃ পরিত্যজেৎ ।

স জীবনান্তে স্ত্রীত্বঞ্চ বক্ষ্যাত্ত্বঞ্চ সমাপ্নুয়াৎ ॥”

“নির্দোষী এবং নিষ্পাপা ভার্য্যাকে যিনি যৌবনে ত্যাগ করেন তিনি পরজন্মে বক্ষ্যা স্ত্রী হইয়া জন্মগ্রহণ করেন ।” ভাগবত যথা—

“নাশ্বতীরনুভূয়াত্তীঃ প্রমদাসঙ্গদূষিতঃ ।

তামেব মনসা গৃহ্ণন্ বভূব প্রমদোত্তমা” ॥

“পুরঞ্জন প্রমদাসঙ্গদোষে বহুদিন দুঃখ অনুভব করিয়া মৃত্যু সময় স্ত্রী স্মরণ করিতে করিতে মৃত হন এবং স্ত্রী দেহ প্রাপ্ত হন ।”

গীতা বলেন—“যং যং বাপিস্মরন্ ভাবং ত্যজত্যস্তে কলেবরম্ ।

তং তমেবৈতি কোস্তেষু সদা তদ্ভাবভাবিতঃ” ॥

“জীব মৃত্যুকালে মনে যে চিন্তা লইয়া দেহ ত্যাগ করে তদনুযায়ী গতিপ্রাপ্ত হয় ।” এখানে স্ত্রীত্বপ্রাপ্তির দুইটা কারণ লেখা হইল । মৃত্যুকালীন স্ত্রীচিন্তা এবং নিষ্পাপা স্ত্রীকে যৌবনে ত্যাগ ; এই দুই কারণে বাহাদের স্ত্রীত্বপ্রাপ্তি হয়, কিন্তু ব্রহ্মবীজ অন্তঃকরণে জাগ্রত থাকে তাঁহাদের নিমিত্ত উপনয়নাদি সংস্কার ছিল । মহর্ষি হারীত যথা—

“দ্বিবিধা হি স্ত্রিয়ো ব্রহ্মবাদিত্বঃ সত্ত্ববধূশ্চ ।

তত্র ব্রহ্মবাদিনীনামুপনয়নমৌজীবকনং বেদাধ্যয়নং স্বগৃহে ভিক্ষাচর্য্যা ।”

“ক্রী দুই প্রকারের—ব্রহ্মবাদিনী এবং সন্তুবধু, তন্মধ্যে ব্রহ্মবাদিনী-
দিগের জন্তু মোঞ্জীবন্ধন, উপনয়ন, বেদাধ্যয়ন এবং স্বগৃহে ভিক্ষাচর্য্যার
ব্যবস্থা,” এবং সন্তুবধুর নিমিত্ত বিবাহ সংস্কার ।

মহর্ষি যম যথা—“পুরা কল্পে কুমারীণাং মোঞ্জীবন্ধনমিষ্যতে ।

অধ্যয়নঞ্চ বেদানাং সাবিত্রীবচনং তথা ॥

পিতা পিতৃব্যো ভ্রাতা বা নৈনামধ্যাপয়েৎপরঃ ।

স্বগৃহে চৈব কন্যয়া ভৈক্ষ্যচর্য্যা বিধীয়তে ।

বর্জয়েদজিনং চীরং জটাধারণমেবচ ॥” বৃহস্পতিঃ ।

“পুরাকল্পে কুমারীদিগের মোঞ্জীবন্ধন, বেদাধ্যয়ন এবং সাবিত্রী-
পাঠের ব্যবস্থা ছিল । তাঁহারা পিতা পিতৃব্য এবং ভ্রাতার নিকট
অধ্যয়ন করিতেন । তাঁহারা নিজ গৃহেই ভিক্ষা লাভ করিতেন । কিন্তু
জটা বন্ধন ও অজিন নিষিদ্ধ ছিল ।” ইহা দ্বারা প্রমাণিত হয় যে
অসাধারণত্ব বশতঃ ব্রহ্মবাদিনী স্ত্রীগণ চিরকৌমার্য্য ব্রত অবলম্বন করতঃ
বেদাধ্যয়নাদি করিতেন ; কালধর্ম্মে ক্রমশঃ তাহা লোপ হইয়া যায় ।
বর্তমান তমোময় কলিযুগে এতাদৃশ ব্যবস্থা পরিলক্ষিত হয় না । বর্তমান
সোয়াঞী গ্রামের হঠা বিদ্যালঙ্কারের নাম বোধহয় অনেকে জ্ঞাত নহেন ।
তিনি পরম বিদূষী ছিলেন এবং তৎকালীন কাশীস্থ বিখ্যাতনামা
পণ্ডিতদিগের সহিত প্রকাশ্য সভায় বিচারাতির পরাকাষ্ঠা দেখাইয়াছেন ।
এখনও কেহ কেহ এইরূপ বিদূষী থাকিতে পারেন ।

লৌকিকদৃষ্টিতে সাধারণ নিয়ম অনুযায়ী আইন প্রস্তুত হয় । যদি
কেহ অসাধারণত্ব প্রভাবে তাহার ব্যতিক্রম করিতে সমর্থ হন তিনিও
আর্য্যশাস্ত্রে অতি উচ্চ সম্মানে পূজিত হইয়া থাকেন ।

শাস্ত্রের কোন এক স্থান হইতে মতপোষক একটি শ্লোক বা একটি দৃষ্টান্ত বাহির করিয়া অগ্নের উপর অথবা আক্রমণ করা বা গালি দেওয়া মুর্খজনোচিত ব্যবহার। উহাতে অসন্তোষের মাত্রা বর্ধিত হইয়া সমাজ এবং দেশের ধ্বংসসাধন ভিন্ন অন্য কিছু হয় না। মনুসংহিতাকার ব্রাহ্মণাদি ত্রিবর্ণের নিমিত্ত অনুগোম বিবাহ প্রথার সমর্থন করিয়াছেন এবং শূদ্রের করেন নাই। ইহার ভাল বা মন্দ ফল আলোচনা করার সময় আমাদের নাই শুধু অধিকারনির্ঘ্ন আমাদের উদ্দেশ্য স্মরণ্য তাহার স্বপক্ষে বা বিপক্ষে ছই চারি কথা দিগ্‌দর্শনের গ্ৰাম বলিতে হইতেছে। যিনি অসবর্ণ বিবাহের সমর্থন করিয়াছেন তিনিই বলিয়াছেন—

“শূদ্রাং শয়নমারোপ্য ব্রাহ্মণো যাত্যধোগতিম্ ।
জনয়িত্বা স্মৃতং তস্মাং ব্রাহ্মণ্যাদেব হীরতে ॥
দৈবপিত্র্যাহুতিথেয়ানি তৎ প্রধানানি যশ্চ তু ।
নাস্তি পিতৃদেবাস্তান চ স্বর্গং স গচ্ছতি ॥”

“ব্রাহ্মণ শূদ্রাগমন করিলে অধোগতি প্রাপ্ত হন। শূদ্রাতে তাঁহার পুত্রোৎপত্তি হইলে ব্রাহ্মণত্ব হইতে তিনি চ্যুত হন এবং তাঁহার প্রদত্ত হব্য কব্য দেবতা পিতৃগণ কেহই গ্রহণ করেন না ;” স্মরণ্য “শূদ্রাং” ইত্যাদি বাক্যাবলীর দ্বারা তাহার সমর্থন করেন নাই ; তবে কামাতুরত্ব প্রযুক্ত উৎপগমনরূপ যথেষ্টাচারী হওয়া বাঞ্ছনীয় নহে, তাই কতকটা বাধা দিয়া তাহার বেগনিবৃত্তির চেষ্টা করা হইয়াছে। উভয়বর্ণের মিশ্রণরূপ বর্ণসঙ্কর সৃষ্টি তাঁহাদের অভিপ্রেত ছিল না ; কারণ তাহার কুফল যে অতি ভয়ানক হয়, ইহা পরে দেখান যাইতেছে।

মহু বলিয়াছেন—“যত্র স্বেতে পরিধ্বংসা জায়ন্তে বর্ণদূষকাঃ ।

রাষ্ট্রিকৈঃ সহ তদ্রাষ্ট্রং ক্ষিপ্ৰমেব বিনশতি ॥”

“যে রাজস্বে বর্ণদূষক বর্ণসংস্কার জাতির উৎপত্তি হয়, সে রাজ্য অচিরে ধ্বংস প্রাপ্ত হয় ।” এই বাক্যটি নিষ্ফল কিংবা ফলপ্রদ তাহা বুদ্ধিমানের বিচার্য্য । সমাজে লোক সংখ্যা বেশী হইবে তজ্জুগ্ম সর্বসাধারণের মিশ্রণে একটা খিচুড়ী জাতি তৈয়ারী করিতে হইবে, ইহা কি বুদ্ধিমানের কথা ? হিন্দু জাতির হিন্দুত্ব নষ্ট করিয়া, বর্ণধর্মের উচ্ছেদ সাধন করিয়া সর্ববর্ণের মিলনক্ষেত্র প্রস্তুত করা ঘোর অর্কাচীনতার কাজ । একটা সিংহ বনমধ্যে অবস্থান করিলে শত সহস্র ছাগ পলায়ন করে ; সেখানে বহুত্ব দ্বারা লাভ কিছুই হয় না ইহা সকলেই জ্ঞাত আছেন । হাজার বর্ষ পূর্বেও ভারত স্বাধীন ছিল, তখন কি বর্ণাশ্রম ধর্ম এদেশে ছিল না ? ঝাঁহারা হিউয়েনসাং, ফাহিয়ান প্রভৃতি চীন পরিব্রাজকদিগের লিখিত ভারতের অবস্থা পাঠ করিয়াছেন তাঁহারা জানেন যে সে সময় ভারত কত উচ্চ ছিল । আজ এই বর্ণাশ্রম ধর্মই সামাজিক ও রাষ্ট্রীয় অধঃপতনের কারণ হইল ; ইহা বড় বিশ্বয়ের কথা ! যেমন স্নায়বিক দুর্বলতাগ্রস্থ রোগী বিজ্ঞাপনে বা চিকিৎসাগ্রহে কোন রোগের বর্ণনা দেখিলে নিজেরই হইয়াছে সিদ্ধান্ত করে এবং রোগ নির্ণয়ে অসমর্থ হইয়া বিপরীত ঔষধপথ্যাদি ব্যবহারে তাহার জীবনীশক্তি নষ্ট করিয়া ফেলে, তদ্রূপ হিন্দু জাতির ভীষণ স্নায়ুরোগজনিত অবসাদ তাহার জীবনীশক্তির মূলদেশ পর্য্যন্ত আঘাত করিয়াছে । বিলাতী মাল মসলায় প্রস্তুত ইহকালের ক্ষণস্থায়ী উত্তেজনাকারকভাবের বা হজুগের বণ্ডা এক একবার আসিতেছে এবং সবেগে এই জাতির মূল দেশ পর্য্যন্ত আঘাত করিতেছে । কিন্তু ইহা যে ধ্বংসের নহে ! যতই

আঘাত কর না কেন, ইতিহাসের দিকে লক্ষ্য করিয়া দেখ—বৌদ্ধধর্মের সাম্য, মৈত্রী, অহিংসা একদিন ভারতের প্রতিপন্নপু পৰ্য্যন্ত পৰ্য্যদন্ত করিতে চেষ্টা করিয়াছিল—কিন্তু নাশ করিতে সমর্থ হয় নাই। ষোড়শ-বর্ষীয় এক সিংহশিশুর বিরাট হুঙ্কারে ভারত হইতে সে বৌদ্ধরাষ্ট্রস চিরতরে দূরীভূত হইয়াছে—যে প্রাঙ্গণ আজ প্রতি নগরে নগরে উখিত হইয়াছে, তাহা অপেক্ষা অনেক জটিল কূট সমস্তা উখিত হইয়াছিল— তাহার চিহ্নমাত্রও নাই।

প্রকৃতির অবরোহিণী গতির সম্যক বাধাদিবার নিমিত্তে কলিযুগ-প্রারম্ভে তাই বর্ণাশ্রমধর্মের মূর্তিমান্ রক্ষক শ্রীকৃষ্ণ কুরুক্ষেত্র বুদ্ধে স্বীয় সখা অর্জুনের মুখে বলাইয়াছিলেন—

“সঙ্করো নরকারৈব কুলপ্রানাং কুলশ্চ।

পতন্তি পিতরো হেয়াং লুপ্তপিণ্ডাদকক্রিয়াঃ ॥”

তাঁহার দিব্য দৃষ্টি দেখিয়াছিল ভারতের কি ভীষণ পরিণাম নিকট-প্রায়, তাই সেই মহামনা তারস্বরে বলিয়াছিলেন বর্ণসঙ্কর উৎপন্ন হইলে কুল নাশ পাইবে। চক্ষুমান্ ব্যক্তিকে কি ইহা দেখাইয়া দিতে হইবে? আজ হিন্দুসন্তান বিলাতী ডগ্‌ ডগ্‌গীর বাণ্ডে কোন্ স্তরে উপনীত হইয়াছে এবং কোন্ দিকে ছুটিয়া চলিতেছে তাহা কি তাহাদের বোধ আছে? বোধ থাকিবে কি করিয়া! চক্ষু হরিদ্রাবর্ণের চশমায় আবদ্ধ, তাই ছনিয়ার প্রতি পরমাণু হনুদের রঙ্গে রঞ্জিত হইয়াছে। ধন্য পাশ্চাত্য জাতি! ধন্য তোমাদের বুদ্ধিবৃত্তি! সামান্য দুইশত বৎসরের আধিপত্যে তোমরা হিন্দু জাতিকে কতটা উদার প্রকৃতিতে লইয়া যাইতেছ! তাহারা আজ এত উদার বে, বিনাযুক্তিতে মাতাকে মাতা

বলিতে চাহেনা ও পিতাকে পিতৃত্বের অধিকার দিতে নারাজ। তাহাদের বেদ, স্মৃতি, পুরাণ, সব প্রেক্ষিপ্তপূর্ণ। তাহাদের পূর্বপুরুষগণ সব মূর্খ, বুদ্ধিহীন, উন্মাদ; নতুবা জাতিভেদের এই ঘণ্যগণ্ডি এতদিন পর্যন্ত মানিয়া আসিতেছিল। তাহারা এত উদার হইয়াছে যে সাহেবী রং চং আদব কায়দা যে না জানে তাহাকে মানুষ বলিতে চাহে না। ভেদ নীতি পরিহার পূর্বক ভারতীয়দিগের গাত্রের বর্ণ পর্যন্ত ইউরোপীয় করিতে পারিলেই উন্নতিটা বোল কনায় পূর্ণ হইতে পারে; তজ্জন্ত অচিরাৎ একটা রিজলিউসান পাশ করা উচিত।

একজন মুসলমানকে যদি জিজ্ঞাসা করা যায়, “তুমি তোমার কোরাণ মান তাহার যুক্তি কি?” সে বলিবে কোরাণ-তাই তাহাকে মানি তাহার আবার যুক্তি কি? একজন ক্রীষ্টিয়ানকে যদি বল বাইবেল কেন মান, সে বলিবে “বাইবেল লইয়াই ক্রীষ্টিয়ানিটা তাই মানি।” হিন্দুকে যদি জিজ্ঞাসা করা যায় অমনি সে বলিবে “ঐ সব অনুদার অনুন্নত ব্রাহ্মণ জাতির প্রেক্ষিপ্ত শাস্ত্র শিক্ষিতসম্প্রদায় কি করিয়া মানিতে পারে?”

এই সব লক্ষণগুলি বাহাদের উন্নতির পরিচায়ক, তাহারা বর্ণসঙ্করের পরিণাম কি করিয়া বুঝিবেন? বাহাদের দ্বারা ভূত ছাড়ান যাইবে তাহারা এই যে ভূতগ্রস্ত। কুরুক্ষেত্রের যুদ্ধের সময় হইতেই ক্ষত্রিয়কুল নিশ্চলপ্রায় হইয়াছিল। তপঃবিঘ্ননিবারণকারী ক্ষত্রিয়কুল ধ্বংস হওয়ায় ব্রাহ্মণ তপশ্চ্যুত হইয়া শিখা-সূত্র-জীবী হইতে আরম্ভ করিল। বৈশ্যগণ রক্ষক অভাবে বিদেশ হইতে ধনসংগ্রহে অসমর্থ হইয়া পরস্পর হিংসা, ঘেঁষ এবং জুরাচুরিতে পূর্ণ হইয়া উঠিল। অবশিষ্ট শূদ্রগণ রক্ষক, পোষক এবং জ্ঞানদাতার অভাবে নাসিকায় তৈল প্রবেশ করাইয়া মহানিদ্রায় নিদ্রিত হইল। স্বেযোগ বুঝিয়া অনার্য

জাতীয় দস্যুগণ দেশে উপস্থিত হইল এবং লুণ্ঠন, বন্ধন ও রক্তের সহিত মিশ্রণ করিয়া বেদ পুরাণে প্রক্ষিপ্ত প্রবেশ করাইতে লাগিল, কারণ আপনাকে ক্ষত্রিয় বলিয়া প্রতিপাদন না করিতে পারিলে তখনও সমাজে বিশেষ সুবিধা হইত না। তখন হইতেই বর্ণসঙ্করের মহিমা ফুটিয়া উঠিল। মৃত্যুর পর কিছু অবশিষ্ট থাকে এ চিন্তা ক্রমশঃ অনার্থ্য রক্ত এবং শিক্ষার সংমিশ্রণে সন্দেহের স্থল হইয়া পড়িল, যাহার ফলে আজ ব্রাহ্মণ সন্তানও তাহার পিতৃপিতামহের তর্পণ, মরা গরুকে ঘাস খাওয়ান বলিয়া স্থির করিয়াছে। স্মৃতরাং পিণ্ডোদকক্রিয়া লোপ পাওয়ায় ধীরে ধীরে সেই সব মহামনা উন্নতপ্রাণ সর্বত্যাগী ঋষিদিগের শুভাশীষ আর তাঁহাদের সন্তানেরা প্রাপ্ত হয় না। দেবতাগণ অখাণ্ড কুখাণ্ডের ভয়ে পলাইয়া প্রাণ বাঁচাইয়াছেন। একমাত্র ব্রহ্মজ্ঞান আসিয়া আঠে পিঠে চাপিয়া ধরিয়াছে। তাহার ফলে বাপ, মা, যুবা বৃদ্ধ, বালক, স্ত্রী, পুরুষ, হিন্দু, মুসলমান সকলে এক নিরাকার বৃক্ষের উপাসনার রত হইয়াছে এবং বিরাট ব্রহ্ম জাতিতে পরিণত হইতেছে। ইহাই বর্ণসঙ্করের পরিণাম। সকলেই জানেন যে, মনুষ্য জাতি ভিন্ন নিম্ন জাতিতে বর্ণসঙ্করসৃষ্টি বেশীদূর অগ্রসর হয় না। গাধা এবং ঘোড়ার মিশ্রণে খচ্চর উৎপন্ন হয়। কেহ শুনিয়াছেন কি খচ্চরের বংশ চলিয়াছে? খচ্চরের প্রায়ই গর্ভ হয় না, যদি হয়, প্রসব কালেই তাহার নাশ হয়। বৃক্ষের মধ্যেও কোন এক জাতীয় বৃক্ষের সহিত অন্য জাতীয় বৃক্ষের কলম প্রস্তুত করিলে তাহার গতিও ঐখানেই শেষ। মানুষেও তাহাই; বর্ণসঙ্করজাতি নষ্ট হয় বা অন্য জাতিতে মিলিয়া যায়। কারণ উহা প্রকৃতি মাতার অভিপ্রেত নহে। তাই উহার গতি অতি অল্পেই অবসান হয়।

কুল নষ্ট হইলে ধর্ম নষ্ট হয়, তাহার দৃষ্টান্ত কাহারও অবিদিত

নহে। বর্ণসঙ্কর দ্বারা শ্রদ্ধা পিণ্ডাদি চলে না, কারণ তাহার রক্তের সহিত, তাহার স্নানদেহের সহিত পূর্ব পিতা, পিতামহাদির কোন সঙ্কর থাকে না। সুতরাং তাহার উচ্চারিত মন্ত্রাদি কোন ক্রিয়াই উৎপাদন করিতে সমর্থ হয় না। অধিকাংশ স্থলে বর্ণসঙ্করগণ পরলোকের অস্তিত্বেই বিশ্বাস করে না, সুতরাং তাদৃশী শ্রদ্ধা উৎপন্ন হইবারও অবকাশ হয় না। শ্রদ্ধাবিহীন ক্রিয়াকাণ্ড সমুদয়ই বিফল। শ্রদ্ধা ক্রিয়া অতি মহান্ এবং ব্যাপক। প্রতি দেশেই ইহা কোন না কোন আকারে বর্তমান আছে। হিন্দুরা পিতৃপিতামহাদির প্রতি ষতটা কৃতজ্ঞ, অন্য কোন জাতি ততদূর নহে। বাহাদের পূর্ব ইতিহাস উজ্জ্বল নহে তাহারা সমাজে উন্নত হইতে বিশেষ কষ্ট পায়। ঐ ক্রিয়া তাঁহাদের সহিত আমাদের মিত্য সঙ্কর সূচনা করাইয়া দেয় এবং ক্রমশঃ উন্নতির পথে চালিত করে, তজ্জগুই পিতৃপিতামহের জলপিণ্ডাদির ব্যবস্থা আছে; তাহা ছাড়া উহাতে আধ্যাত্মিক কতটা উন্নতি হয় তাহা সমরাস্তরে উল্লেখ করা যাইবে।

অনেকে বলেন যে অন্যান্য দেশে কশ্মীর দ্বারা ক্ষত্রিয়ত্ব বা ব্রাহ্মণত্ব লাভ করিতেছে, সুতরাং আমাদের দেশেও তাহাই হউক, এই প্রকার জন্মগত জাতি মানিবার আবশ্যিকতা নাই। তাঁহাদিগের নিকট বক্তব্য এই যে, জাতির মৌলিকত্ব কাহারও কৃত নহে তাহা পূর্বেই উল্লেখ করা গিয়াছে এবং নিজেরা সুবিধামত জাতি বিভাগ করিয়া লইয়াছে ইহাও অত্যন্ত অসমীচীন কথা; কারণ সাধারণ দৃষ্টিতেই আমরা দেখিতে পাই যে, সকলেই প্রভুত্ব চায় ও কেহ নীচ কার্য করিতে রাজী হয় না; সুতরাং যদি সকলকে সমবেত করিয়া বলা হয় যে, আমি ব্রাহ্মণ হই, তুমি ক্ষত্রিয় হও, সে বৈশ্য হউক বা শূদ্র হউক ইহা কোন যুগেই কেহই শুনিবে না। যে ব্রাহ্মণ জাতি প্রভুত্ব করিয়াছিল, তাঁহাদের

সম্বল ছিল কোপীন ও বনের ফলমূল। রাজ্য বা ধন জন তাঁহারা কিছুই চান নাই ভোগও করেন নাই। বর্তমান সমাজে কেহ কি সেইরূপ সর্বত্যাগী হইতে রাজী হন? যদি সন্ন্যাসধর্ম গ্রহণ করেন তাহা হইলেও ভোগের মধ্যে যোগের পতাকা উড়াইয়া বেড়ান এবং পিতৃপুরুষদিগের পিণ্ডপাত করিতে থাকেন। স্মৃতরাং লৌকিক দৃষ্টান্তেও তাহা সিদ্ধ হয় না।

তাহা ছাড়া কর্মগত গুণ আলোচনা করিয়া যে জাতিত্ব সিদ্ধ হয় না এবং উহা যে একেবারেই অসম্ভব ইহা শাস্ত্রযুক্তি দ্বারা বুঝান যাইতেছে।

আজকাল ঔপনিষদপ্রমাণ স্বীকার করা একজাতীয় ছজুগ হইয়া দাঁড়াইয়াছে, স্মৃতরাং তাহাধারাই প্রমাণিত করা যাইবে যে শুধু কর্মজ্ঞানাঙ্গ দ্বারা জাতি নির্ণীত হয় না।

উপনিষদের মধ্যে ১২ বা ৩২ খানা প্রামাণ্য বলিয়া স্বীকৃত হয়। তন্মধ্যে বৃহদারণ্যক এবং ছান্দোগ্য সর্বাপেক্ষা প্রাচীন এবং উৎকৃষ্ট বলিয়া তাঁহারা স্বীকার করেন।

ছান্দোগ্য বা বৃহদারণ্যক পাঠে তাঁহারা জ্ঞাত হন যে, অনেক ক্ষত্রিয়রাজার নিকট পঞ্চাশিবিদ্যা বা ব্রহ্মবিদ্যা ব্রাহ্মণেরা জানিয়াছিলেন এবং অনেকের এরূপ মত যে ব্রাহ্মণেরা ব্রহ্মবিদ্যা জানিতেনই না; তাঁহারা কর্মকাণ্ডেই রত ছিলেন এবং ক্ষত্রিয়েরা জ্ঞানকাণ্ডের অধিকারী ছিলেন। ইহার মীমাংসা বাহাই হউক তাঁহাদের বাক্যেই শুধু গুণের দ্বারাই ব্রাহ্মণত্ব লাভ হয় এরূপ প্রমাণ তাঁহারা দিতে পারিলেন না; কারণ সেই সব জ্ঞানী ক্ষত্রিয়রাজগণ ব্রাহ্মণ হইয়াছিলেন এবং ব্রাহ্মণ নামে অভিহিত হইতেন এমন কোন প্রমাণই পাওয়া যায় না বা তাঁহারা দিতে অক্ষম। তাহাছাড়া জীবের

মৃত্যুর পর গতিবর্ণনোপলক্ষে ছান্দোগ্যোপনিষদ্ (৫ম অধ্যায় দশম খণ্ড) বলিতেছেন—

“তদ্ য ইহ রমণীয়চরণা অভ্যাসো হ যত্তে রমণীয়াং যোনি-
মাপত্তোরন্ ব্রাহ্মণযোনিং বা ক্ষত্রিয়যোনিং বা বৈশ্বযোনিং বাথ য ইহ
কপূয়চরণা অভ্যাসো হ যত্তে কপূয়াং যোনিমাপত্তোরন্ ঋযোনিং বা শূকর-
যোনিং বা চাণ্ডালযোনিং বা ।” ৩৬৫ ॥ ৭ ॥

‘তঁাহাদের, সেই সমস্ত অনুশয়িগণের (চন্দ্রমণ্ডল হইতে প্রত্যাগত ব্যক্তিগণের) মধ্যে যঁাহারা ইহলোকে রমণীয় বা পুণ্য কার্য সম্পাদন করিয়াছেন তঁাহারা অবিলম্বে ব্রাহ্মণ, ক্ষত্রিয়, বৈশ্ব প্রভৃতি উৎকৃষ্ট যোনিতে জন্মগ্রহণ করেন। আর যঁাহারা তাহা না করিয়া কেবল পাপের অনুষ্ঠানই করিয়াছিলেন তঁাহারাও তৎক্ষণাৎ কুকুর, শূকর, চণ্ডাল প্রভৃতি হীন যোনিতেই জন্মগ্রহণ করেন।’

ইহাই ত সরল ব্যাখ্যা। বেদের পুরুষসূক্তে “ব্রাহ্মণোঃশু মুখ-
মাসীৎ” ইত্যাদি ঋক সমাজশরীরের বর্ণনা বা প্রক্ষিপ্ত বলিয়া উড়াইয়া
দিলেন, এবার ছান্দোগ্য উপনিষদে মৃত্যুর পর পুণ্য বা পাপফলে যে
পুনরায় ব্রাহ্মণযোনি ইত্যাদিতে জন্ম হয় বলিয়া উল্লিখিত আছে ইহা
কি রূপক না প্রক্ষিপ্ত, বা গুণ ব্রাহ্মণের যোনি বলিয়া মনে করেন? যোনি
শব্দের ধারাই যে স্থূল শরীরের উৎপত্তিস্থান বুঝাইতেছে; সূতরাং গুণ-
ব্রাহ্মণের যোনি হইলেও পুনরায় জ্ঞানগত ব্রাহ্মণত্ব বা কর্মগত ক্ষত্রিয়ত্ব
ধাকিল না; সূতরাং বলিতে হইবে ব্রাহ্মণের লিখিত শাস্ত্র কিছুই
মানি না বা নিজেরা যাহা বুঝি তাহাই করিব, তাহা হইলেই আমরাও
নিশ্চিন্ত হইয়া বলিতে পারি—“শূন্য গোয়াল ভাল, তবু ছুঁই বলদ
কাড়ের নয়।”

চতুর্থ অধ্যায় ।

শুধু কর্মের উপর বর্ণব্যবস্থা মানিলে কি প্রকার উৎপাত হয় শাস্ত্র ও যুক্তিদ্বারা তাহা দেখান যাইতেছে । সাত্ত্বিক, রাজসিক ও তামসিক ভেদে প্রকৃতি ত্রিবিধ ও তাহার গুণ ক্রিয়াদিও ভিন্ন ভিন্ন ; সুতরাং একই প্রকার কর্ম সকলের পক্ষে সম্ভব নহে, কারণ শুদ্ধ ও মিশ্রিত হইয়া বা পৃথক পৃথক রূপে সকলেরই কারণদেহরূপে অবস্থান করিতেছে । তারপর ব্রহ্মাণ্ডসৃষ্টির গতি অনুসারে কলিযুগে তমোগুণেরই রাজত্ব, তজ্জগৎ তমোগুণ প্রতিঘনুপরমাণু আচ্ছন্ন করিয়া ফেলিয়াছে । তজ্জগৎ প্রারম্ভ সংস্কার কাহারও উচ্চ থাকিলেও প্রকৃতির পরিণামে পড়িয়া তাহাকে প্রতিমূর্ত্তে পর্য্যদস্ত হইতে হইতেছে । তাহা ছাড়া মহাভারত শান্তিপর্ক বর্ণিতেন ।

“বালো যুবা চ বৃদ্ধশ্চ যৎকরোতি শুভাশুভম্ ।

তস্মাৎ তস্মানবস্থায়ানং তৎফলং প্রতিপত্ততে ॥”

“বাল্য, যৌবন বা বার্দ্ধক্যে যে সমুদয় শুভ বা অশুভ কর্মের অনুষ্ঠান করা যায়, সেই সেই অবস্থাতেই তাহার ফলভোগ হইয়া থাকে ।” তজ্জগৎ সর্বাবস্থায় একই প্রকার সাত্ত্বিক, রাজসিক বা তামসিক কর্মে মানব রত থাকিবে ইহা সম্ভবপর নহে । সাধারণতঃ আমরা তাহাই দেখিতে পাই ; যে আজ তামসিক, কাল সে মহাসঙ্কপ্ত হইয়া গেল, যে সঙ্কপ্ত হইয়া সে হয়ত রজোগুণের কার্য্য কাম ক্রোধে মজিয়া গেল এবং যে আজ

মহাজ্ঞানী সে হয়ত পশুতে পরিণত হইল। তুলসীদাস ও বিষ্ণুমঙ্গলের মত কামুক লোকও জগৎপাবন হইয়াছেন। এইসব দ্বারা বুঝা যায় যে, মানুষের প্রকৃতি অনবরত পরিবর্তনশীল এবং তাহা পূর্ব সংস্কারানুযায়ী ত্রিগুণের তারতম্য অনুসারে হইয়া থাকে। মানুষের স্বতন্ত্রতাও প্রায়ই সংস্কারের অনুগামী। যদি পূর্বসংস্কার স্বীকার না করা যায়, তাহা হইলেও শিক্ষাসংসর্গাদির ফল অবশ্যই মানিতে হইবে। কৰ্মক্ষেত্র বহুদূর ব্যাপী স্মরণ্য আজকাল শিক্ষা বা উদরভরণ নিমিত্ত নানাদেশ ভ্রমণ করিতে হয় ও বহুলোকের সহিত মিশিয়া নিত্য নূতন নূতন শিক্ষা ও সংস্কার গ্রহণ করিতে হয়; অধিকন্তু অর্থকরী বিজ্ঞার সহিত সদাচার, ধর্ম ইত্যাদির কোন প্রকার সম্বন্ধ না থাকায় মানুষ প্রায়ই তমোগুণাত্মক অসদাচার এবং অধর্মে আসক্ত হইয়া হিংসা, অনূত প্রভৃতি আত্মনাশকর ব্যাপারে রত হয়। এইসব কারণে মানব সাধারণের এক প্রকার কর্মে রত থাকিবার কোন সম্ভাবনা দেখিতে পাওয়া যায় না। প্রতি মুহূর্তেই মনোবৃত্তির পরিবর্তন সহকারে কর্মের পরিবর্তনও অবশ্যসম্ভাবী। কর্মজনিত গুণ বা গুণজনিত কর্মদ্বারা ইহজগেই যদি সকলেই ব্রাহ্মণক্ষত্রিয়াদি বর্ণে উন্নত হইবে অথবা বৈশ্যশূদ্রাদিবর্ণে অবনত হইবে এইরূপ স্বীকার করা যায়, তাহা হইলে সমাজ, শাস্ত্র, বর্ণ ইত্যাদি স্বীকারের আর কোন যৌক্তিকতা থাকে না; অধিকন্তু উহাতে মূঢ়তা ও বিচারশীলতার ন্যূনতা পরিলক্ষিত হইবে। কারণ যদি কর্মের দ্বারা বর্ণতা স্বীকার করা যায়, তাহা হইলে মানবমাত্রই জন্মতঃ চতুর্বর্ণের বাহিরে য়েচ্ছ বা অন্য কিছু হয় ইহা মানিয়া লইতে হইবে। এখন জন্মতঃ সকলেই য়েচ্ছ স্বীকার করা গেল। একজন নিজের চেষ্টাফলে ২০ বৎসরে শূদ্র বা বৈশ্য লাভ করিল—এখন বিবাহ করিবে কাহার

কন্যাকে ? কারণ সকল কন্যাই জন্ম হইতে স্নেহে । যে নিজে শূদ্র বা বৈশ্য হইয়াছে এখন তাহার সংস্কার দৃঢ় রাখিবার নিমিত্ত তজ্জাতীয়া কন্যার সহিত বিবাহ হওয়া প্রয়োজন, নতুবা নীচসংসর্গ হেতু পারিবারিক কলহ বা সঙ্কর বর্ণের উৎপত্তি হইয়া পিতৃপুরুষের পিণ্ড লোপ পাইবে । কিছুদিনপর সেই ব্যক্তি দেশের দুর্দশা দেখিয়া ক্ষত্রিয়বৃত্তি অবলম্বন করিল বা নিজের দুর্দশা দেখিয়া ধ্যান ধারণায় রত হইয়া ব্রাহ্মণত্ব লাভ করিল ; এখন তাহার পত্নী কি করিবে ? সে বৈশ্য বা শূদ্রজাতীয়া তখনও হয় নাই বা হইয়াছে । নিজে ব্রাহ্মণ হইলেই সঙ্গে সঙ্গে তাহার বংশের সমস্তগুলি সেই কর্ম্ম করে না বা করিবে না । একরূপ স্থলে সেই নীচজাতীয় পত্নীপুত্রের সহিত তাহার সংসর্গ করা উচিত নহে ; তাহার পত্নীরও ঐ ব্রাহ্মণপতি ত্যাগ করতঃ কোন বৈশ্য বা শূদ্র পতির আশ্রয় লইতে হয়, নতুবা ব্রাহ্মণ ও বৈশ্যের বা শূদ্রের সংসর্গবশতঃ আর একটি সঙ্করজাতির উৎপত্তির সম্ভাবনা হইবে । ভাগ্যক্রমে সেই ৪০ বা ৫০ বৎসরে উপনীত গুণ-ব্রাহ্মণমহাশয়ের পিতা মাতা তখনও বর্তমান আছেন । তাঁহারা বৈশ্য বা শূদ্রই রহিলেন । এখন পুত্র গুণে ব্রাহ্মণ হইয়াছেন সুতরাং অন্য সর্ব্বাপেক্ষা শ্রেষ্ঠ হইলেন, তজ্জন্য পিতা মাতার উচিত যে সেই গুণধর পুত্রকে প্রাতে উঠিয়াই প্রণাম করেন । কারণ ব্রহ্মজ্ঞানী সকলেরই নমস্ । শাস্ত্র বলেন- -

“ইমং লোকং মাতৃভক্ত্যা পিতৃভক্ত্যা তু মধ্যমম্ ।

গুরুশুশ্রূষয়াত্বেব ব্রহ্মলোকং সমপ্নু তে ॥

অভিবাদনশীলস্ত নিত্যং বৃদ্ধোপসেবিনঃ ।

চত্বারি সম্প্রবর্দ্ধন্তে আয়ু বিষ্ঠা যশো বলম্ ॥” মনুসংহিতা

“পিতা মাতা এবং আচার্য্য সকলেরই প্রণম্য স্মৃতির ঠাঁহাদের প্রণাম দ্বারা আয়ু, বিদ্যা বল ও যশ বৃদ্ধি হয় এবং ইহপরলোকে বিশেষ সুখ প্রাপ্তি হয়।” এখন ব্রাহ্মজ্ঞানী পুত্রমহাশয় কি করিবেন? তিনি অর্দ্ধচন্দ্র প্রদানপূর্ব্বক বৃদ্ধ বৈশ্ব পিতামাতাকে গৃহ হইতে বাহির করিবেন অথবা ঠাঁহাদের সম্মাননা করিবেন? এইত লৌকিক পরিণাম!

শাস্ত্রদৃষ্টিতে আলোচনা করিলে আরও বিপদ, কারণ জন্ম হইতে মরণ পর্য্যন্ত যতগুলি সংস্কার ব্রাহ্মণাদির বর্তমান আছে তাহার মূলোচ্ছেদ না করিলে অর্থাৎ দেশশুদ্ধ সকল জাতিকে এক বিরাট ব্রাহ্মজাতিতে পরিণত না করিলে শুণব্রাহ্মণাদি শুধু ঠাকুরমার গল্প হইয়া পড়ে। কারণ ব্রাহ্মণাদির নামকরণ উপনয়ন বিবাহ ইত্যাদি সকল কর্ম্মেরই বৈদিক ধর্ম্মানুযায়ী সময় এবং মন্ত্রাদি নির্দ্ধারিত আছে। ধরুন একজন জন্মলৈচ্ছ ৬০ বৎসরে ব্রাহ্মণবর্ণে উন্নত হইলেন, তখন তাহার নামকরণ হইবে? বা তারপর অন্তপ্রাণনের ব্যবস্থা করিতে হইবে? তাহার উপনয়ন সংস্কারইবা কি প্রকারে হইবে? কারণ শাস্ত্র বলেন—

“গর্ভাষ্টমেহ্মে কুব্বীত ব্রাহ্মণশ্চোপনয়নম্।

গর্ভাদেকাদশে রাজ্ঞো গর্ভাত্তু দ্বাদশে বিশঃ ॥” মনুসংহিতা

“গর্ভ হইতে অষ্টম বৎসর বয়সে ব্রাহ্মণের উপনয়ন হইবে, গর্ভ হইতে একাদশে ক্ষত্রিয়ের এবং গর্ভ হইতে দ্বাদশ বর্ষে বৈশ্বের উপনয়ন হইবে।” এস্থলে কি সেই দিন তাহার জন্ম ধরিয়া লইতে হইবে? তাহার শ্রাদ্ধাদি কে করিবে এবং কিরূপে হইবে? শাস্ত্রানুযায়ী অনুলোমবিবাহ থাকিলেও নীচবর্ণজাতঙ্গীর পুত্র শ্রাদ্ধাদিপিতৃকার্য্যের অধিকারী হয় না অথচ শ্রাদ্ধ হিন্দুর নিত্যকর্ম্ম। সে ব্রাহ্মণ হইলে তাহার রক্ত যতদূর

প্রসারিত, সকলেরই সেইরূপ হইবার সম্ভাবনা নাই। যদি তাহা স্বীকার করা গেল তবে জন্মব্রাহ্মণত্বই একরূপ স্বীকৃত হইয়া গেল।

এইরূপ বহু প্রকার দৃষ্টান্ত দ্বারা কর্মে বা গুণে ব্রাহ্মণত্ব প্রাপ্তির যে যুক্তি তাহার অসারতা প্রতিপাদন করা যাইতে পারে; যদি কাহারও বুঝিবার ইচ্ছা বা সামর্থ্য থাকে, তাহার পক্ষে ইহাই যথেষ্ট। নতুবা তিনি বলুন আমি শাস্ত্র বা যুক্তি কিছুই মানি না, তাহা হইলে আমরা তাঁহার গুণগ্রাম অবগত হইয়া দূরে অবস্থান করিতে পারি। যদি বেদ স্মৃতি কি কোন ধর্মশাস্ত্র মানিতে হয় তাহা হইলে জন্মগত বর্ণত্ব স্বীকার করিতে হইবে; গুণগত স্বীকার করিলে উহা বন্ধ্যাপুত্রের মত অসৎ হইয়া পড়িবে। আমরা পূর্বেই প্রতিপন্ন করিয়াছি জগতে একজাতি বা একবর্ণ কিছুই নাই; সূতরাং এক বা সাম্যবাদের ধূরাত্তে জগৎ নাচাইতে পারিলেও প্রকৃতির বিরুদ্ধ কাজ করিলে প্রকৃতিমাতারূপিনী মহামায়া অবতীর্ণ হইয়া স্বয়ং তাহার ধ্বংসসাধন করিবেন। তাই তিনি বলিয়াছেন—

“ইথং যদা যদা বাধা দানবোথা ভবিষ্যতি ।
তদা তদাবতীৰ্য্যাহম্ করিষ্যাম্যরিসংক্ষরম্ ॥”

আমার শাস্ত্র ও যুক্তি দ্বারা এই সিদ্ধান্তে উপনীত হইলাম যে বর্ণ-ধর্ম মৌলিক সূতরাং কালবশতঃ যতই বিপর্যয় হউক না কেন ইহার অস্তিত্বনাশ করার সামর্থ্য কাহারও নাই বা হইবে না। জন্মগতবর্ণত্বই স্বীকার্য্য এবং গুণগত বর্ণত্ব বন্ধ্যাপুত্রের স্থায় অলীক। সূতরাং প্রত্যেক বর্ণের স্বকর্ম দ্বারাই তাহার উন্নতি সম্ভবনীয়। গীতাও তাহাই বলিয়াছেন—“স্বকর্মণা তমভ্যর্চ সিদ্ধিং বিন্দতি মানবঃ।” “অর্থাৎ স্বীয়

স্বীয় বর্ণাশ্রমোচিত কর্ম্মধারাই মানুষ সিদ্ধিলাভ করে।' ইহাই বৈদিক সিদ্ধান্ত।

এখন কয়েকটা প্রশ্নের উদয় হইতে পারে যে (১) সমাজে অনেক তথাকথিত নীচজাতীয় ব্যক্তিদিগের ভিতরে উচ্চবর্ণের ক্রিয়াকলাপ দেখিতে পাওয়া যায় এবং ব্রাহ্মণক্ষত্রিয়াদির ভিতরেও বহু অপকর্ম্মা অত্যাচারী লোক দেখিতে পাওয়া যায় ইহার কারণ কি? (২) উচ্চ বর্ণের পক্ষে সমুদয় সুবিধা পাইয়া যদি এত নীচ হওয়া সম্ভব হয় তাহা হইলে নীচবর্ণ সেই সুবিধাগুলি পাইলে নিশ্চয়ই তাহাদের সমকক্ষ হইতে পারিবে। (৩) যখন নীচকর্ম্মরত ব্রাহ্মণাদি বর্তমান আছে, তখন উচ্চকর্ম্মরত শূদ্রাদি তাহাদের সমকক্ষ বা তদপেক্ষা কেন শ্রেষ্ঠ হইবে না? ইহার যথাসম্ভব উত্তর দেওয়া যাইতেছে—

(১) চারিটা কারণে উচ্চজাতির মধ্যে নীচকর্ম্মপরায়ণ এবং নীচ জাতির মধ্যে উচ্চকর্ম্মপরায়ণ মানব দেখিতে পাওয়া যায়। (ক) বর্ণ-সঙ্করতা, (খ) আক্ৰমণপতন, (গ) কুশিক্ষা ও (ঘ) যুগধর্ম্ম।

(ক) পূর্বে উক্ত হইয়াছে যে, কুরুক্ষেত্রযুদ্ধে ক্ষত্রিয়কুলের প্রায় সর্বনাশ হয়, সুতরাং বর্ণাশ্রম রক্ষা করিবার উপযুক্ত রাজশক্তি রহিল না, এবং অনার্য্য যোদ্ধাজাতি আসিয়া ক্ষত্রিয়নামগ্রহণপূর্বক সমাজে প্রবেশ করিল। ব্রাহ্মণজাতি তপস্কারক্ষার অনুকূলতা না পাইয়া ক্রমশঃ তপঃশক্তিহীন হইতে লাগিলেন, অথচ পূর্ববৎ মর্যাদা পাইয়া মত্ততা-প্রযুক্ত নানাপ্রকার ব্যভিচারে রত হইলেন। তারপর কৌলীণ্যমর্যাদার অথবা ব্যবহারে সমাজে আর এক ভয়ানক ব্যভিচারের পথ প্রশস্ত হইয়া গেল সুতরাং তাহাদের গৃহে সঙ্করপুত্রাদি উৎপন্ন হইয়া ব্রাহ্মণ বলিয়া পরিচিত হইতে লাগিলেন। কিন্তু মূলে উৎপত্তির আশাস্ত্রীয়তা প্রযুক্ত শাস্ত্রকর্মে তাহাদের বিশ্বাস রহিল না। পরবর্তী বৌদ্ধরাজগণের

নানাপ্রকার চেষ্টাতেও অনেক প্রকারে বৈদিক ধর্মের হানি হয় এবং বর্ণাশ্রমের উপর ভীষণ আঘাত পড়ে। মুসলমানপ্রাধান্যেও কতকটা তাহা হইয়াছিল ও অনেক স্থলে যৌন সম্বন্ধও বিগড়াইয়া যায় ; তজ্জন্ম বর্ণাশ্রম ধর্মে আস্থা কতকটা শিথিল হইয়া পড়ে। তজ্জন্ম ব্রাহ্মণ জাতির ভিতরে অনেক নীচকর্মা জন্মিয়াছে এবং নীচ জাতির ভিতরে উচ্চ সংখ্যা বৃদ্ধি পাইয়াছে।

(খ) বিদুরের মত অনেক মহাত্মাই স্বীয় কর্মফলে শাপবশতঃ অথবা মৃত্যুকালীন কোন নীচজনোচিত বাসনার প্রাবল্যে নীচ জাতিতে জন্ম গ্রহণ করিয়াছেন। প্রমাণ স্বরূপ রাজা ভারতের হরিণযোনিপ্রাপ্তি এবং পুরঞ্জনের স্ত্রীত্বপ্রাপ্তি উল্লেখ করা যাইতে পারে। ইহাও ঐরূপ কর্মব্যতিক্রমের অন্ততম কারণ বলা যায়। শাস্ত্রও ইহার সমর্থন করেন। বথা—

“যং যং বাপি স্মরন্ ভাবং ত্যজত্যন্তে কলেবরন্ ।

তং তমেবৈতি কোন্তেয় সদা তদ্ভাবভাবিতঃ ॥” গীতা

“অর্থাৎ যে মৃত্যুকালে যে ভাব স্মরণ করিয়া দেহত্যাগ করে সে তজ্জাতীয়ত্ব লাভ করে।” সুক্ষ্ম শরীর বা মনের উৎকট আকাঙ্ক্ষাই এতাদৃশ দেহগ্রহণের কারণ বলিয়া শাস্ত্রে উক্ত আছে। ফল কথা, সুক্ষ্মদেহের ভাবনা বশতঃই স্থূলদেহপ্রাপ্তি হয় তজ্জন্ম উচ্চকর্মরত উত্তম বর্ণের ব্যক্তিগণ পূর্বজন্মার্জিত হীনবাসনার ক্ষয়ের নিমিত্ত নিম্নবর্ণে জন্মগ্রহণ করেন।

(গ) কুশিক্ষার ফল ইহার মধ্যে সর্বাপেক্ষা প্রধান দাড়াইয়াছে। জাতীয়তা বা ধর্মশিক্ষা স্থূল কলেজে নাই। কোন উপায়ে কিঞ্চিৎ

ইংরাজী শিক্ষা করিয়া দাসত্ব বা ব্যবসায়নামীয়প্রতারণা দ্বারা জীবিকা-নির্বাহ করাই একমাত্র উদ্দেশ্য হইয়া পড়িয়াছে। বাল্যকাল হইতেই প্রত্যেকেই গুণিতে পাইলেন যে তাঁহার পূর্বপুরুষগণ অসভ্য, অর্ধউলঙ্গ জাতি ছিলেন, তাঁহাদের বেদ কতকগুলি কৃষকের গান ; পুরাণগুলি ঠাকুরমার বুলি, জাতিভেদ ব্রাহ্মণঠাকুরের কাঁচকলা আদায়ের ফন্দি ; শালগ্রাম—পাথর, গঙ্গাজল সাধারণ জলতুল্য, তীর্থাদি পাণ্ডাদের অর্থ উপার্জনের যুক্তি, সাধুগুলি সমাজের আবর্জনারূপ, স্ত্রীজাতি পুত্র-উৎপাদনের যন্ত্র, পিতামাতা জ্ঞানশূন্য অসভ্য, পুত্রস্নেহ মমতার আবর্ত, প্রভৃতি—দাসত্ব, শিক্ষকতা অর্থাগমের উপায়, ছাত্রের বিদ্যাগ্রহণ অর্থের বিনিময়, পতিপত্নীর ভালবাসা সৌন্দর্যের বিনিময়—ইত্যাদি।

এই সমুদয় বাল্যকাল হইতে মস্তিষ্কের অন্তর হইতে অন্তরতম প্রদেশে প্রবেশ করিল। বিদ্যালয়ে পাঠ করিতে করিতেই রেনল্ডসাহেবপ্রমুখ বিদেশী মহাত্মা এবং ভজহরি দাস প্রমুখ এদেশী মহাত্মাদিগের লেখনী-নিঃসৃত উপন্যাসসমূহ পূর্বকালীন দ্বিজাতির গায়ত্রী জপের স্থায় সর্বজাতির হৃদয়স্থ হইয়া পড়িয়াছে ; বিনোদিনীর সহিত গুণুপ্রেম নানা প্রকার অবৈধমৈথুনের জ্বালায় সপ্তমবর্ষীয় বালকের শরীর পর্য্যন্ত অসার হইয়া গিয়াছে ; সুর্যোগ বুঝিয়া ধাতুপুষ্টির নিমিত্ত মুরগীর ঝোল, মটনের হালুয়া, বোতলবাহিনী প্রভৃতির দ্বারা দেশকে সঞ্জীবিত করিয়া তুলিবার নিত্য নূতন ফন্দি সর্বত্র প্রচার হইতেছে।

কলির চরগণ স্বামী, ব্রহ্মচারী, পরমহংস, অবধূত, অবতার প্রভৃতি নামধারণ করতঃ পুস্তিকা, পত্রিকাও প্রচারক দ্বারা সস্তায় ব্রহ্মজ্ঞান ও বৈকুণ্ঠপ্রাপ্তির সন্ধান বিলাইতেছেন, বাহার ফলে এযুগে আর সাধন ভজনেরও প্রয়োজন নাই—কেবল কর্মার্পণ বা শরণাপন্ন হইলেই সর্ব-কার্যার্থসিদ্ধি হইতেছে। তাই বর্ণাশ্রম, দেশ, জাতি সব একাকার হইয়া

পড়িয়াছে। একটী কথা মনে পড়িল, একদিন স্বনামধন্য পণ্ডিত প্রমথ-নাথ তর্কভূষণ মহাশয়ের সহিত কথা হইয়াছিল। কথাপ্রসঙ্গে তিনি বলিলেন যে যখন তিনি কাশীতে শ্রীমৎ বিশুদ্ধানন্দ পরমহংসজীর নিকট বেদান্ত পড়িতেন সেই সময় কঠোপনিষদের “শতৈককা হৃদয়শ্চ নাড্যা” ইত্যাদি শ্লোকের ব্যাখ্যা শুনিয়া তিনি হাসিয়াছিলেন, তজ্জন্ম পরমহংসজী উত্তেজিত হইয়া যাহা বলিয়াছিলেন তাহার ভাবার্থ এইরূপ—হাজার বৎসরের মুসলমানশিক্ষার ফলে দেশ বতটা নষ্ট না হইয়াছিল, দেড়শত বৎসর ইংরাজী শিক্ষার তদপেক্ষা শতগুণ নষ্ট হইয়াছে। তিনি আর সংসারে ফিরিবেন না কিন্তু তর্কভূষণ মহাশয়কে আরও অনেকবার আসিতে হইবে ইত্যাদি।

বাস্তবিকই আমরা কি হইলাম ভাবিলে রক্ত শুকাইয়া যায় তবে ভরসা কেবল পার্থসারথির সেই বাক্য—

“যদা যদাহি ধর্মশ্চ গ্লানির্ভবতি ভারত।

অভ্যুত্থানমধর্মশ্চ তদাত্মানং সৃজাম্যহম্ ॥”

(ঘ) যুগধর্মের প্রাধান্য ইহার মধ্যে বিশেষ বিবেচনার বিষয়। কারণ তমোগুণের সম্পূর্ণ বিকাশক্ষেত্র কলিযুগ। পুরাণও সংহিতাতে কলির ব্যবহার অনেক বর্ণিত আছে কিন্তু অনেকে তন্নের প্রাধান্য দেখাইয়া অনাচারের সমর্থন করেন তজ্জন্ম মহানির্বাণতন্ত্র হইতে কিছু উদ্ধৃত করিয়া দেখান বাইতেছে যথা—

“আরাতে পাপিনি কলৌ সর্বধর্মবিলোপিনি।

দুরাচারে দুশ্রপক্ষে দুষ্টকর্মপ্রবর্তকে ॥ ৩৭

ন-বেদাঃ প্রভবস্তত্র স্বতীনাং স্মরণং কুতঃ ।
 নানেতিহাসযুক্তানাং নানামার্গপ্রদর্শিনাম্ ॥ ৩৮
 বহুগানাং পুরাণানাং বিনাশোভবিতা বিভো ।
 তদা লোকা ভবিষ্যন্তি ধর্মকর্মবহির্মুখাঃ ॥ ৩৯
 উচ্ছৃঙ্খলা মদোন্নতাঃ পাপকর্মরতাঃ সদা ।
 কামুকা লোলুপাঃ ক্রুরা নিষ্ঠুরা দুর্মুখাঃ শঠাঃ ॥ ৪০
 স্বল্পায়ুর্মন্দমতয়ো রোগশোকসমাকুলাঃ ।
 নিঃশ্রীকা নির্বলা নীচা নীচাচারপরায়ণাঃ ॥ ৪১
 নীচসংসর্গনিরতাঃ পরবিত্তাপহারকাঃ ।
 পরনিন্দাপরদ্রোহপরিবাদপরাঃ খলাঃ ॥ ৪২
 পরস্বীহরণে পাপশঙ্কাভয়বিবর্জিতাঃ ।
 নির্দ্বন্দ্বা মলিনা দীনা দরিদ্রাশ্চিররোগিনঃ ॥ ৪৩
 বিপ্রাঃশূদ্রসমাচারাঃ সন্ধ্যাবন্দনবর্জিতাঃ ।
 অযাজ্যবাজকা লুকা দুর্ভতাঃ পাপকারিণঃ ॥ ৪৪
 অসত্যভাষিণো মূর্খা দান্তিকা দুশ্প্রপঞ্চকাঃ ।
 কণ্ডাবিক্রয়িনো ব্রাত্যা স্তপোব্রতপরাজুখাঃ ॥ ৪৫
 লোকপ্রতারণার্থায় জপপূজাপরায়ণাঃ ।
 পাষণ্ড-পণ্ডিতশূন্যাঃ শ্রদ্ধাভক্তিবিবর্জিতাঃ ॥ ৪৬
 কদাহারাঃ কদাচারা ধৃতকাঃ শূদ্রসেবকাঃ ।
 শূদ্রান্নভোজিনঃ ক্রুরা বৃষলীরতিকামুকাঃ ॥ ৪৭
 দাশুস্তি ধনলোভেন স্বদারান্ নীচজাতিষু ।
 ব্রাহ্মণ্যচিহ্নমেতাং কেবলং সূত্রধারণম্ ॥ ৪৮
 নৈব পানাদিনিয়মো ভক্ষ্যভক্ষ্যবিবেচনম্ ।
 ধর্মশাস্ত্রে সদা নিন্দা সাধুদ্রোহো নিরন্তরম্ ॥ ৪৯

“এই পাপময়কলি ছুরাচার, দুষ্টকর্মপ্রবর্তক, এবং সংসারে বিবম বিপর্যয় সংঘটন করে। এই কলিযুগে বেদের কিছুমাত্র প্রভাব থাকিবে না। স্মৃতি স্মৃতিপথের অতীত হইবে। বহুবিধ ইতিহাসসংযুক্ত নানাবিধ সাধনপন্থাপ্রদর্শক বিস্তীর্ণ পুরাণসংহিতাও বিনষ্ট হইয়া যাইবে সুতরাং এসময় লোকসকল ধর্মকর্মে বিমুখ হইয়া পড়িবে। এই কলিযুগের লোকেরা সর্বদা পাপকর্মে নিরত, অনিয়ন্ত্রিত, মদোদ্ধত, কামগোহিত, দুর্শ্বখ, লুক্র, ক্রুর, নিষ্ঠুর ও শঠ হইবে। ইহারা স্বল্পায়ু রোগশোক সমাকুল, শ্রীহীন, দুর্বল, রেচ্ছ ববন প্রভৃতি নীচজাতির আচার ব্যবহারে রত ও নীচাশয় হইবে। কলিযুগের লোকেরা খলস্বভাব, নীচজাতির সংসর্গে সদানিরত, পরধনাপহারী, পরনিন্দাপরায়ণ, পরদ্রোহকারী ও পরমানিতে রত হইবে। পরজীহরণে ইহাদের কিছুমাত্র পাপাশঙ্কা বা ভয় থাকিবে না। ইহারা প্রায়ই নির্ধন, মগ্নিন, দীন দুঃখিত ও চিররোগী হইবে। কলিযুগের ব্রাহ্মণগণ শূদ্রের গ্রাম আচারসম্পন্ন, নক্যা-বন্দনবর্জিত, অযাজ্যযাজী লোভী, দুর্বৃত্ত ও পাপকারী হইবে। এই সকল ব্রাহ্মণগণ অসত্যভাষী, মূর্থ, দান্তিক, অতিশয় প্রবঞ্চক, কণ্ডাবিক্রেয়ী, ব্রাত্য ও তপোব্রতপরায়ণ হইবে। কলিতে পাষণ্ড, পণ্ডিতম্ভ্র ও শ্রদ্ধাভক্তি বিবর্জিত ব্রাহ্মণগণ কেবল লোকদিগকে প্রতারিত করিবার জন্তই জপ ও পূজার অনুষ্ঠান করিবে। ইহারা কদর্য্য আহার করিবে, ও কদর্য্যব্যবহারে রত হইবে। এই সকল ব্রাহ্মণ ক্রুর, অগ্নের গলগ্রহ, শূদ্রসেবক, শূদ্রানভোজী ও শূদ্রপত্নী-গমনে লোলুপ থাকিবে। ইহারা অর্থলোভে নীচ জাতীয় লোককেও নিজধর্মপত্নী প্রদান করিতে কুণ্ঠিত হইবে না। ইহাদের ব্রাহ্মণজাতির চিহ্নের মধ্যে কেবল গলদেশে সংস্কৃত বা অসংস্কৃত সূত্রমাত্র থাকিবে। ইহাদের ভক্ষ্যাভক্ষ্যবিচার বা পানাদির নিয়ম

কিছুই থাকিবে না। ইহারা ধর্মশাস্ত্রের নিন্দা ও নিরন্তর সাধুগণের অনিষ্টাচরণ করিবে।”

এই সমুদয় ধীরভাবে আলোচনা করিলে সমুদয় অন্ত্যায়ের কারণ স্পষ্টই অনুভব করা যাইবে। ইহাতে একটা প্রশ্ন হইতে পারে—তবে আর আমাদের করিবার কিছুই নাই কারণ কলির প্রভাবেই যখন সমুদয় হইতেছে তখন বৃথাচেষ্টার ফলও বৃথা ; কিন্তু তাহা নহে। চোরের কাজ চুরি করা ; গৃহস্থের কাজ যথাসম্ভব সাবধান হইয়া তাহার বাধা দেওয়া ; সুতরাং কলিরূপী চোর সজ্জনের গৃহে যতই চুরি করিয়া ধর্মহানির চেষ্টা করুকনা কেন, তাহার উপযুক্ত প্রতীকার করাই সাধুর একমাত্র করণীয় ; তাই যুগপ্রভাবে যত প্রকার অনিষ্টাচরণের আশঙ্কা থাকুকনা কেন, তাহার সহিত আজীবন সংগ্রাম করিয়া যথা সম্ভব উন্নতির চেষ্টা করিতে হইবে। তাহাতে যতটুকু সাফল্য লাভ করা যায় তাহাই আকাঙ্ক্ষনীয়।

জ্ঞানলাভে স্ত্রী শূদ্র প্রভৃতি সকলেরই অধিকার আছে, ইহাই শাস্ত্রের অভিপ্রায় এবং তদনুকূল বহু দৃষ্টান্তও আছে, কিন্তু অনেকে তাহাতে বলেন, ‘তবে আর ব্রাহ্মণত্বের বড়াই করা কেন ? বরং অত্নের বড়াই করাই উচিত কারণ তাহাদের সুবিধা না থাকাতেও উন্নত হইয়াছে।’ ইহা অত্যন্ত অযৌক্তিক ; কারণ পিতা হইতে পুত্র সময় বিশেষে শ্রেষ্ঠ হয় কিন্তু তাহাতে পিতার পিতৃস্বরূপ শ্রেষ্ঠত্বের অপলাপ হয় না। তদ্রূপ ব্রহ্মজ্ঞান লাভ করিলেও জ্যেষ্ঠত্ব এবং আজীবনকালনাধনার সফলতা নিরাস করিবার উপায় নাই। তন্নিম্ন উচ্চাবস্থা হইতে পতনের ফলে যাহারা স্ত্রী শূদ্র দেহে জন্মগ্রহণ করিয়াছেন তাঁহারাি ব্রহ্মজ্ঞান লাভ করিয়াছিলেন এইরূপ প্রমাণ শাস্ত্রাদিতে পাওয়া যায়। ব্রহ্মজ্ঞান সাংসারিক বস্তুর সহিত এক নহে। সংসারে যাহার বিদ্যা, বুদ্ধি এবং ক্ষমতার (অনিমাদি) আধিক্য আছে সেই পূজনীয় হয়। ব্রাহ্মণের অন্য় দেহে তাহা দেখিতে

পাওয়া যায় না সূতরাং ব্রহ্মজ্ঞান ভিন্নও ব্রাহ্মণ্য আকাঙ্ক্ষনীয় বস্তুই থাকে। বিদ্যা বলিতে অর্থকরী বিদ্যা বুঝিলেই বিপদ হইবে, তাহাতে বরং অন্তর্জাতিরই শ্রেষ্ঠ হওয়া বাঞ্ছনীয়; কারণ আজীবন তাহারা তাহারই সাধনা করিয়া আসিতেছে।

ভগবান্ বিষ্ণু রাম ও কৃষ্ণরূপে ক্ষত্রিয়কূলে অবতীর্ণ হইয়াছিলেন তজ্জগৎ অনেকের আক্ষেপোক্তি শুনিতে পাওয়া যায় যে, ক্ষত্রিয় নিশ্চয়ই শ্রেষ্ঠ ইত্যাদি; সূতরাং শ্রেষ্ঠত্বও নিকৃষ্টত্বের মাপকাঠি প্রথমে স্থির করা প্রয়োজন। বিষ্ণুর অবতার ধর্মসংস্থাপনের এবং অধর্মনাশের নিমিত্ত। ক্ষত্রিয়রাজাই ধর্মের পোষক এবং অধর্মের নাশক এবং ধর্মশক্তিও রাজঅনুগামী। এখনও তাহার প্রকৃষ্টপ্রমাণ পাওয়া যাইতেছে; অল্প সময়েই কেমন আমরা নিজেদের পিতৃপিতামহের নাম ভুলিতে বসিয়াছি, ইহা দেখিলেই রাজার শ্রেষ্ঠত্ব বুঝিতে পারি। সেই রাজধর্ম ব্রাহ্মণ্য-তপস্যার দ্বারা বর্ধিত হয়। ভগবান্ রামচন্দ্র বিশ্বামিত্র, ভরদ্বাজ ও সূতীক্ষ্ম-মুনির নিকট সেই শক্তিলাভ করেন; এবং ভগবান্ শ্রীকৃষ্ণ সান্দীপনি, এবং ছর্ষাসা মুনির নিকট প্রাপ্ত হন। ইহাই পুরাণাদির উক্তি সূতরাং শ্রেষ্ঠত্ব নিকৃষ্টত্বাদি ইহার দ্বারাই বিচার্য্য।

(২) শাস্ত্র এবং যুক্তিদ্বারা দেখান গিয়াছে যে সূত্র সূক্ষ্ম কারণ ত্রিবিধ দেহের পুষ্টি দ্বারা বা গুণ, কর্ম ও জ্ঞান তিনের সম্যকপুষ্টি দ্বারা এক বর্ণ অন্য বর্ণে উন্নত হয়, এবং বর্ণভেদ শুধু গুণগত নহে, জন্মগত; সূতরাং নীচবর্ণের কেহ কর্মে বা জ্ঞানে উন্নত হইলে পূর্ণত্ব লাভ করিতে পারিবেন না—যতক্ষণ না তিনি তপস্যার বলে তাঁহার দেহ পর্য্যন্ত প্রকৃতির ক্রিয়ার বাহিরে লইয়া যাইতে সমর্থ হন। ইহা প্রায় অসম্ভব; আম্র বৃক্ষে ফল ধরুক বা না ধরুক, বীজের গুণে আম্র ভিন্ন নিম্ন কোনও কালেই হইবে না,—যদি তাহার আমূলসংস্কার না

সম্ভব হয়। সূত্রাং ঐরূপ সাম্যবাদ স্বাভাবিক। এতদ্বিন্ন উহাতে সমাজস্থিতি একবারেই অসম্ভব। পারিবারিককলহ, পরস্পর হিংসাঘেব, নূতন সম্প্রদায়ের সৃষ্টি এবং পুরাতনের বিরোধ, অধিকারানুযায়ী কার্যাদি সমুদয় এককালে নষ্ট হইয়া যাইবে।

(৩) পূর্বে প্রমাণিত হইয়াছে যে গুণগত জাতিত্ব অসম্বন্ধপ্রমাণ এবং জীবন্তব্যভিচারের কারণ এবং সমাজে তাহা কোনরূপেই সম্ভব নহে সূত্রাং ঐরূপ শূদ্র ব্রাহ্মণ, বা ব্রাহ্মণ শূদ্র হইতে পারে না। কর্মগতহীনতা থাকিলে তজ্জন্ত সন্মান না থাকিতে পারে, কিন্তু জাতিগতউচ্চতার মৌলিকতা নষ্ট হইবে না। যেমন আশ্রমবৃক্ষ, কুল হইতে শ্রেষ্ঠ, ইহার মধ্যে একে ফলশূন্য হইলেও অপরের স্বজাতীয় হইবার কারণ কিছুই নাই। তাহাছাড়া একটা ব্যভিচার অথবা ব্যভিচারের দ্বারা নিবৃত্ত হয় না। হাতে বিষ্ঠা লাগিলে মূত্র দ্বারা শোধিত হয় না তাহার জন্ত পরিষ্কৃত জলের ব্যবহার প্রয়োজন হয়। তদ্রূপ সমাজে একজন কর্মে হীন হইলে তাহার কাণ ধরিয়া অন্ত-জাতিতে প্রেরণ করা যায় না এবং অন্তঃকরণেও কখন এইরূপ হয় নাই। কর্মের পার্থক্য দেখাইয়া অত্রিমুনি দশপ্রকার ব্রাহ্মণের উল্লেখ করিয়াছেন। যদি কাহারও উন্নতি অভীষিত হয়, তবে যাহাতে সেই কর্মগুলি শুদ্ধ হয় বা উচ্চদেহধারণের উপযুক্ত গুণলাভ হয় তন্নিমিত্ত চেষ্টাকরাই বুদ্ধিমানের কাজ।

বর্ণধর্ম সম্বন্ধে শাস্ত্র ও বুক্তি দ্বারা কতকটা আলোচনা করা গেল, এখন জ্ঞানশিক্ষার জন্ত শাস্ত্রকারব্রাহ্মণেরা যে সকলকেই সমান সুযোগ দিয়াছিলেন সে সম্বন্ধে কিছু বলা আবশ্যিক। যাহারা বলেন, বেদের বহু পরে পুরাণতন্ত্রাদির সৃষ্টি হইয়াছে, তাহাদের মত কতকাংশ সত্য হইলেও সম্পূর্ণ সত্য নহে। কারণ পুরাণাদি যে পূর্বেও বর্তমান

ছিল, তাহা উপনিষদাদি পাঠে অবগত হওয়া যায়। প্রমাণস্বরূপ ছান্দোগ্য উপনিষদের কিছু উল্লেখ করা যাইতেছে যথা—

‘অধীহি ভগব ইতি হোপসসাদ সনৎকুমারং নারদস্তং হোবাচ যদ্বৈথতেন মোপসীদ ততস্ত উর্কং বক্ষ্যামীতি’

এক সময়ে নারদঋষি মহাযোগী সনৎকুমারের নিকট উপস্থিত হইয়া বলিলেন,—“ভগবন্! অনুগ্রহ করিয়া আমাকে ব্রহ্মবিদ্যার উপদেশ করুন।” সনৎকুমার নারদের এই প্রার্থনা শুনিয়া বলিলেন,—“আচ্ছা তুমি কোন্ কোন্ বিষয় অবগত আছ তাহা আগে আমাকে জানাও তাহার পর তোমাকে উপদেশ দিতেছি।”

স হোবাচ ঋগ্বেদং ভগবোহধ্যোমি যজুর্বেদং সামবেদমাথর্বনং চতুর্থ-
মিতিহাসপুরাণং পঞ্চমবেদানাং বেদং পিত্র্যং রাশিং দৈবং নিধিঃ
বাকোবাক্যমেকায়নং বেদবিদ্যাং ব্রহ্মবিদ্যাং ভূতবিদ্যাং ক্ষত্রবিদ্যাং নক্ষত্র-
বিদ্যাং সর্ষজনবিদ্যামেতদুগবোহধ্যোমি। ২ সপ্তম অধ্যায়—

নারদ বলিলেন, ‘প্রভো! আমি ঋগ্বেদ, যজুর্বেদ, সামবেদ, অথর্ববেদ পঞ্চমবেদস্থানীয় ইতিহাস ও পুরাণসমূহ ব্যাকরণ, শ্রাদ্ধপদ্ধতি, গণিত বিদ্যা, ভূমিকম্প প্রভৃতি অমঙ্গলের কালনির্ণায়ক শাস্ত্র, পৃথিবীর নিরন্থিত রত্ননির্ণয়ের শাস্ত্র তর্কশাস্ত্র, বেদাঙ্গ পঞ্চভূত নির্ণায়ক শাস্ত্র, যজুর্বেদ, গারুড়তন্ত্র ইত্যাদি অধ্যয়ন করিয়াছি।’

ইহার মধ্যে পুরাণ ইতিহাসের বিষয়ও উল্লেখ আছে সুতরাং তৎ-
সময়েও ঐসব বিদ্যমান ছিল জানা যায়। তাহার পরিবর্তন হইয়াছে বা
কলির বিদ্যায় অনেক অসম্ভবপদার্থ প্রবিষ্ট হইয়াছে ইহাই প্রকৃত-
কথা। অধুনা ভারতধর্মমহামণ্ডল হইতে ‘দেবীমীমাংসা দর্শন’ নামে
একখানি নূতন দর্শনশাস্ত্রই আবিষ্কৃত হইয়াছে সুতরাং পূর্বেও এইরূপ
অনেক হইয়াছে তাহা স্বচ্ছন্দে বলিতে পারা যায়। বাহাই হউক, পুরাণ

তন্ত্র মধ্যে সমুদয় বৈদিক কর্ম ও জ্ঞানকাণ্ড সন্নিবেশিত আছে এবং সকলেরই তাহাতে সমান অধিকার দেওয়া হইয়াছে। যাহারা উপনিষদ, গীতা, পুরাণ ও তন্ত্র পাঠ করিয়াছেন তাহারা ইহার সাক্ষ্য দিতে পারেন যে, যাহা উপনিষদ তাহারই সার গীতা এবং উপনিষদের অদ্বৈত জ্ঞান ও উপাসনাপ্রণালী পুরাণতন্ত্রাদিতে সন্নিবিষ্ট হইয়াছে। বরং বৈদিক-মন্ত্রাদির সাধনপ্রণালী যতই দূরূহ, পুরাণ তন্ত্রাদির সাধনপ্রণালী ততই সুগম। সমস্ত বঙ্গদেশে বৈদিকআচারযুক্ত কর্তী ব্রাহ্মণ দেখিতে পাওয়া যায়? সকলেই তন্ত্রের মন্ত্রাদিতে দীক্ষিত, সমস্ত যোগপ্রণালী তন্ত্র শাস্ত্রানুগোদিত। প্রতিপূজারস্তেই ভূতগুহি দ্বারা অদ্বৈতবাদের সার্থকতা সম্পাদন করা হয়। স্বীয় হৃদয় হইতে দেবতাকে আবাহন করিয়া সম্মুখ-বর্তী কোন আধারে স্থাপিত করা হয় এবং গুনরায় নিজদেহে স্থাপন করা হয়; সুতরাং তন্ত্রাদিতে অধিকার থাকা সত্ত্বেও ব্রাহ্মণ কাহাকেও কিছু শিক্ষা দেয় নাই, একরূপ বলা ভয়ানকেষু বুদ্ধি ও ধৃষ্টতার পরিচায়ক এবং ইহা পাশ্চাত্য জাতি কর্তৃক আবিষ্কৃত হিন্দুজাতি নষ্ট করিবার, হিন্দু-শক্তি ছিন্ন ভিন্ন করিবার জন্য ভীষণ ভেদনীতি—বাহার ফলে দেশ আজ তাঁববেগে ধ্বংসের মুখে ছুটিয়া যাইতেছে। বৈদিক মন্ত্র উচ্চারণ না করিয়া, আজীবনকাল ভীষণ কঠোরতার নিষ্পেষিত না হইয়া, আহারনিদ্রাদি সংযমের পরাকাষ্ঠা না করিয়া যদি সুলভে মন্ত্রশক্তিসাহায্যে বা যৌগিক ক্রিয়ার দ্বারা ব্রহ্মজ্ঞানলাভ করা যায় তাহাই কি বাঞ্ছনীয় নহে? বরং ইহাতে ব্রাহ্মণজাতির পরজাতিনিষ্পেষণবুদ্ধি দেখিতে পাওয়া যায় না, কিন্তু সূক্ষ্ম বিচারশক্তি এবং অধিকারিনির্গয়ের অপূর্বপ্রতিভাই পরিলক্ষিত হয়।

তান্ত্রিকমন্ত্রের দ্বারা যাহা সিদ্ধ হয়, তাহাকি কেহ জ্ঞাত আছেন বা তাহা সিদ্ধ করিবারই ক্ষমতা কাহারও আছে? যদি থাকিত, তবে কেহই

এইরূপ অসম্বন্ধ প্রলাপ বকিতেন না যে, দেবতাবিশ্বাস করিবার প্রয়োজন আদৌ নাই, মন্ত্র কিছুই নহে ইত্যাদি।

তন্ত্রশাস্ত্রের প্রতিপাদ্য যদি ব্রহ্মজ্ঞান হয় এবং সমুদয় কর্মকাণ্ড যদি তাহাতে লক্ষিত হয়, তবে আর ব্রাহ্মণের অত্যাচার না বলিয়া বালকের প্রতি মাতার স্নেহ বলিলেই ভাল হইবে অথবা পরমহংসদেবের কথায় বলিলেই হইবে ‘যাহার বা পেটে সয়, মা তাহার জন্ত তাহারই ব্যবস্থা করেন’ ইহাই মাতার মাতৃত্ব। এখন দুটি জিনিষের রাজস্ব সমাজে চলিতেছে। একটা যোগ ও অপরটি ব্রহ্মজ্ঞান—একটা সিদ্ধগুরু আমদানি করিয়া তাহার রূপায় সিদ্ধযোগ অবলম্বন করা, অপরটি ব্রহ্মজ্ঞানী সর্বভূতে সমভক্ষণকারী মহাত্মার রূপায় ব্রহ্মজ্ঞান লাভ করা ইহাই বর্তমানকালের আবহাওয়া। ইহা যে কতটা অর্থোক্তিক তাহা তন্ত্রশাস্ত্র আলোচনায় দেখান যাইতেছে। কারণ, তন্ত্রের নাম লইয়াই যত অনাচার এবং ব্রহ্মজ্ঞানের ছড়াছড়ি হইয়াছে। তাই উহার প্রকৃততত্ত্ব জানিতে পারিলেই সর্বপ্রকার সন্দেহ এককালে দূরীভূত হইবে। শূদ্রের উপর অথবা অত্যাচার হয় নাই তাহাও বুঝা যাইবে ও ব্রহ্মজ্ঞানের ফলে নিরাকার সগুণব্রহ্মবাদী হইবার সম্ভাবনাও থাকিবে না।

পঞ্চম অধ্যায় ।

জ্ঞান, জ্ঞেয় ও জ্ঞাতা এই তিনতত্ত্বই সমুদয়সাধনার ভিত্তি এবং ত্রিতত্ত্বজ্ঞানেই তাহার পরিসমাপ্তি । ইহার মধ্যে জ্ঞাতা কর্তা, জ্ঞেয়কর্ম্ম এবং জ্ঞান করণ । জ্ঞাতা আমি বা জীব, জ্ঞেয় ব্রহ্ম বা শিব, জ্ঞান তাহার নিমিত্ত নানা প্রকার সাধন । আমি বা জীব সুখদুঃখভোগী সংসারী, ব্রহ্ম বা শিব নিরাকার নিগুণ বা সাকার সগুণ ; জ্ঞান শৈব বৈষ্ণবাদি নানা প্রকার পথ ।

বৈদিকমতানুযায়ী অবিপ্লুতব্রহ্মচর্য্য, কঠোর সংযম ইত্যাদি দ্বারা গুরুগৃহে বাসকরতঃ জ্ঞান অর্জন করিতে হয়, বর্তমানে তাহা নাই । পৌরাণিক বা তান্ত্রিক মন্ত্রে—যজ্ঞাদির সহায়তার সগুণব্রহ্মরূপে তাঁহার উপাসনা এবং চরমে নিগুণে অবস্থিতি করা যায় ।

বর্তমানে আরও অন্যান্য মতে জ্ঞানলব্ধ হয় শুনা যায় । সমুদয় বৈদিক বা তান্ত্রিকমত শুদ্ধ নহে, তজ্জন্তু নিরাকার সগুণ ঈশ্বরের নিকট প্রার্থনা করাই একমাত্র পন্থা বলিয়া তাঁহারা আবিষ্কার করিয়াছেন । তাহার প্রমাণস্বরূপ তাঁহারা শাস্ত্র হইতে বলেন—

“চিন্ময়শ্চাপ্রমেয়শ্চ নিষ্কলশ্চাশরীরিণঃ ।

সাধকানাং হিতার্থায় ব্রহ্মণোরূপকল্পনা ॥”

অর্থাৎ “চিন্ময়, অপ্রেমেয়, নিষ্কল, অশরীরী ব্রহ্মের রূপ সাধকের হিতের নিমিত্ত কল্পিত হইয়াছে ।” উহার বাস্তব কোন সত্তা নাই । অপরপক্ষ বলেন উহা ব্রহ্মেরই কল্পিত এবং তিনি সাধকের নিমিত্ত কল্পনা করিয়াছেন ।

ব্রহ্মের স্বরূপদর্শী শাস্ত্র বলিয়াছেন—রূপাদিকল্পনা সাধকের হিতের নিমিত্ত ব্রহ্মই করিয়াছিলেন। ‘সাধকানাং’ এই শব্দে ষষ্ঠীর বহুবচন নির্দিষ্ট আছে, এখানে উহাকে কর্তা মাজাইয়া রূপকল্পনার সহিত অন্বয় করা হইয়াছে, ইহাতেই এত ভ্রান্তি। সাধকানাং শব্দ সম্বন্ধে ষষ্ঠী এবং হিতার্থীয় এই পদের সহিত তাহার অন্বয় হইবে এবং ব্রহ্মণশব্দের উত্তর যে ষষ্ঠী আছে তাহাই কর্তায় ষষ্ঠী এবং রূপকল্পনা এই পদের সহিত তাহার অন্বয়।

যদি বলা যায় অর্থ যখন উভয়প্রকারেই করা যায়, তখন তোমার কথা মানিব কেন? তাহার উত্তর শুনিলেই ভ্রম কোথায়, তাহা বাহির হইয়া পড়িবে। যে শ্লোকটির অর্থ লইয়া এত অশান্তি, তাহা কুলার্ণবতন্ত্রে সাকারউপাসনা উপলক্ষেই লিখিত আছে। বিজাতীয় শিক্ষার গুণে প্রক্ষিপ্তবাদ মজ্জাগত হইয়া পড়ায় এইরূপ বুদ্ধিবিপর্যয় হইতেছে।

(১) যদি ঐ শ্লোকের অর্থ বিপরীত করা যায় অর্থাৎ মানুষ রূপকল্পনা করিয়াছে, দেবতা নাই বলা যায়, তবে তাহা শাস্ত্রের বিপরীত হয়।

(২) সাধকগণ নিজ নিজ ইচ্ছা অনুসারে রূপ কল্পনা করিয়া লইলে অসংখ্য মূর্তির উল্লেখ হওয়া উচিত, কারণ অসংখ্যপ্রকার কল্পনা হইবে এবং যদি সেই সমুদয় সাধনায় সিদ্ধিলাভ করা বাঞ্ছিত হয় তাহা হইলে শাস্ত্রে অসংখ্য উপাস্ত্র মূর্তির ধ্যান ও মন্ত্রাদি লেখা উচিত ছিল।

(৩) মূর্তি কল্পনা যদি আপন আপন অভিপ্রায় অনুযায়ী হয় তাহা হইলে মন্ত্রাদি উপাসনাপ্রণালীও আমার ইচ্ছানুযায়ী কেন হইবে না?

(৪) নিজের ইচ্ছামত আমি যাহা কল্পনা করিব, তাহাতেই ঈশ্বর আবিভূত হইবেন ইহা সম্ভব হইলে তাঁহার স্বতন্ত্রতা কোথায়?

(৫) আমার ইচ্ছানুযায়ী হইলে সময়াদিনির্ধারণ আমি নিজেই করিতে পারি সুতরাং শাস্ত্রের প্রয়োজন নাই।

(৬) আমার শক্তিদ্বারাই যদি মন্ত্রশক্তি পরিচালিত হয় তবে অগ্র উপায়েই তাহা করা সম্ভব হইতে পারে ।

(৭) নিজের কল্পনাদ্বারাই যদি কার্য সিদ্ধ হয় তবে গুরুকরণের প্রয়োজনীয়তা নাই ।

(৮) জীবের এমন কি শক্তি আছে যদ্বারা শাস্ত্রীয়সহায়তা-ব্যতিরেকেই সে সিদ্ধ হইতে পারে ?

(৯) এরূপ সিদ্ধিলাভ কেহ কখনও কাহারও দেখিয়াছেন অথবা শুনিয়াছেন কি ? অর্থাৎ কি বিশ্বাসে মানুষ সেই পথে অগ্রসর হইবে ?

(১০) এরূপ সিদ্ধিলাভ করিতে যদি কোন বিপদ আসে তাহার জন্ম দায়ী কে ?

(১১) কত কালে এই সিদ্ধিলাভ হইবে তাহার নিশ্চয় কি ?

(১২) মনোময়ীসিদ্ধির জন্ম শাস্ত্রের সহায়তা লইবার প্রয়োজন কি ?

এই সমুদয় প্রশ্নের মীমাংসা করা চাই, নতুবা এরূপ কদর্থ স্বীকৃত হইবে না। বোধোদয়কার লিখিলেন ‘ঈশ্বর নিরাকার চৈতন্য স্বরূপ,’ অমনি সমুদয় অবোধেরা বুঝিলেন ঈশ্বর ভঙ্গুপ। ব্রহ্মও ঈশ্বর স্বরূপতঃ এক হইলেও কার্যতঃ এক নহেন। কারণ ব্রহ্ম নিগুণ, ঈশ্বর সগুণ ষড়ৈশ্বর্যশালী ; ব্রহ্ম নিরাকার নিষ্ক্রিয়, ঈশ্বর সাকার সৃষ্টিস্থিতি-সংহার-কর্তারূপে বিরাজমান। কিন্তু কালধর্ম্মে সকলেই নিরাকার সগুণ ঈশ্বর ভজনে পটু হইয়াছেন। শাস্ত্রীয় ঈশ্বর নিরাকার হইতে পারেন না কারণ তাঁহার ঐশ্বর্য রহিয়াছে সুতরাং তিনি নিগুণ নিরাকার হইবেন কি প্রকারে ? অভিমানরূপ কর্তৃত্ব না থাকিলে কোন ব্যাপার তাঁহা দ্বারা সম্পাদিত হয় না। আর অভিমান স্বীকার করিলেই তাঁহার মন বা অন্তঃকরণ আছে স্বীকার করিতে হইবে ; অন্তঃকরণ দেহ ব্যতিরেকে সিদ্ধ হয় না, সুতরাং ঈশ্বরের দেহ আছে স্বীকার করিতে হয়। তাই তিনি

সাকার। তিনি যদি সাকার না হন তাহা হইলে সাকার আসিল কোথা হইতে? বলিতে পার সাকার হইলেই তিনি বদ্ধ হইলেন, ক্ষুদ্র দেহ দ্বারা তাঁহার অনন্তত্ব, সর্বজ্ঞত্ব ধর্ম নিশ্চয়ই ব্যাহত হইল সুতরাং তিনি সাধারণ জীব হইলেন। বাস্তবিকই কি তাহাই? তাহা নহে, কারণ সাধারণ দেহধারী ত্রৈলোক্যস্বামী, ভাস্করানন্দ প্রভৃতি যোগীগণের যে ক্ষমতা লোকে প্রত্যক্ষ করিয়াছে তাহাত উপকথা নহে। যদি তাঁহাদেরই ঐরূপ শক্তি এই ক্ষুদ্র দেহদ্বারা অর্জিত হইতে পারে, তবে সর্বজ্ঞ সর্বশক্তিমানের পক্ষে ইহা কি অসম্ভব! ষাঁহার প্রসাদে জীব সর্বশক্তি ধারণ করিতে পারে, ত্রিগুণের পারে যাইয়া নিগুণ ব্রহ্মতত্ত্বে লীন হইতে পারে, তিনি কি স্বয়ং স্বেচ্ছাক্রমে শরীর ধারণ করিতে পারেন না? তিনি কি মায়ার সর্ববিধ শক্তি আয়ত্ত রাখিয়া দেহ ধারণ করিতে পারেন না? তাহা যদি না পারেন তবে তাঁহাকে সর্বশক্তিমান্ বলার কি প্রয়োজন তাহা আমাদের ধারণার অতীত।

শাস্ত্র বলিয়াছেন—“যৎপাদপঙ্কজপরাগনিষেবতৃপ্তাঃ

যোগপ্রভাববিধূতাখিলকর্মবন্ধাঃ।

স্বৈরং চরন্তি মুনরোপি ন নহ্মানা

স্তশ্চেচ্ছয়ান্তবপুষা কুত এব বন্ধঃ ॥” ভাগবত

“ষাঁহার চরণ কমলোখিত ধূলি সেবনে তৃপ্ত হইয়া এবং যোগপ্রভাবে অখিল কর্ম বন্ধন ত্যাগ করিয়া মুনিগণ স্বচ্ছন্দাচারী হন তাঁহার পক্ষে স্বেচ্ছায় শরীর ধারণ করিলে বন্ধের সম্ভাবনা কোথায়?”

এই অলৌকিকত্ব তাঁহাতে আছে তাই তিনি ঈশ্বর, নতুবা সাধারণ জীবে ও ঈশ্বরে পার্থক্য কোথায়? যদি ঈশ্বর্য না থাকে তবে ঈশ্বর

কাঁহাকে বলে ? শুধু মাধুর্য্য থাকিলে তাঁহাকে ঈশ্বর না বলাই ভাল, নতুবা অনর্থক শব্দ ব্যবহার হইয়া পড়ে । তাঁহাতে নিরতিশয় ঈশ্বর্য্য স্বতঃসিদ্ধ আছে, তাই তিনি ঈশ্বর ।

যথা—“অনিমা মহিমা মূর্ত্তে লঘিমা প্রাপ্তিরিন্দ্রিয়ৈঃ ।

প্রোকাম্যং শ্রুত-দৃষ্টেষু শক্তিপ্রেরণমীশিতা ॥

শুণেষসঙ্গে বশিতা যৎকাম স্তদবশ্বতি ।

এতা মে সিদ্ধয়ঃ সৌম্য অষ্টৌ চৌৎপত্তিকীর্ষতাঃ ॥ ভাগবত

“অনিমা (অণুত্ব), মহিমা (মহত্ব), লঘিমা (লঘুত্ব), প্রাপ্তি (ইন্দ্রিয়রূপে সর্বজীবের জ্ঞান রূপী), প্রোকাম্য (শ্রুত এবং দৃষ্ট সমস্ত বিষয়ের ভোগ), ঈশিতা (শক্তি প্রেরণ), বশিতা (ত্রিশুণে নির্লিপ্ততা), কামাবসায়িতা (কামনামাত্রই তাহার সিদ্ধি) এই আটটি ঈশ্বর্য্য বাঁহাতে আছে তিনি কি নিরাকার নিশ্চয়—এ ঠিক কাঁঠালের আমসদৃ নহে কি ?”

ভগবদ্গীতা বলেন—“অবজানন্তি মাং মূঢ়া মানুষীং তনুমাশ্রিতম্ ।

পরংভাবমজানন্তো মম ভূতমহেশ্বরম্ ॥”

“মানুষ দেহধারী আমার পরম ভাব না জানিয়া মূঢ়গণ সর্বভূত মহেশ্বর আমাকে অবজ্ঞা করে ।” বেদান্তমতেও এই ঈশ্বর তত্ত্ব স্বীকৃত হইয়াছে । বাঁহারা বলেন বেদান্তে ঈশ্বর স্বরূপ কিছু বর্ণিত হয় নাই, তাঁহাদের বোধ-হেতু তাহা উল্লেখ করা বাইতেছে ।

“চিদানন্দময়ব্রহ্মপ্রতিবিশ্বসমস্থিতা ।

তমোরজঃসৎসুগা প্রকৃতি ষ্টিবিধা চ সা ॥

স্বপ্নশূন্যবিশুদ্ধিত্যাং মায়াবিদ্যে চ তে মতে ।

মায়াবিদ্য বশীকৃত্য তাং শ্রাং সর্বজ্ঞে ঈশ্বরঃ ।

অবিদ্যাবশগন্তস্ত স্তৈচিত্র্যাদনেকধা ॥” পঞ্চদশী

“স্বপ্ন-রজ-স্তমো'গুণময়ী প্রকৃতি দ্বিবিধা, মায়া এবং অবিদ্যা । বিশুদ্ধ স্বপ্নগুণময়ী প্রকৃতি মায়া নামে অভিহিত এবং অশুদ্ধ স্বপ্নগুণময়ী অবিদ্যা নামে অভিহিত । মায়ার স্বরূপ এক সূত্রাং তাহাতে প্রতিফলিত চিত্ত এক, তিনি ঈশ্বর নামে অভিহিত এবং অনেকরূপে বিভক্ত অবিদ্যাতে প্রতিফলিত চিত্ত বহু জীব নামে অভিহিত । ঈশ্বর মায়া বশীভূত করিয়া মায়ার সাহায্যে অঘটন ঘটন করিতেছেন এবং জীব অবিদ্যার বশীভূত হইয়া মায়ার অধীন হইয়া পড়িয়াছে ।”

এইত বেদান্তের কথা, তাহাতেও বিশ্বাস নাই বা বুঝিবার সামর্থ্য নাই । তাহা হইলে তুমি যে বল, ‘নিরাকার ঈশ্বর আমাকে সৃষ্টি করিয়াছেন, আমার উপরে তাঁহার অনন্ত দয়া’ । আমি বলিব তোমার বাক্যের প্রমাণ কি ? বরং তোমার কথার বিরুদ্ধে যতগুলি বলিতে পারি আগে তাহার উত্তর দাও । ঈশ্বর এজগৎ কেন সৃষ্টি করিলেন ? তোমাকে আমাকে বা ব্রহ্মাণ্ড সৃষ্টি করার তাহার স্বার্থ কি ? এই প্রশ্নের উত্তর দিতে তোমার সমুদয় মত বুদ্ধি বিভ্রান্ত হইয়া পড়িবে তাইরে নারে ভিন্ন আর উপায় থাকিবে না । কোন উত্তর দিতে না পারিলেই হয় তোমাকে নাস্তিক হইতে হইবে, নতুবা বলিতে হইবে তিনি কোন স্বার্থসিদ্ধির নিমিত্ত এই জগৎ সৃষ্টি করিয়াছেন । যদি স্বার্থসিদ্ধি স্বীকার কর তবে ‘স্ব’ থাকিলেই ‘পর’ আছে সূত্রাং সৃষ্টির পূর্বেই কতকগুলি ‘পর’ ছিল সেই ‘পর’ গুলি কাহার ? আর যদি পর থাকে তবে তিনি অদ্বিতীয় এক হইলেন কিরূপে ? আর সেই পরকেই বা কে সৃষ্টি করিল ? তাহা

হইলে আর একজন সৃষ্টিকর্তা চাই। যদি তিনি নিজেই করিয়া থাকেন তাহা হইলে তিনি এরূপ নির্বোধের গ্ৰায় একটা শত্রু (সয়তান) করিলেন কি প্রকারে? তাঁহার সৃষ্টি করারই বা কি স্বার্থ ছিল? তিনি যদি নিঃস্বার্থ কর্তা হন তবে আমাদেরকে এত স্বার্থপরের গ্ৰায় সৃষ্টি করিলেন কেন? তাঁহার স্বার্থ বা নিঃস্বার্থ ঘাই থাকুক না কেন, আমি এত যজ্ঞায় মরি কেন? তিনি কি শক্তিমান বনিয়া আমার উপর এত অত্যাচার? তাই যদি হয়, তবে তাঁহার গ্ৰায়পরায়ণতা কোথায়? তিনি যদি পরম দয়াল প্রেমময়, তবে আমি এত যজ্ঞা পাই কেন? যদি কর্মের ফল হয়, তবে আমাকে এ কর্মের প্রবৃত্তি দিল কে? সকলের কর্তা হইলেন তিনি, কক্ষা গাছ হইতে পড়িল নাকি? সেও তাঁহারই দয়া যাহার ফলে আমি কুপথে ঘাই আর তিনি বলেন—‘ঘাও কেন’? এইবার তোমার কি কি যুক্তি আছে বাহির কর এবং দৃষ্টান্ত দ্বারা আমার এইগুলি খণ্ডন কর; যদি তাহা না পার তবে লৌকিক দৃষ্টিদ্বারা এবং দৃষ্টান্ত লইয়া তাঁহাকে ওজন করার চেষ্টা কেন? এবং সেই দৃষ্টান্ত সহায়তার তিনি অনন্ত অপরিসীম সূতরাং সীমাবদ্ধ বস্তুর মধ্যে ঘাইতে পারেন না এরূপ বল কেন? তুমি যদি দৃষ্টান্ত দিতে না পারিয়া নিরাকারের স্বন্ধে এতগুলি গুণ আরোপ করিতে পার তবে সাকার স্বীকার করিতে তোমার এত আপত্তি কেন? ক্ষুদ্র আধারে বৃহৎ আধেয় তোমার মতে থাকে না; তবে যেখানে আধার একেবারেই নাই, তাহার স্বন্ধে তোমার বিদ্যা প্রকাশের সুযোগ পাইল কি প্রকারে?

শাস্ত্র বলেন—“অপানিপাদো জবনগ্রহীতা।

পশ্চাত্যচক্ষুঃ স শৃণোত্যকর্ণঃ ॥

স বেত্তি বিশ্বং নহি তশ্চ বেত্তা।

তমাছরাণ্ডং পুরুষং প্রধানম ॥”

“পাণি হীন হইয়াও তিনি শীঘ্র গ্রহণকারী, পাদবিহীন হইয়াও অতি দ্রুতগামী, চক্ষুহীন হইয়াও তিনি দেখিতেছেন, কর্ণহীন হইয়াও তিনি শ্রবণ করিতেছেন, তিনি বিশ্বের সমুদয়ই জানেন কিন্তু তাঁহাকে কেহই জানে না। তাঁহাকেই শাস্ত্র আদি এবং প্রধান পুরুষ বলিয়া কীর্তন করেন।”

ইহা দ্বারা কি ইহাই বুঝিলে যে তিনি চক্ষু না থাকিলেও দর্শন করেন, কর্ণ না থাকিলেও শ্রবণ করেন? তবে ত বিষ্ণুর দৌড় বুঝিতে পারা গেল। কারণ, করণ ভিন্ন ক্রিয়া কেহ কখনও দেখিয়াছে কি? কারণ নাই তাহার কার্য আছে এ যে বক্ষ্যাপ্তের ঞ্চার অসৎ অর্থাৎ যদি কেহ বলে আমার মাতা বক্ষ্যা তাহা হইলে লোকে তাহাকে পাগল ভিন্ন আর কি বলে? সুতরাং এইরূপ অসম্বন্ধ প্রমাণ বুদ্ধিমানের উক্তি নহে। ঐ শ্লোকের অর্থ উহা নহে। যাহাদের চক্ষু কর্ণ আছে তাহারাই উহার অর্থ ঐরূপ বুঝিতে পারে কিন্তু তিনি যে দেশ কালের অতীত এবং জগতের জ্ঞাতা, এখানে তাঁহাকে বেত্তা বলা হইয়াছে। তাহার চক্ষু না থাকিলেও তিনি দেখিতে পান ইত্যাদি বলা উদ্দেশ্য হইলে ‘নহি তস্য দ্রষ্টা’ ‘নহি তস্য শ্রোতা’ ইত্যাদি বলিতেন কিন্তু সর্বশেষে নহি তস্য বেত্তা বলায় ইহাই বুঝা গেল যে ইন্দ্রিয়প্রত্যক্ষ দ্বারা তোমার আমার যে জ্ঞান জন্মে সেই ইন্দ্রিয়গুলি না থাকিলেও তাঁহার সমুদয় জ্ঞান নিত্য বিরাজিত রহিয়াছে। তজ্জগুই তাঁহার জ্ঞাতা কেহ নাই ইহাই বলা হইয়াছে। তিনি সকলকে জানেন, তাঁহাকে কেহ জানিতে পারে না ইহাই এ শ্লোকের তাৎপর্য; নতুবা চক্ষু না থাকিলেও দর্শন করেন ইহার অর্থ কিছুই হয় না।

যদি বল পরিচ্ছিন্ন আকারে অনন্ত শক্তি থাকিতে পারে না তাহা দ্বারা কি বুঝিব? আমি তাঁহার যতটুকু আকৃতি দিই বা যে ক্ষুদ্র চক্ষু দিই তাহা তোমার অভিপ্রেত নহে; তুমি তাহা অপেক্ষা অনেক বড় আকৃতি দিতে চাও তাঁহাকে অনেক বড় দেখিতে চাও; তাহা হইলে আমা

অপেক্ষা তোমাকে আরও বড় সাকারবাদী বলিব। তোমার বাসনাও আগ্রহ আরও বলবৎ। এই বলবতী আকাঙ্ক্ষা পূরণের জন্মই ভক্ত ব্যাকুল হইয়া প্রার্থনা করায় ভগবান্ শ্রীকৃষ্ণ বিশ্বমূর্তিতে দেখা দিয়াছিলেন যথা—

অর্জুন উবাচ—

“এবমেতদ্ যথাথ ভূমাঙ্গানং পরমেশ্বর।
 দ্রষ্টুমিচ্ছামি তে রূপমৈশ্বরং পুরুষোত্তম ॥
 মন্যসে যদি তচ্ছক্যং ময়া দ্রষ্টুমিতিপ্রভো।
 যোগেশ্বর ততো মে হং দর্শয়ান্নানমব্যয়ম্ ॥”

ভগবান্ উবাচ—

“নতু মাং শক্যসে দ্রষ্টুমনেনৈব স্বচক্ষুযা।
 দিব্যং দদামি তে চক্ষুঃ পশ্য মে যোগমৈশ্বরম্ ॥”

সঞ্জয় উবাচ—

“এবমুক্ত্বা ততো রাজন্ মহাযোগেশ্বরো হরিঃ।
 দর্শয়ামাস পার্থায় পরমং রূপমৈশ্বরম্ ॥”

অর্জুন বলিলেন—“হে ভগবন্! তুমি তোমার স্বরূপ যাহা বলিলে সবই সত্য। তোমার সেই পরম বিভূতিময় রূপ দর্শন করিতে ইচ্ছা করি; সুতরাং যদি আমাকে উপযুক্ত মনে কর তবে হে যোগেশ্বর! তোমার সেই উত্তম আত্মস্বরূপ একবার আমাকে দেখাও।”

ভগবান্ বলিলেন—“তোমার এই স্বচক্ষু (সুলচক্ষু) তাদৃশ রূপ দর্শন করিতে অসমর্থ সুতরাং তোমাকে দিব্য চক্ষু প্রদান করিতেছি, আমার যোগেশ্বর্য্য দর্শন কর। এই বলিয়া মহাযোগেশ্বর হরি তাহাকে পরম ঈশ্বর-রূপ দর্শন করাইলেন।”

ভক্তের প্রতি তিনি করুণাপরবশ হইয়া অনেক স্থানে তাঁহার বিশ্বরূপ দর্শন করাইয়া ছিলেন। এখন যদি তাঁহার বিরাট বিশ্বরূপের কেহ দর্শন করিতে ইচ্ছা করেন তিনিও তাহাতে সমর্থ হন এবং হইতেছেন সুতরাং আধার আধেয় লইয়া এত বুদ্ধি বিলম্ব কেন? জড়জগতের বেত্তা বৈজ্ঞানিকগণও প্রমাণিত করিয়া ফেলিলেন যে একবিন্দু ধূলিকণার ভিতরে অনন্ত অসীম শক্তি বিद्यমান রহিয়াছে যদ্বারা জগতের ধ্বংস বা উৎপত্তি সম্ভব হয় আর তাঁহাদেরই বিদ্যার উদ্ভাস হইয়া তোমরা বিশ্বাস করিতে পার না, ইহা বড়ই পরিতাপের বিষয়।

একটী গল্প মনে পড়িয়া গেল। এক অর্থলোভী গুরু একজন দস্যুকে মন্ত্র দিলেন, বলিলেন “গুরুরেব সদাগতিঃ” এই মন্ত্র জপ করিতে থাক। গুরুর আশা এই যে ইহার অর্থ বোধ হইলেই তাঁহার অভীষ্ট সিদ্ধি হইবে এবং তাঁহাকে বধেষ্ট অর্থ দিবে। সুতরাং তিনি মধ্য মধ্য শিষ্যের কুশলাদি জানিতে আসিতেন একদিন দেখিলেন গুণধর শিষ্য স্বীয় দস্যু-বৃত্তির ফলে এক অভিনব অর্থ আবিষ্কার করিয়াছে। ‘গুরুরেব সদাগতিঃ স্থলে গুরুরে, বস, দাগতিঃ এইরূপ পদ ব্যবচ্ছেদ করিয়াছে। গুনিয়াই গুরুদেব দাগতির ভয়ে তথা হইতে উর্দ্ধ্বাসে পলায়ন করিলেন। আমাদের শাস্ত্রকারদিগের দুর্দশাও প্রায় তাহাই। মুদ্রাঘনের বাহুল্যে অসংখ্যমীর হাতে শাস্ত্র পড়িয়া কি ভীষণ দুর্দশা হইয়া পড়িয়াছে তাহার প্রমাণ দেখাইতেছি—

তন্ত্রচতুর্দশোল্লাস—মহানির্বাণ

শ্রীদেব্যুবাচ—

“যত্নকস্মাদেবতানাং পূজাবাধো ভবেদ্ বিভো।

বিধেয়ং তত্র কিং ভক্তৈস্তন্যে কথং তদ্বৃতঃ ॥ ২৫ ॥

অপূজনীয়াঃ কৈর্দোষৈ ভবেয়ুর্দেবমূর্তয়ঃ ।

ত্যাগ্যা বা কেন দোষেণ তদুপায়শ্চ ভণ্যতাম্ ॥ ৯৬

শ্রীসদাশিব উবাচ—

“একাহমর্চনাবাদে দ্বিগুণং দেবমর্চয়েৎ ।

দিনদ্বয়ে তদ্বিগুণং তদ্বিগুণ্যং দিনত্রয়ে ॥ ৯৭

ততঃ ষণ্মাসপর্য্যন্তং যদি পূজা ন সম্ভবেৎ ॥

তদাষ্টকলসৈর্দেবং স্নাপয়িত্বা যজেৎসুধীঃ ॥ ৯৮

ষণ্মাসাৎ পরতো দেবং প্রাক্‌সংস্কার-বিধানতঃ ।

পুনঃ সুসংস্কৃতং কৃৎস্বা পূজয়েৎ সাধকাগ্রণীঃ ॥ ৯৯

খণ্ডিতং স্ফুটিতং ব্যঙ্গং সংস্পৃষ্টং কুর্ছরোগিনা ।

পতিতং ছষ্টভূম্যাদৌ ন দেবং পূজয়েদ্‌ বুধঃ ॥ ১০০

হীনাঙ্গং স্ফুটিতং ভগ্নং দেবং তোয়ে বিসর্জয়েৎ ।

স্পর্শাদিদোষদুষ্টৈস্তং সংস্কৃত্য পুনরর্চেয়েৎ ॥ ১০১

মহাপীঠে ত্‌নাদিলিঙ্গে সর্বদোষবিবর্জিতে ।

সর্বদা পূজয়েত্তত্র স্বং স্বমিষ্টং সুখাপ্তয়ে ॥ ১০২

বদ্‌ যৎ পৃষ্টং মহামায়ে নৃণাং কৰ্ম্মানুজীবিনাম্ ।

নিঃশ্রেয়সায় তৎসর্বং সবিশেষং প্রকীৰ্ত্তিতম্ ॥ ১০৩

বিনাকৰ্ম্ম ন তিষ্ঠন্তি ক্ষণাঙ্কমপি দেহিনঃ ।

অনিচ্ছন্তোহপি বিবশাঃ কৃষ্যন্তে কৰ্ম্মবায়ুনা ॥ ১০৪

কৰ্ম্মণা সুখমশ্ৰন্তি দুঃখমশ্ৰন্তি কৰ্ম্মণা ।

জায়ন্তে চ প্রলীয়ন্তে বর্তন্তে কৰ্ম্মণো বশাৎ ॥ ১০৫

অতো বহুবিধং কৰ্ম্ম কথিতম্‌ সাধনাস্থিতম্ ।

প্রবৃত্তয়েহ্ন্নবোধানাং দুশ্চেষ্টিত-নিবৃত্তয়ে ॥ ১০৬

যতো হি কৰ্ম্ব দ্বিবিধং শুভঞ্চাশুভমেবচ ।
 অশুভাৎ কৰ্ম্বণো যান্তি প্রাণিন স্তীৰযাতনাম্ ॥ ১০৭
 কৰ্ম্বণোহপি শুভাদেবি ফলেধানক্ৰুচেতসঃ ।
 প্রেযান্ত্যায়ান্ত্যমুদ্রেত কৰ্ম্বশৃঙ্খলযন্তিতাঃ ॥ ১০৮
 যাবন্ন ক্ষীয়তে কৰ্ম্ব শুভং বাশুভমেব বা ।
 তাবন্ন জায়তে মোক্ষো নৃণাং কল্পশতৈরপি ॥ ১০৯
 যথা লৌহময়ৈঃ পাঠৈঃ পাঠৈঃ স্বৰ্ণময়ৈরপি ।
 তথা বন্ধো ভবেজ্জীবঃ কৰ্ম্বভিশ্চাশুভৈঃ শুভৈঃ ॥ ১১০
 কুৰ্ব্বাণঃ সততং কৰ্ম্ব কৃত্বা কষ্টশতাত্ৰপি ।
 তাবন্ন লভতে মোক্ষং যাবজ্ জ্ঞানং ন বিন্দতি ॥ ১১১
 জ্ঞানং তদ্বিচাৰেণ নিষ্কামেনাপি কৰ্ম্বণা ।
 জায়তে ক্ষীণতমসাং বিদুষাং নিশ্ৰলাত্মনাম্ ॥ ১১২
 ব্রহ্মাদিতৃণপর্যন্তং মায়য়া কল্পিতং জগৎ ।
 সত্যমেকং পরং ব্রহ্ম বিদিত্বৈবং সূৰ্যী ভবেৎ ॥ ১১৩
 বিহায় নাম রূপাণি সত্যে ব্রহ্মণি নিশ্চলে ।
 পরিনিষ্ঠিততত্ত্বো যঃ স মুক্তঃ কৰ্ম্ববন্ধনাৎ ॥ ১১৪
 ন মুক্তিঞ্জ পনাক্ষোমাহুপবাসশতৈরপি ।
 ব্রহ্মৈবাহমিতি জ্ঞাত্বা মুক্তো ভবতি দেহভূৎ ॥ ১১৫
 আত্মা সাক্ষী বিভূঃ পূৰ্ণঃ সত্যোহ্বৈতঃ পরাৎ পরঃ ।
 দেহস্থোহপি ন দেহস্থো জ্ঞাত্বৈনং মুক্তিভাগ্ভবেৎ ॥ ১১৬
 বাসক্রীড়নবৎ সৰ্ব্বং নামরূপাদি কল্পনং
 বিহায় ব্রহ্মনিষ্ঠো যঃ স মুক্তো নাত্ৰসংশয়ঃ ॥ ১১৭
 মনসা কল্পিতা মূৰ্ত্তি নৃণাং চেম্মোক্ষসাধনী ।
 স্বপ্নলক্শেন রাজ্যেন রাজানো মানবাস্তদা ॥ ১১৮

ସୃଷ୍ଟିଲାଧାତୁଦାର୍ଢାଦିମୂର୍ତ୍ତାବୀଶ୍ଵରବୁଦ୍ଧୟଃ ।

କ୍ଳିଷ୍ଣସ୍ତସ୍ତପସା ଜ୍ଞାନଂ ବିନା ମୋକ୍ଷଂ ନ ଯାନ୍ତି ତେ ॥ ୧୧୯

ଆହାରସଂସମକ୍ଳିଷ୍ଠା ସଥେଷ୍ଠାହାର-ତୁନ୍ଦିନୀଃ ।

ବ୍ରହ୍ମଜ୍ଞାନବିହୀନା ଷ୍ଟେନିକ୍ଳୃତିଂ ତେ ବ୍ରଜନ୍ତି କିମ୍ ॥ ୧୨୦

ବାୟୁ-ପର୍ଣ-କଣା-ତୋୟ-ବ୍ରତୀନୋ ମୋକ୍ଷଭାଗିନଃ ।

ସନ୍ତି ଚେଂ ପରମା ମୁକ୍ତାଃ ପଶୁପକ୍ଷିଜଳେଚରାଃ ॥ ୧୨୧

ଉତ୍ତମୋ ବ୍ରହ୍ମସନ୍ତ୍ରାବୋ ଧ୍ୟାନଭାବସ୍ତୁ ମଧ୍ୟମଃ ।

ସ୍ତୁତିର୍ଜପୋହସମୋଭାବୋ ବହିଃପୂଜାଧ୍ୟାଧ୍ୟମଃ ॥ ୧୨୨

ଯୋଗୋ ଜୀବାତ୍ମନୋ ରୈକ୍ୟଂ ପୂଜନଂ ସେବକେଶୟୋଃ ।

ସର୍ବଂ ବ୍ରହ୍ମେତି ବିଦ୍ରଷୋ ନ ଯୋଗୋ ନ ଚ ପୂଜନମ୍ ॥ ୧୨୩

ବ୍ରହ୍ମଜ୍ଞାନଂ ପରଂ ଜ୍ଞାନଂ ସତ୍ତ୍ଵ ଚିତ୍ତେ ବିରାଜତେ ।

କିନ୍ତୁସ୍ତ ଜପସନ୍ତ୍ରାଗ୍ନୈଃ ସ୍ତୁତ୍ୟୋଭିନିରମବ୍ରତୈଃ ॥ ୧୨୪

ସତ୍ୟଂ ବିଜ୍ଞାନମାନନ୍ଦଂ ଏକଂ ବ୍ରହ୍ମେତି ପଶ୍ୟତଃ ।

ସ୍ଵଭାବାଦ୍ ବ୍ରହ୍ମଭୂତସ୍ତ କିଂ ପୂଜା ଧ୍ୟାନଧାରଣା ॥ ୧୨୫

ନ ପାପଂ ନୈବ ସୁକୃତଂ ନ ସ୍ଵର୍ଗୋ ନ ପୁନର୍ଭବଃ ।

ନାପି ଧ୍ୟୋନୋ ନ ବା ଧ୍ୟାତା ସର୍ବଂ ବ୍ରହ୍ମେତି ଜାନତଃ ॥ ୧୨୬

ଅୟମାତ୍ମା ସଦା ମୁକ୍ତୋ ନିର୍ଲିପ୍ତଃ ସର୍ବବସ୍ତୁଷୁ ।

କିଂ ତସ୍ତ ବନ୍ଧନଂ କର୍ମାଂ ମୁକ୍ତିମିଚ୍ଛନ୍ତି ହୃଦ୍ଧିୟଃ ॥ ୧୨୭

ସ୍ଵମାୟାରଚିତଂ ବିଶ୍ଵଂ ଅବିତର୍କ୍ୟଂ ସୂରୈରପି ।

ସ୍ଵୟଂ ବିରାଜତେ ତତ୍ର ହ୍ୟପ୍ରେବିଷ୍ଠଃ ପ୍ରେବିଷ୍ଠବଂ ॥ ୧୨୮

ବହିରନ୍ତର୍ଯ୍ୟଥାକାଶଂ ସର୍ବେଷାମେବ ବସ୍ତୁନାମ୍ ।

ତଥୈବ ଭାତି ସଦ୍ରୂପୋ ହ୍ୟାତ୍ମା ମାକ୍ଷୀ ସ୍ଵରୂପତଃ ॥ ୧୨୯

ସ ବାଲ୍ୟମସ୍ତି ବୁଦ୍ଧତ୍ଵଂ ନାତ୍ମନୋ ବୌବନଂ ଜନ୍ମଃ ।

ନୈକରୂପଶିଚିନ୍ମାତ୍ରୋ ବିକାରପରିବର୍ଜିତଃ ॥ ୧୩୦

জন্মযৌবনবার্দ্ধক্যঃ দেহৈশ্চৈব ন চাত্মনঃ ।

পশ্চাত্তোহপি ন পশ্চন্তি মায়াপ্রাবৃতবুদ্ধয়ঃ ॥ ১৩১

যথা শরাবতোয়স্থং রবিং পশ্চত্যনেকথা ।

তথৈব মায়া দেহে বহুধাত্মানমীক্ষতে ॥ ১৩২

যথা সলিলাচাক্ষল্যং যন্তুস্তে তদগতে বিধৌ ।

তথৈব বুদ্ধেচ্চাক্ষল্যং পশ্চন্ত্যাশ্চকৌবিদাঃ ॥ ১৩৩

ঘটস্থং ষাদৃশং ব্যোম ঘটে ভগ্নেহপি তাদৃশম্ ।

নষ্টে দেহে তথৈবাত্মা সমরূপো বিরাজতে ॥ ১৩৪

আত্মজ্ঞানমিদং দেবি পরং মোক্ষৈকসাধনম্ ।

জানন্নিত্বেব মুক্তঃ শ্রাৎ সত্যং সত্যং ন সংশয়ঃ ॥ ১৩৫

ন কর্মণা বিমুক্তঃ শ্রান্ন সন্তুত্যা ধনেন বা ।

আত্মনাত্মানমাজ্জায় মুক্তো ভবতি মানবঃ ॥ ১৩৬

প্রিয়ো হ্যাত্মৈব সর্বেষাং নাত্মনোহস্ত্যপরং প্রিয়ম্ ।

লোকেহশ্চিন্নাত্মসম্বন্ধাদ্ ভবন্ত্যন্ত্রে প্রিয়াঃ শিবে ॥ ১৩৭

জ্ঞানং জ্ঞেয়ং তথা জ্ঞাতা ত্রিতয়ং ভাতি মায়া ।

বিচার্যামানে ত্রিতয়ে আত্মৈবৈকোহবশিষ্ঠতে ॥ ১৩৮

জ্ঞানমাত্মৈব চিৎসুপো জ্ঞেয়মাত্মৈব চিৎসয়ঃ ।

বিজ্ঞাতা স্বয়মেবাত্মা যো জানাতি স আত্মবিৎ ॥ ১৩৯

এতত্তে কথিতং জ্ঞানং সাক্ষান্নির্বাণকারণম্ ।

চতুর্বিধাবধূতানাং এতদেব পরং ধনম্ ॥” ১৪০

মহানির্বাণতন্ত্রের চতুর্দশোল্লাসে সদাশিব শিবলিঙ্গ প্রতিষ্ঠার বিষয় সমুদয় বর্ণনা করিলে ভগবতী জিজ্ঞাসা করিলেন “বিভো ! যদি অকস্মাৎ কোন দিবস দেবতার পূজা না হয় তাহা হইলে ভক্তেরা সে স্থলে কি

করিবে তাহা আমার নিকট যথাযথ বলুন। কোন্ দোষ হইলে দেবমূর্তি অপূজ্য ও কোন্ দোষ উপস্থিত হইলেই ত্যাজ্য এবং তাহার সংশোধনের উপায় কি? তৎ সমুদায় “আমাকে বলুন।”

শ্রীসদাশিব কহিলেন “দেবি! যদি এক দিবস পূজাবাধ হয় তাহা হইলে সেই দেবমূর্তি দ্বিগুণ পূজা করিবে। দুই দিন বন্ধ হইলে তাহার দ্বিগুণ, তিনদিন হইলে তাহার দ্বিগুণ পূজা করিতে হইবে। আর যদি চারি দিন হইতে ছয়মাস পূজা বন্ধ হয়, তাহা হইলে জ্ঞানী ব্যক্তি অষ্ট কলস জল দ্বারা দেবমূর্তিকে স্নান করাইয়া পূজা করিবেন। যদি ছয় মাস অপেক্ষা অধিক কাল পূজাবাধ হয় তাহা হইলে সাধকশ্রেষ্ঠ পূর্ব কথিত সংস্কারবিধানানুসারে দেবমূর্তি পুনঃ সুসংস্কৃত করিয়া পূজা করিবেন। যে দেবমূর্তি ভগ্ন হইয়াছে, স্ফুটিত বা সচ্ছিন্ন হইয়াছে বা কুষ্ঠরোগী কর্তৃক স্পৃষ্ট হইয়াছে অথবা দূষিত স্থানে পতিত হইয়াছে জ্ঞানী ব্যক্তি তাহার পূজা করিবেন না। যে মূর্তির অঙ্গে ছিদ্র হইয়াছে, অঙ্গহীন হইয়াছে বা ভগ্ন হইয়াছে তাহা জলে বিসর্জন করিবে। পরন্তু যে দেবমূর্তি স্পর্শাদি দোষে দূষিত, তাহা পুনঃ সংস্কার করিয়া অর্চনা করিতে পারিবে। মহাপীঠ ও অনাদি লিঙ্গে অঙ্গস্পর্শাদি কোন দোষ ঘটতে পারে না সূতরাং সুখলাভের নিমিত্ত সর্বদাই সেখানে স্ব স্ব ইষ্টদেবতার পূজা করিবে। মহামায়ে! কৰ্মকাণ্ডনিরত মনুষ্যদিগের মঙ্গলের নিমিত্ত তুমি যাহা জিজ্ঞাসা করিলে আমি তৎসমুদয়ই বিশেষরূপে কহিলাম। মানবগণ কৰ্ম না করিয়া ক্ষণকাল মাত্রও থাকিতে পারে না। তাহারা কৰ্ম করিতে অনিচ্ছুক হইয়াও বিবশ হইয়া কৰ্মরূপ প্রবল বায়ু কর্তৃক পরিচালিত ও আকৃষ্ট হয়। মনুষ্যেরা কৰ্ম দ্বারাই সুখ এবং দুঃখ ভোগ করে, কৰ্মবশেই তাহারা জন্মগ্রহণ করে, কৰ্মদ্বারাই শরীর ধারণ করিয়া থাকে এবং কৰ্মবশেই মৃত্যুমুখে

পতিত হয়। এইজন্ত অল্পজ্ঞ ব্যক্তিগণের সংকর্মে প্রবৃত্তি এবং দুর্কর্মের নিবৃত্তির জন্ত বহুবিধ সাধন ও বহুবিধ কর্ম কহিলাম।” ১০৬

এই পর্য্যন্ত কর্মের ব্যাখ্যা শ্রবণ করিয়া একদল জ্ঞানী স্থির করিলেন কর্মকাণ্ড কেবল অজ্ঞানীর জন্ত ; যেহেতু ইংরাজী পড়িয়া তাঁহারা শিক্ষিত হইয়াছেন সুতরাং তাঁহারা জ্ঞানী নিশ্চিতই, এই ধারণার বশবস্তী হইয়া প্রথমে তাঁহারা পূজা ধ্যানকে বিদায় দিলেন, অর্থাৎ কর্মকাণ্ডের পরে যে জ্ঞানকাণ্ড তাহাতে প্রবেশ করিয়া জ্ঞানামৃত পানে তৃপ্ত হইতে লাগিলেন এবং অন্যান্য অনেককেই তাঁহাদের সহযাত্রী করিতে প্রস্তুত হইলেন, কারণ তাঁহারা হিন্দুদের মত কুসংস্কারাপন্ন নহেন। হিন্দুরা যেমন সাধারণের নিকট সমুদয় লুক্কায়িত রাখেন, তাঁহারা তেমনিই বিশ্বপ্রেমিক হইয়া সর্বত্রই সর্বলোককে সমভাবে অতি উদারতার সহিত বিলাইয়া থাকেন। কিন্তু এই কর্মত্যাগের ও জ্ঞানের রহস্যবোধ শাস্ত্রের দোহাই না দিয়া এমনই করিলে বেশ ভাল হইত। কারণ তাঁহারা জ্ঞানী তজ্জন্ত কর্ম করেন না ; কিন্তু আমরা দেখিতে পাই তাঁহারা সকলেই কর্মচারী এবং কর্মকারী। তবে তাঁহাদের হিসাবে স্ত্রীপুত্রের উপাসনার নিমিত্ত যাহা করা যায় তাহা ঈশ্বর আদিষ্ট এবং দেবতা উপাসনা মূর্খ লোকের কল্পিত, তাই তাঁহারা মূর্খদিগকে পরিহার করিয়া জ্ঞানী হইয়াছেন। যাহা হউক কর্মতত্ত্ব আর একটু শুনা যাউক।

“কর্ম দুই প্রকার শুভ ও অশুভ, অশুভ কর্ম হইতে জীব তীব্র যাতনা প্রাপ্ত হয়। শুভ কর্মফলেও আসক্ত হইলে কর্মপাশ দ্বারা আবদ্ধ হইয়া পুনঃ পুনঃ সংসারে যাতায়াত করিতে হয়। এই শুভ বা অশুভ কর্মের যতকাল না ক্ষয় হয়, শতকল্প গত হইলেও জীবের মুক্তি হয় না।” এখানে তাঁহারা বুঝিলেন স্ত্রী পুত্রের জন্ত যাহা করা যায় তাহা ঈশ্বর উপাসনা সুতরাং শুভ কর্ম এবং অন্যান্য দেবতারাদি অশুভ কর্ম

সুতরাং তাহা ত্যাজ্য। বাস্তবিক ইহা তাঁহাদের বুদ্ধির বৈকল্য। যতদিন সৎ বা অসৎ কোন কর্ম জীবের দ্বারা অনুষ্ঠিত হইবে ততদিন সুখ বা দুঃখভোগ অবশ্যস্তাবী, তজ্জন্ম স্বর্গ বা নরক (এখানেই বা অন্য কোনখানে) অবশ্য ভোগ করিতে হইবে।

“শৃঙ্খল লৌহময় হউক বা স্বর্ণময় হউক উভয়ই বন্ধনের যাতনা দিতে সমান কার্যকারী। তদ্রূপ কর্ম শুভ বা অশুভ যাহাই হউক বন্ধন যাতনা উভয়ত্রই সমান। সতত কর্মের অনুষ্ঠানে নানা কষ্টভোগ করিয়াও জীব যতকাল না জ্ঞান লাভ করে তাবৎ মুক্ত হইতে পারে না।” অর্থাৎ কর্ম যদি অবোধের মত শুধু কর্মের জন্য অনুষ্ঠিত হয় তাহাতে জ্ঞানানুশীলন না থাকে, তবে উহা বন্ধন মোচনের কোনই সহায়তা করে না।

ব্রহ্ম সত্য জগৎ মিথ্যা অর্থাৎ ব্রহ্মের বিভূতি ভিন্ন জগতের এবং জাগতিক পদার্থের স্বতন্ত্র অস্তিত্ব নাই এইরূপ তত্ত্ববিচার এবং নিষ্কাম কর্ম এই উভয় দ্বারা পাপের ক্ষয় এবং অন্তঃকরণের নিস্কলতা সম্পাদিত হয় অর্থাৎ রজোগুণের শক্তি কাম এবং তমোগুণের শক্তি মোহ এই দুইটা যখন বিচার এবং উপাসনা দ্বারা শান্ত হইয়া যায় তখন সত্বগুণরূপী জ্ঞানের উদয় হয়। ব্রহ্ম হইতে তৃণ পর্যন্ত সমুদয় জগৎ মায়াদ্বারা কল্পিত, একমাত্র পরব্রহ্মই সত্য এই তত্ত্বজ্ঞানের উদয়ে জীব নিরন্তর সুখভোগ করে।” ১১৩

“যিনি নামরূপ ত্যাগ করিয়া নিষ্কল ব্রহ্মের তত্ত্ব নিরূপণ করিতে পারেন তিনিই কর্মবন্ধন হইতে মুক্ত হন।” ১১৪

যেত জগতের যাহা কিছু দেখিতে পাই, যাহা কিছু কর্ণপথে শুনিতে পাই, সকলই বাজীকরের বাজীর গায় ক্ষণস্থায়ী মিথ্যা বস্তু। একমাত্র সকল খেলার মূলে যে বাজীকর আছে সেইই সত্য। ঘুম ভাঙ্গিলেই ঘুমঘোরে দৃষ্ট স্বপ্ন আর কিছু করে না; স্বপ্নের ব্যাঘ্র মানুষকে খায় না; স্বপ্নের রাজত্ব আর ভোগে আসে না; তদ্রূপ ভগবদ্ কৃপায় বা অন্য কোন

উপারে এই মোহঘোর, এই আমি দেহ—সুতরাং আমার স্ত্রী পুত্র ঘর বাড়ী ইত্যাদি মমতা যদি কাটিয়া যায় এবং সর্বপদার্থের সত্তা যাহাতে অবস্থিত সেই একমাত্র নিত্য সত্য পদার্থ জানিতে পারা যায়, তবেই পূর্ণ সুখে সুখী হইবার সম্ভাবনা ; নতুবা এই সুখ দুঃখের হাত এড়াইবার আর উপায় নাই। যখন কোন পদার্থের স্থিরতা নাই, সকলই চঞ্চল, কি বেন কোন দিকে আকৃষ্ট হইয়া দ্রুত ছুটিয়া যাইতেছে, তখন যে নামরূপই কল্পনা করি না কেন তাহাই নষ্ট হইবে ; সুতরাং এই মিথ্যাবস্তুরকে ত্যাগ করিয়া যাহা সত্য, চিরস্থায়ী তাহার সন্ধান করিতে হইবে। মাটি হইতে ঘট প্রস্তুত হইল, স্বর্ণ হইতে নানাপ্রকার অলঙ্কার তৈয়ারী হইল, আবার ঐ ঘট চূর্ণ হইল, অলঙ্কারের আকার নষ্ট হইল ; রহিল কি ? মাটি ও স্বর্ণ—এই দুইটী হইল নিত্য বস্তু। ঘট আগে মাটি ছিল পরেও মাটি হইল, মধ্যে কেবল একটা নামরূপ লইয়া বিকট হাসিকান্না চলিতেছিল। যদি ঘটকে বুঝিতে চাই জগতের বাহিরে যাইতে হইবে না। মৃত্তিকা এবং ঘটের পার্থক্য নামরূপের দ্বারা বুঝিলেই চলিবে। দেখা যাইবে ঘটটী চিরকাল থাকে না সুতরাং তাহা মাটির তুলনায় মিথ্যা। তরুণ ব্রহ্ম বা নিত্য সত্যবস্তুর সহিত তুলনায় সমুদয় মিথ্যা। কিন্তু যতক্ষণ আমি আছি, আমার আছে ততক্ষণ কি তাহা মিথ্যা ? স্বরূপতঃ তাহা মিথ্যা হইতে পারে। আমার তুলনায় তাহাত মিথ্যা নহে। স্বপ্নে দেখিলাম আমাকে ভূতে ধরিয়া লইতেছে, আকাশে উড়িয়া বেড়াইতেছি। স্বপ্নদৃষ্ট পদার্থ জাগরিত হইয়াই মিথ্যা বলিয়া জানিলাম—কিন্তু স্বপ্নাবস্থাতে স্বপ্নটীতো মিথ্যা নহে। সুতরাং জগৎ যে মায়া দেখাইতেছে তাহাও আমার তুলনায় মিথ্যা হইল না ; তাই যতদিন আমি আমার আছে, ততদিন তিনিও আছেন, মহামায়াও আছেন। যতদিন আমার স্ত্রীপুত্রের দেহ আমার নিকট সত্য, ততদিন

মায়াকল্পিত দেবতাও সত্য; তাই এই সমস্ত মায়ার মায়াবীকে না পাওয়া পর্যন্ত, চিত্ত চিরসত্য ব্রহ্মতত্ত্বে না পৌঁছান পর্যন্ত, মহামায়ার রাজত্বে বাস করিয়া বিশ্বরূপ, দেবরূপ, সগুণবিরাট ভুলিলেত অজ্ঞান কাটিবে না; কারণ তখনও যে চোখের আঁধার নাশ হয় নাই; আলোকের আঁধারে দিশেহারা হইয়া যাই নাই। যতদিন 'আমি' আছি ততদিন 'তুমি' থাকিবেই, 'সেও' থাকিবে; সুতরাং 'আমি' থাকিতে বিকট ব্রহ্মজ্ঞান আসা ভিন্ন প্রকৃত বস্তুর আলো পাওয়ার সম্ভাবনা নাই।

“জপ হোম এবং শত উপবাস দ্বারাও মুক্তি হইবে না, 'ব্রহ্মই আমি' হা জ্ঞাত হইয়া জীব মুক্ত হইবে।” ১১৫

জপ হোম বা উপবাসে মুক্তি হয় না, এই তাৎপর্য বুঝিয়াই সর্বনাশ হইয়াছে। কিন্তু ইহার তাৎপর্য তাহা নহে, নতুবা জপ হোমের ব্যবস্থা কিছুই করা হইত না। বাস্তবিক পক্ষে ইহার পূর্বেই বলা হইয়াছে নিষ্কাম কর্মের দ্বারা চিত্তশুদ্ধি হয়। পূর্বাপর সামঞ্জস্য রাখিয়া অর্থ করাই বুদ্ধিমানের কাজ হইবে, সুতরাং এখানে সদাশিব বলিতেছেন যে “কর্ম সমুদয় আত্মজ্ঞানের সাধনপরম্পরা, যাহার এই জ্ঞান নাই, তাহার শত বৎসরেও মুক্তির সম্ভাবনা নাই, নতুবা ব্রহ্মমন্ত্র জপের ব্যবস্থাই বা দিবেন কেন? ইহা দ্বারা এই বৃত্তিতে হইবে সাধারণ লোকে কর্মের অধিকারী নহে। যাহার কর্ম, কর্তা ও কর্মফলের জ্ঞান আছে তিনিই শাস্ত্রোক্ত সাধনের উপযোগী। “আত্মা সাক্ষী অর্থাৎ নির্লিপ্ত শুভাশুভ দ্রষ্টা, তিনি বিষ্ণু অর্থাৎ সর্বব্যাপক, অনন্তস্বরূপ; তিনি সত্য, অদ্বিতীয় এবং পরাৎপর, তিনি দেহস্থ হইয়াও দৈহিক কার্যে লিপ্ত নহেন,” এইরূপ জ্ঞান জন্মিলেই জীব মুক্ত হইতে পারে। বালক যেমন পুতুলের সহিত পুত্র কন্যা বৈবাহিক ইত্যাদি সম্বন্ধ স্থাপন করে এবং খেলার অবসানে সমুদয় নামরূপাদি ত্যাগ করে, তদ্রূপ এই সংসারে স্ত্রীপুত্রাদি লইয়া নামরূপের

খেলা হইয়া থাকে, ইহা জ্ঞাত হইয়া তিনি সত্যব্রহ্মে অবস্থিত এবং মুক্ত হইয়া যান। ১১৭ ॥ “মনঃকল্পিত দেবমূর্তি যদি মনুষ্যদিগকে মোক্ষদান করিতে পারে তাহা হইলে স্বপ্নলব্ধ রাজত্বেও রাজা হইতে পারে। যাহারা মূর্ত্তিকা প্রস্তুত ধাতু বা কাষ্ঠাদি নির্মিত মূর্ত্তিকে ঈশ্বর বোধ করিয়া তপশ্চাদি করে তাহারা কেবল বৃথা কষ্ট পায়। ফলতঃ জ্ঞান ব্যতিরেকে মুক্তি হয় না। যাহারা কেবল বায়ুমাত্র, পর্ণমাত্র বা তণ্ডুলকণামাত্র কিংবা জলমাত্র পানকরিয়া ব্রতধারণ করে তাহাদের যদি মোক্ষ হয়—তাহা হইলে সর্প পক্ষী জলজন্তু ইত্যাদি সকলেই মুক্ত হইতে পারে।” ১২১

প্রথমেই দেখান হইয়াছে যে মানুষের কল্পিত মূর্ত্তিউপাসনায় কোনই লাভ নাই সুতরাং তাহার উপাসনা করা বৃথা এবং শাস্ত্রকার সে উপাসনার পক্ষপাতী নহেন। মূর্ত্তিকা কাষ্ঠ বা প্রস্তুরে ঈশ্বর কল্পনা করা হিন্দুদিগের উপাসনা নহে। যাহারা এরূপ মনে করেন তাঁহারা বিশেষ কৃপার পাত্র। পূজাপ্রকরণে যে প্রণালী কথিত হইয়াছে তদনুযায়ী প্রতিমাতে ভাবনা বা যোগশক্তি দ্বারা আত্মতেজ প্রতিষ্ঠা করা হয়। তাহা এই সব সাধারণ বুদ্ধিতে প্রবিষ্ট হইবার নহে। মনও তাঁহারই সৃষ্ট, সুতরাং মনে মনে প্রার্থনা করিলেও তাঁহারই হইল। যদি বলেন সর্বব্যাপী ব্রহ্ম তাঁহাকে এইরূপে উপাসনা করা বাতুলতা ভিন্ন কিছুই নহে। তাঁহারই সৃষ্টপদার্থ ফুল বেলপাতা দ্বারা পূজা করা মূর্ত্তিতা মাত্র। আমরা বলি সর্বব্যাপী নিরাকার ব্রহ্ম মৃত ব্যক্তিতেও আছেন সুতরাং তাহা দ্বারা অভীষ্ট সিদ্ধ হয় না কেন? গরুর দুধে স্বত আছে সুতরাং গরুর শরীরে ক্ষত হইলে অমনিই সারে না কেন? তাহার জগ্নু দুগ্ধদোহন করিয়া মন্থন দ্বারা স্বত নিষ্কাশন করিলে এবং তাহা ক্ষতস্থানে ব্যবহার করিলে তবেই রোগ নিবৃত্তি সম্ভব হয়। তদ্রূপ সর্বব্যাপীপদার্থ দ্বারা আমাদের কিছু লাভ হইবার সম্ভাবনা নাই—যতদিন তাহাকে নিজের ব্যবহারের

উপযোগী করিতে না পারি—এই জ্ঞান না থাকিয়া উপাসনা করিলে তাহা নিরর্থক হয়। যথেষ্ট আহার বা নিরাহার যাহাই করুক না, আত্মজ্ঞান উদ্দেশ্য না হইলে সমুদয় বৃথা ইহাই তাৎপর্য। নতুবা যাহার যে প্রকার খাদ্য সে তাহা খাইবেই স্মৃতরাং সে দৃষ্টান্ত উল্লেখ করা প্রয়োজন ছিল না। “ব্রহ্মই সত্য আর সমুদয়ই যারাকল্পিত ও মিথ্যা। আমিই সেই সৎস্বরূপ ব্রহ্ম, ঈদৃশ ভাব উত্তম, ধ্যান ভাব মধ্যম, স্তব এবং জপভাব অধম এবং বাহুপূজা অধম হইতেও অধম। জীবাত্মা ও পরমাত্মার ঐক্যের নামই যোগ। সেবক ও ঈশ্বর ভাব প্রতিপাদনের নামই পূজা; ফলতঃ যাহার জ্ঞান হইয়াছে, যিনি সমুদয়ই ব্রহ্ম, ব্রহ্ম ভিন্ন আর কিছুই নাই, এইরূপ যথার্থ ভাবিতে শিখিয়াছেন তাঁহার নিমিত্ত যোগ বা পূজা কিছুই আবশ্যিক হয় না। যাহার হৃদয়ে ব্রহ্মজ্ঞানরূপ পরমজ্ঞান বিরাজিত হইতেছে তাঁহার পক্ষে জপ যজ্ঞ তপস্যা নিয়ম ব্রত কিছুই আবশ্যিক নাই। যিনি সর্বত্র একরূপ সত্যস্বরূপ বিজ্ঞানস্বরূপ ও আনন্দস্বরূপ অদ্বিতীয় ব্রহ্ম অবলোকন করিতেছেন তিনি স্বভাবতঃই ব্রহ্মস্বরূপ হইয়াছেন; তাঁহার পক্ষে পূজা বা ধ্যান ধারণা কিছুই সম্ভব হয় না।” ১২৫

ব্রহ্মই সত্য, সকলই মিথ্যা এই ভাব যাহার আছে তাঁহার নিকট সাংসারিক স্ত্রীপুত্রপরিবার সমুদয়ই মিথ্যা হওয়া উচিত, শুধু পূজা জপকে ত্যাগ করিবার প্রয়োজন কি? যাহাদের ‘আমি সেই সৎস্বরূপ ব্রহ্ম’ এই জ্ঞান হইয়াছে তাঁহাদের ভাব উত্তম। কিন্তু এরূপ জ্ঞানী কি কেহ আছেন? তাঁহার ‘আমি’ দেহকে ছাড়েনা কেন? এবং দেহের সহিত সম্বন্ধবিশিষ্ট আমার বলিতে যাহা কিছু তাহা যায় না কেন? তাহার প্রতি এত মমতা কেন? এবং তজ্জগৎ এত মাথা ঘামাইবার প্রয়োজন কি? ধ্যানভাব মধ্যম; ধ্যানের সহিত কাহারও কি কিছু সম্বন্ধ হইয়াছে? ধ্যেয়বস্তুতে তৈলধারাবৎ অবিচ্ছিন্ন চিন্তাপ্রবাহ উত্থানের নাম ধ্যান।

তাঁহাদের ধ্যেয়ই নাই সুতরাং চিন্তা করেন কি? নিরাকারের ধ্যান বলিতে কি বুঝিব? নিরাকার কি কেহ প্রত্যক্ষ করিয়াছেন? অথবা নিরাকার চিন্তা করিতে পারেন? আকার নাই এমন কোন পদার্থের কল্পনা কেহ করিতে পারেন কি? একমাত্র আকাশের দৃষ্টান্ত দেওয়া হয়। কিন্তু আমরা যাহা দেখি তাহা ত পরিচ্ছিন্ন। চক্রবাল দ্বারা তাহারও আকার গঠিত হয় এবং তাহা বায়ু তেজ ও মেঘের গুণে নানাপ্রকার আকার ধারণ করে সুতরাং নিরাকার কল্পনায় আসিল কই? সুতরাং তাহার ধ্যান ত হইবার নহে।

বাহুপূজা অধম হইতেও অধম, তাহা স্বীকার্য। তাহাতে আপনাদের বিশ্বাসও নাই এবং করিবার সামর্থ্যও নাই সুতরাং বচন ভিন্ন আর ত উপায় দেখি না। তাই আপনারা বাক্যবিশারদ।

জীবাত্তা ও পরমাত্মার ঐক্যের নাম যোগ—তাহাও আপনাদের পক্ষে সম্ভবপর নহে। কারণ, না দেখিয়া ছুই বস্তু যোগ করা যায় কিরূপে?

সেবক ও ঈশ্বরভাবও আপনাদের পক্ষে সম্ভব নহে কারণ ঐশ্বর্য না থাকিলে ঈশ্বরই হয় না এবং অন্তঃকরণ ও শরীর না থাকিলে ঐশ্বর্য সিদ্ধ হয় না; সুতরাং সে দিকেও আঁধার।

যিনি সর্বত্র এক সত্যজ্ঞান আনন্দস্বরূপ ব্রহ্মদর্শন করেন, তাঁহার পক্ষে পূজা বা ধ্যান কিছুই নাই। ব্রহ্মভাব যাহার পক্ষে নিঃস্বাস প্রস্বাসের ন্যায় স্বাভাবিক অর্থাৎ যিনি সর্বদাই সত্যজ্ঞানআনন্দস্বরূপ হইয়াছেন তাঁহার পক্ষে আর কিছুই নাই—সমস্ত পূজা জপ শেষ হইয়া গিয়াছে। তাই আপনারা সকল দেবতার উপাসনা ত্যাগ করিয়া ব্রহ্ম হইয়াছেন এবং নিরাকার ভজনা করিতেছেন ও সেই জন্ত দাসত্ব, পুত্রোৎপাদন, গৃহকর্ম নির্বাহ ইত্যাদি ব্রহ্মস্বরূপেই হয় বুঝিতেছি। ধন্য কলি ও তাহার অমুচরগণের কীর্তিকালাপ! নতুবা এত বিপরীত বুদ্ধি হইবে কেন? জগৎ

যাঁহার বিভূতি, এত গম্বটন যাহা হইতে হইয়াছে, তাঁহাকে নিজের গণ্ডিতে ফেলিয়া ওজন করা কতদূর ধৃষ্টতা। বাস্তবিকই তাঁহারা ব্রহ্মভূত বা ব্রহ্মদৈত্য, নতুবা ভূতের ন্যায় বিসদৃশ বুদ্ধি আসিবে কোথা হইতে এবং সকলের স্বন্ধে আরোহণ করিবেন কিরূপে ?

“আমি জীব’ এই জ্ঞান যাঁহার নাই সুতরাং সমুদয়ই ব্রহ্ম এইরূপ জ্ঞান যাঁহার হইয়াছে, তাঁহার পাপ পুণ্য স্বৰ্গ নরক বা পুনর্জন্ম কিছুই নাই। তাঁহার পক্ষে ধ্যান ধ্যেয় বা ধ্যাতা কিছুই নাই। এই চৈতন্যরূপ আত্মা সদামুক্ত। তিনি কিছুতেই লিপ্ত নহেন। তাঁহার বন্ধনই বা কোথায় ? সুতরাং অল্পজ্ঞ ভিন্ন কে তাঁহার মুক্তি কামনা করে ?” ১২৭

“বিশ্ব তাঁহার নিজ মায়াৰচিত এবং দেবতারাও তর্ক দ্বারা তাঁহাকে জানিতে পারেন না। তিনি জগতে প্রবিষ্ট না হইয়াও প্রবিষ্টের মত দেখাইতেছেন। আকাশ যেমন সর্ব বস্তুর অন্তরে এবং বাহিরে বিরাজমান তরুণ সক্রপ ও সাক্ষী আত্মা সর্বভূতে বিরাজমান রহিয়াছেন। এই আত্মার বাল্য, যৌবন বা বার্দ্ধক্য নাই, তিনি সদা একরূপ চৈতন্যস্বরূপ, এবং বিকারবর্জিত। জন্ম, যৌবন ও বার্দ্ধক্য প্রভৃতি যাহা কিছু দেখা যায় তৎসমুদয় দেহের। মায়াবৃত্তবুদ্ধি নরগণ তাহা বুঝিতে পারে না।” ১৩১

“বহু সরাবস্থিত জলের মধ্যে যেমন বহুসূর্য্য দৃষ্ট হয়, সেইরূপ মায়া প্রভাবেই বহু শরীরে বহুবিধ আত্মা লক্ষিত হইতেছে। যেমন জল চঞ্চল হইলে তাহাতে প্রতিবিম্বিত চন্দ্র ও চঞ্চল বলিয়া মনে হয়, অজ্ঞান ব্যক্তিরাত্ত তরুণ বুদ্ধির চাঞ্চল্যবশতঃ আত্মাকে চঞ্চল বলিয়া মনে করে। যেমন ঘট ভগ্ন হইলেও ঘটস্থ আকাশ পূর্বেই ন্যায় অবিকৃত থাকে, দেহ নষ্ট হইলেও আত্মা তরুণ সমরূপেই অবস্থিত থাকে।” ১৩৪

“দেবি ! মুক্তির পরম সাধন এই আত্মজ্ঞান অবগত হইলে জীব সত্য-

সত্যই এই শরীরেই মুক্ত হইয়া যায় এ বিষয়ে কোনও সন্দেহ নাই। কর্ম্মানুষ্ঠান, ধনদান বা সন্ততি দ্বারা মুক্তি হয় না। আত্মার দ্বারা আত্মতত্ত্ব অবগত হইলেই মানব মুক্ত হয়। দেবি! সকল জীবের পক্ষে আত্মাই পরম প্রেমাস্পদ, আত্মা হইতে প্রিয়তর অপর কিছুই নাই। ইহলোকে যে অশ্রুকে প্রিয় বলিয়া মনে করে তাহা আত্মসম্বন্ধ হেতু। জ্ঞান, জ্ঞেয় এবং জ্ঞাতা এই ত্রিতর কেবল মায়া দ্বারাই প্রতিভাত হইতেছে, পরন্তু এই ত্রিতরের তত্ত্ব বিচার করিলে একমাত্র আত্মাই অবশিষ্ট থাকেন, আর কিছুই থাকে না। চৈতন্যময় আত্মাই জ্ঞান, আত্মাই জ্ঞেয় এবং আত্মাই জ্ঞাতা, যিনি ইহা জানিয়াছেন তিনিই তত্ত্ববিৎ। সাক্ষাৎ নির্বাণমুক্তির কারণ এই জ্ঞান তোমাকে বলিলাম, চতুর্বিধ অবধূতের ইহাই পরম সাধন।” ১৪০

এখন যাহারা বলেন ব্রাহ্মণেরা অবিচার করিয়াছেন তাঁহাদিগকে জিজ্ঞাসা করি—ইহা কি অবিচারের লক্ষণ? কর্ম্ম, জ্ঞান বা ভক্তি সবই ত এই তন্ত্রশাস্ত্রে রহিয়াছে এবং পুরাণেও বর্তমান আছে, তবে আর অসম্বন্ধপ্রলাপ বকিয়া লাভ কি? শুধু পাশ্চাত্যগণের চর্কিতশাস্ত্র অধ্যয়ন করিয়া ইহকাল ও পরকালের জন্ম অসন্তোষের বীজ বপন করা উচিত নহে, বরং বাহাতে স্বকর্ম্মে সংযত হইয়া স্বরাজ্যসিদ্ধিরূপ আত্ম-জ্ঞানলাভ হয় তাহাই সকলের কর্তব্য।

অপরদিকে যাহারা ব্রহ্মজ্ঞানের ভানে নিজেদের ইহকাল ও পরকাল সব নষ্ট করিয়াছেন এবং অশ্রুকেও সর্বনাশের পথে টানিয়া লইতেছেন তাঁহাদিগকে কালসর্প বলিয়া দূরে পরিহার করিতে হইবে। সমস্ত মহা-নির্বাণতন্ত্রের মধ্যে চারিটী শ্লোক লইয়া তাঁহারা নিরাকার ব্রহ্ম উপাসনা প্রচার করিলেন, তাহাও কদর্থ করিয়া। পূর্বাপর সমুদয় সমন্বয় করিয়া শাস্ত্রার্থগ্রহণ করা উচিত। শাস্ত্র মানিতে হইলে সম্পূর্ণই গ্রহণীয়, নতুবা

প্রক্ষিপ্তবাদে যে ক্ষিপ্ত হইবার সম্ভাবনা রহিয়াছে, তাঁহারা তাহা ভাবিতে পারেন কি ?

“বিহার্য নামরূপাণি সত্যে ব্রহ্মাণি নিশ্চলে ।
 পরিনিষ্ঠিততত্ত্বো যঃ স মুক্তঃ কৰ্ম্মবন্ধনাৎ ॥
 বালক্ৰীড়নবৎ সৰ্ব্বং নামরূপাদিকল্পনং ।
 বিহার্য ব্রহ্মনিষ্ঠো যঃ স মুক্তো নাত্ৰ সংশয়ঃ ॥
 মনসা কল্পিতা মূর্ত্তিনাং চেম্মোক্ক্ষসাধনী ।
 স্বপ্নলক্শেন রাজ্যেন রাজানো মানবাস্তদা ॥
 মূচ্ছিলাধাতুদার্বাদি মূর্ত্তাবীশ্বরবুদ্ধয়ঃ ।
 ক্লিশ্বস্তপসা জ্ঞানং বিনা মোক্ষং ন যান্তি তে” ॥

ইহা দ্বারা নিরাকারবাদের নাকি উৎকৃষ্ট প্রমাণ হইয়া থাকে । কিন্তু আমাদের বুদ্ধির দোষে আমরা এত সহজে বিশ্বাস করিতে পারিতেছি না । শাস্ত্রানুযায়ী দ্বৈততত্ত্ব সম্পূর্ণ পরিত্যাগপূর্ব্বক অদ্বৈতসত্তায় সম্পূর্ণ মন লীন করিতে পারিলে ব্রহ্মজ্ঞানী বলা হয় ।

কিন্তু এ ব্রহ্মজ্ঞানে আত্মীয় স্বজন এবং ব্রহ্মাণ্ডের অস্তিত্ব বজায় রাখিয়া শুধু দেবতা নামসমেত উড়াইতে পারিলেই অচিরাৎ সিদ্ধিলাভ হয় । একি সিদ্ধি না স্বপ্ন, তাহা ধারণাতেও আসে না । স্বভাবতঃ ব্রহ্মভূত বা ব্রহ্মদৈত্য হইতে পারিলে ব্রহ্মজ্ঞানী হওয়া যায়, স্মরণ পূজা ধ্যানাদির আর প্রয়োজন থাকে না । মৃত ব্যক্তি ভূত হয় জানিতাম, এ জীবিত ভূতের জালায় দেশ যে অস্থির হইয়া উঠিয়াছে ।

“ব্রহ্মাদিতৃণপর্য্যন্তং মায়য়া কল্পিতং জগৎ ।
 সত্যমেকং পরংব্রহ্ম বিদিত্বৈবং সুখীভবেৎ ॥”

বিরাট ব্রহ্মা হইতে তৃণ পর্যন্ত সমুদয় যদি মায়া দ্বারা কল্পিত হয় তবে আগরাই বা বাদ যাই কোথা হইতে, তুমি আমি সকলেই সেই জগতের অন্তর্গত। সকলের নামরূপ বর্তমান রহিল, শুধু দেবতাগুলি বাদ গেল কেন? ব্রহ্মন্ শব্দের অর্থ কি—চতুর্ন্থ ব্রহ্মা বা ব্রহ্মা? ‘ব্রহ্মা আদি’ না হইয়া যদি ‘ব্রহ্ম আদি’ হন, তবেত মূলেই উৎপাটন হইল। সুতরাং ব্রহ্মা-আদি স্বীকার করিলেই আবার দেবতা স্বীকার করিতে হইল, এসব কি তাঁহারা চিন্তা করিতে অবসর পান? ব্রহ্মাদিতৃণপর্যন্ত মায়াকল্পিত হইবার দ্বারা যদি কিছুই না থাকে, তাহা হইলে দৃশ্যস্বাবরজঙ্গমাশ্রুক জগৎ উড়িয়া যায় না কেন? একগাছি তৃণকেও উড়াইবার অথবা চালাইবার ক্ষমতা কাহারও দেখি না। তবে দেবতার নামরূপ লইয়া এত দুঃসহ যাতনা ভোগ কেন? ইহা কি পূর্বজন্মার্জিত কোন শত্রুতার ফল অথবা শিক্ষা সংসর্গের অভূতপূর্ব পরিণাম?

চতুর্ন্থ সাকারব্রহ্মাকে উড়াইতে বাইয়া যদি ‘ব্রহ্ম আদি’ লওয়া হয় এবং (অনেকেই তাহা স্বীকার করিয়া থাকেন) তাহা হইলে বে আরও বিপদ, কারণ যে বৃক্ষের শাখার ছায়ায় বসিয়া, বাহার প্রেমফল ভক্ষণ করিয়া, বাহার চরণতলে নত হইয়া, আনন্দ সাগরে ভাসিবেন এইরূপ বাসনা মনে ছিল, তাহা মূলশুদ্ধ উৎপাটিত হইয়া গেল, সুতরাং প্রার্থনার আর আবশ্যকতাই রহিল না।

যদি শাস্ত্র লইয়া বিচার করিতে হয় তবে তাহার আগা গোড়াই মানা দরকার হইয়া পড়ে। নতুবা মূর্ত্তিপূজা বাদ দিয়া শুধু ধ্যান ধারণা লইতে গেলে তাহাতেও মুক্তি হইবার কোন সম্ভাবনা থাকে না। কারণ তাহাতেও মনোময়ী মূর্ত্তি কল্পিত হইবে। মনঃকল্পিতমূর্ত্তির’ত আগেই দপিওনব্যবস্থা করা হইয়াছে এখন এ আবার কোন্ মন যদ্বারা মনে মনে সর্বকর্ম্যসিদ্ধির আশা করা যাইতেছে? যদি মনের দ্বারাও সিদ্ধি না হয়

তাহা হইলে সবই পশুশ্রম হইয়া পড়িবে। তাই বলিতেছি যদি মহানির্বাণ তন্ত্রের চারিটা বচন সিদ্ধ হয় তবে বাকি গুলির অপরাধ কি? তাহারা কি সতীনের ছেলে? হিমালয় হইতে সাগরসঙ্গম পর্যন্ত গঙ্গা বিস্তৃত রহিয়াছে তাহার মধ্য হইতে আমি যে গণ্ডুষ চতুষ্টয় জল উঠাইয়া লইয়াছি তাহাই গঙ্গাজল আর বাকী নর্দমার অপরিষ্কৃত দুর্গন্ধময় জল ইহা বলা কতদূর জ্ঞানবুদ্ধির পরিচায়ক তাহা কি তলাইয়া দেখিয়াছেন? সর্পের মুখে দুগ্ধ ও গরল হইয়া যায়—আকাশ হইতে পতিত সুবিমল বারিও নিম্নবক্ষে তিক্ত হইয়া যায়—তাই নাস্তিকগুলির হাতে পড়িয়া সমস্ত শাস্ত্র বিষ হইয়া গিয়াছে এবং সেই গরল পানে উন্মত্ত ভারতবাসী ধ্বংসের মুখে অতি দ্রুত ধাবিত হইতেছে।

“মালতীমল্লিকামোদং ভ্রাণং বেত্তি ন লোচনং” মালতী এবং মল্লিকার স্নগন্ধ নাসিকাই গ্রহণ করিতে পারে, চক্ষুর সে ক্ষমতা নাই। সেইরূপ সাকার উপাসনা ও তাহার তত্ত্ব তাঁহাদের বুঝিবার ক্ষমতা নাই। আমাদের মনে হয় তাঁহারা মানবশরীরধারী হইলেও বুদ্ধিশক্তিহীন উদ্ভিদ জাতির স্থায়।

তীর্থগুলি তীর্থ নহে এবং দেবতাগুলি দেবতা নহে ইহা প্রমাণিত করিবার জন্য তাঁহারা যে দুইটা শ্লোকের অবতারণা করিয়াছেন তাহার অর্থও যে তাঁহারা কিছুই বোঝেন নাই তাহাও উল্লেখ করিয়া সাধারণকে দেখান যাইতেছে যে তাঁহারা উদ্ভিদ শ্রেণীর অন্তর্গত কিনা।

“ন হৃন্ময়ানি তীর্থানি ন দেবা মৃচ্ছিলাময়াঃ।

তে পুনস্ত্যক্তরকালেন দর্শনাদেব সাধবঃ ॥” ভাগবত

“জলময় তীর্থ সমূহ তেমন তীর্থ নহে এবং মৃৎশিলাময় দেবতাগণ তেমন দেবতা নহেন, যেমন সাধুগণ দেবতা ও তীর্থ; কারণ বহুকাল সেব

ও আরাধনা করিলে জলময় তীর্থ এবং মৃৎশিলাময় দেবতাগণ পবিত্র করিতে পারেন ; কিন্তু সাধুগণের প্রভাব এতই পবিত্র যে তাঁহারা দর্শন-মাত্রেই সকলকে পবিত্র করেন ।”

“যো মাং সর্বেষু ভূতেষু সন্তুমানানমীশ্বরং ।

হিদ্ধার্চাং ভজতে মোঢ্যাৎ ভগ্নশ্চেব জুহোতি সঃ ॥

সর্বভূতের আত্মা ঈশ্বর, এইরূপ না জানিয়া যে মূঢ়মতি মূর্তির উপাসনা করে, সে কেবল ভগ্নেই আছতি প্রদান করে অর্থাৎ তাহার পূজা নিরর্থক হয় । প্রথম শ্লোকের ব্যাখ্যা প্রসঙ্গে তাঁহারা বুঝাইয়াছেন জলময় তীর্থ, তীর্থই নহে এবং মৃন্ময় দেবতা দেবতাই নহেন ; কিন্তু যদি তাহা স্বীকার করা যায় তাহা হইলে দীর্ঘকাল সেবা দ্বারা তাঁহারা পবিত্রতা বিধান করেন, ইহা বলায় কোনই সার্থকতা রহিল না । যাহার মূলে কোন সত্তাই নাই সে আবার পবিত্র করিবে কাহাকে ? এখানে তীর্থ এবং মূর্তি অপেক্ষা ভগবদ্ভক্তের প্রভাব যে অধিক তাহাই দেখান হইয়াছে । নতুবা উত্তর-কালে সেবা আরাধনার ফলে তাহাতে পবিত্রতা সাধিত হয় ইহা বলা নিরর্থক হইয়া পড়িত । দ্বিতীয় শ্লোকে আরও বিপরীত জ্ঞান প্রকাশ পাইয়াছে । দৃষ্টান্ত ও দার্ষ্টান্তিক কাহাকে বলে তাহারই বে জ্ঞান নাই । নতুবা যাহারা পূজা জপ মানেন না তাঁহারা ভগ্নে আছতি দিবার কথা বলিলেন কি প্রকারে ?

আছতি প্রদান দ্বারা সাকার উপাসনাই সমর্থিত হয় এবং হোমাদি স্বীকার করা হইল কারণ অগ্নিতে আছতি দেওয়া আছে । স্মৃতরাং এ শ্লোকের তাৎপর্য্যে ইহাই বুঝিতে হইবে যে, যিনি ঈশ্বর সর্বভূতে চৈতন্যরূপে অবস্থিত আছেন এইরূপ জ্ঞাত আছেন তিনিই, প্রতিমায় চৈতন্য সংক্রামিত হইতে পারে বুঝিতে পারেন, স্মৃতরাং এই জ্ঞান যাহার আছে

তিনিই মূর্তিপূজার অধিকারী। যাহার এই জ্ঞান নাই, অথচ যিনি মূর্তিপূজায় রত হন তাহার ভঙ্গি আছতি দেওয়ার গায় সমুদয় নিরর্থক হইয়া থাকে। ব্রাহ্ম পথিকের দৃষ্টি আকর্ষণ করিবার নিমিত্ত আমরা দিগ্দর্শন যন্ত্র স্থাপিত করিলাম। আশাকরি এইদিকে দৃষ্টিকরতঃ পথিক আর ইতস্ততঃ আপনার চরণ বুগল চালিত করিয়া মোহগর্তে নিপতিত হইবেন না। মহানির্বাণ তন্ত্র হইতে যে শ্লোকগুলি উদ্ধৃত করা হইয়াছে তাহার সর্বশেষে কথিত হইয়াছে “এই যে জ্ঞান তোমাকে বলিলাম ইহা চতুর্বিধ অবধূতগণের সাধন।” অবধূত শব্দের দ্বারা কি বোঝা যায় তাহাই এবার বুঝিতে হইবে। মহানির্বাণ তন্ত্র অষ্টম উল্লাস—

“ব্রহ্মচর্যাশ্রমো নাস্তি বানপ্রস্থোহপি ন প্রিয়ে ।

গার্হস্থ্য ভিক্ষুকশ্চৈব আশ্রমৌ ধৌ কলৌ যুগে ॥ ৮

কলিযুগে ব্রহ্মচর্যা আশ্রম এবং বানপ্রস্থাশ্রম নাই, গার্হস্থ্য এবং ভিক্ষুক এই দুই আশ্রম বর্তমান।

অবধূতাশ্রমো দেবি কলৌ সন্ন্যাস উচ্যতে ।

বিধিনা যেন কর্তব্যস্তং সর্বং শূনু সাম্প্রতম্ ॥” ২২২

“ব্রাহ্মণঃ ক্ষত্রিয়ো বৈশ্যঃ শূদ্রঃ সামান্ত এব চ ।

কুলাবধূতসংস্কারে পঞ্চানামধিকারিতা ॥” ২২৫

সদা শিব কহিলেন—“অবধূত আশ্রমকেই কলিযুগে সন্ন্যাস বলা হয় ; তাহা কিরূপ বিধান অনুযায়ী করিতে হইবে তাহা বলিতেছি তাহা শ্রবণ কর ॥” কুলাবধূতসংস্কারবিষয়ে ব্রাহ্মণ, ক্ষত্রিয়, বৈশ্য, শূদ্র ও সামান্ত জাতি সকলেরই অধিকার আছে ॥”

মহানির্বাণ তত্ত্বের এই শ্লোক কয়টি এখানে উল্লেখ করা গেল।
যাঁহারা বলেন কলিয়ুগে সন্ন্যাস বা অন্য কোন আশ্রম নাই তাঁহারা
নিজেদের ব্রাহ্মি বুদ্ধিতে পারিবেন এবং অবস্থার উন্নতিতে যে এক আশ্রম
হইতে অন্য আশ্রমে গমন করার উল্লেখ আছে তাহাও দেখিতে
পাইবেন।

ষষ্ঠ অধ্যায় ।

এইবার আমরা আশ্রমধর্মের প্রয়োজনীয়তা সম্বন্ধে কিছু আলোচনা করিব । বর্ণ ধর্ম সম্বন্ধে আলোচনা করিবার সময় আমরা দেখিয়াছি যে বর্ণ ধর্ম উচ্ছ্বলতার নিবারক সূতরাং প্রবৃত্তির রোধক এবং আশ্রমধর্ম নিবৃত্তির পোষক ।

যদিও নিবৃত্তির পুষ্টি সাধিত হয় অর্থাৎ ক্রমশঃ মানবের অন্তঃকরণ নিবৃত্তিপরায়ণ হয় সূতরাং প্রবৃত্তির উচ্ছেদ সাধিত হয় তাহাই নিবৃত্তিপোষক বলা হইয়া থাকে ; সংসারে গমনাগমন নিবারিত হয়, তজ্জগৎ ইহার নাম নিবৃত্তিমার্গ কথিত হয় । যদি কলিযুগে সংসারে নিবৃত্তিমার্গ অবলম্বন করা অনভিপ্রেত হইত অর্থাৎ কেহ ত্রিবিধ দুঃখের অত্যন্ত নিবৃত্তির জন্ম সচেষ্ট না হইতেন, তাহা হইলে বলা যাইত যে কলিযুগে আশ্রমধর্ম অবলম্বন করা উচিত নহে । কিন্তু কার্যক্ষেত্রে আমরা তাহার বিপরীতই সর্বদা দেখিতে পাইতেছি । যদিও কলিযুগে যুগধর্ম প্রভাবে অধিকাংশ লোক পরকালে বিশ্বাসী নহে সূতরাং তাহারা পুনরায় গমনাগমন বিশ্বাস করে না কিন্তু এ সময়ে কেহই যে পরকালবিশ্বাসী নহে বা সাংসারিক নানাপ্রকার দুঃখে তপ্ত নহে, ইহা মানিবার কোন হেতু নাই বরং পরকাল সম্বন্ধে নানা প্রকার মতভেদ হইয়াছে এবং পরকালে গতিলাভের জন্ম নূতন নূতন পন্থা আবিষ্কৃত হইতেছে ; এই সব পন্থায় যাহারা বিচরণশীল তাঁহারা এই পরকালের নিমিত্ত বা নিবৃত্তিপোষণের জন্ম আশ্রমাস্তুর গ্রহণের আবশ্যিকতা মনে করেন না । কিন্তু তাঁহাদের জন্ম তাদৃশ ব্যবস্থার সমর্থন করা যুক্তি সঙ্গত নহে । শাস্ত্রও তাহার

পোষকতা করে না। এ সম্বন্ধে শাস্ত্রের অভিপ্রায় মহানির্বাণ তত্ত্ব হইতে কিছু উল্লেখ করা গিয়াছে। কারণ কালধর্ম্মে বৈদিক ক্রিয়া কলাপ বর্জিত হইয়া যাইতেছে এবং বাংলা দেশের অধিকাংশ স্থলেই তন্ত্রশাস্ত্রের প্রভুত্ব এখনও অধিক পরিমাণেই লক্ষিত হয়। হিন্দুর প্রধান মাননীয় গ্রন্থ বেদ ও উপনিষদ; ঐ উপনিষদে চারি আশ্রম সম্বন্ধে স্পষ্টতঃই বিধান দেখিতে পাওয়া যায়। ব্রহ্মচর্য্য, গার্হস্থ্য, বানপ্রস্থ ও সন্ন্যাস এই চারিটি আশ্রম। উপনিষদে ও তৎমূলক স্মৃতি শাস্ত্রাদিতে তাহার বহুল ব্যবস্থা লিখিত আছে। ইতিহাস ও পুরাণাদিতেও আশ্রমধর্ম্ম সম্বন্ধে বহুপ্রকার আলোচনা দেখিতে পাই। এরূপ কোন প্রমাণ নাই যাহাতে কলিযুগে আশ্রমধর্ম্ম প্রতিপাল্য নহে বা যথেষ্টাচারই কলিযুগের একমাত্র ধর্ম্ম। অট্টালিকা নির্মাণ করিতে হইলে তাহার ভিত্তিভূমি অতি সূদৃঢ় করা প্রয়োজন নতুবা অট্টালিকার স্থিতিকাল দীর্ঘ হয় না। তদ্রূপ নিবৃত্তিভূমিতে দৃঢ় প্রতিষ্ঠিত হইতে হইলে তাহার নিমিত্ত ব্রহ্মচর্য্য আশ্রমকে দৃঢ় করিয়া লইতে হয় ইহাই সর্ব্ব শাস্ত্রের বিধান। তজ্জন্ত সর্ব্বসাধারণের নিমিত্ত বাল্যকাল হইতে ব্রহ্মচর্য্য আশ্রমের ব্যবস্থা ছিল। এই আশ্রমে বিদ্যা-শিক্ষা এবং গুরুধারণের নিমিত্ত সর্ব্বপ্রকার কঠোরতা অবলম্বন করা হইত। (তাহার নিয়মগুলি ও অনুষ্ঠানের উপায় স্থানান্তরে উল্লেখ করা যাইবে) তাহার পর স্ববর্ণানুমোদিত কুলজাত কন্যাকে যথাশাস্ত্র বিবাহ করিয়া পুত্রোৎপাদনাদি দ্বারা সংসার এবং পিতৃপিতামহের জলপিণ্ডের ব্যবস্থা করা হইত। পঞ্চাশ বৎসর বয়ঃক্রমের পর ব্রাহ্মণ, ক্ষত্রিয় এবং বৈশ্য এই ত্রিজাতিগণের বানপ্রস্থশ্রমরূপ কঠোর তপস্যা দ্বারা শরীর এবং ইন্দ্রিয়ের যথোচিত শোধনের ব্যবস্থা হইত এবং পরিশেষে সর্ব্ব কর্ম্ম ত্যাগ করতঃ সন্ন্যাসধর্ম্ম অবলম্বনরূপ নিবৃত্তি আশ্রম গ্রহণের ব্যবস্থা ছিল। ব্রাহ্মণেতর অগ্ন্য কাহারও সন্ন্যাস আশ্রম গ্রহণের ব্যবস্থা ছিল না। তাহার

বানপ্রস্থাস্রম অবলম্বী হইতেন এবং পরিশেষে অগ্নিপ্রবেশ বা মহাপ্রস্থানের নিমিত্ত ক্রমাগত উত্তরদিকে চলিতে থাকিতেন। শূদ্রগণ ব্রহ্মচর্য্য আশ্রমবাসী হইতেন না কিন্তু গৃহেই ব্রহ্মচর্য্যব্রত পালন করিতেন এবং গৃহস্থ ধর্ম্ম আচরণ করিতেন এবং ব্রাহ্মণাদি ত্রিবর্ণের গুরুশ্রম দ্বারা তদধিগত বিদ্যালাভ করিতেন এবং পরিশেষে জ্ঞানাদি লাভ করিতেন। এতৎসম্বন্ধে উপনিষৎপ্রমাণ উল্লেখ করা যাইতেছে। “ব্রতীভূত্বা গৃহী ভবেৎ গৃহী ভূত্বা বনী ভবেৎ। বনীভূত্বা প্রব্রজেৎ” অর্থাৎ ব্রতী (ব্রহ্মচর্য্যাবলম্বী) হইতে গৃহী হইবে, গৃহী হইতে বনী হইবে এবং বনী হইতে সন্ন্যাস অবলম্বন করিবে।

যৎ কার্য্যং ব্রাহ্মণশ্চেহ জন্ম প্রভৃতি তচ্ছনু।

কৃতোপনয়নস্তাত ভবেদ্ বেদপরায়ণঃ ॥ ১৪

বেদানধীত্য নিয়তো দক্ষিণামপবজ্য চ।

অভ্যনুজ্ঞামথপ্রাপ্য সমাবর্তেত বৈ দ্বিজঃ ॥ ১৬

সমাবৃত্তশ্চ গার্হস্থ্যে স্বদারনিরতো ভবেৎ।

উৎপাত্ত পুত্রপৌত্রং তু বন্যাস্রমপদে বসেৎ ॥ ১৭

স বনেহগ্নীন্ যথান্যায়মাশ্রম্যারোপ্য ধর্ম্মবিৎ।

নির্ষন্দো বীতরাগাত্মা ব্রহ্মাশ্রমপদে বসেৎ ॥ ১৮

মহাভারত ৩২৭ অধ্যায়।

শান্তিপর্কাস্তর্গত মোক্ষধর্ম্মপর্কাদ্যায়ে গুরু জনক সংবাদে মহারাজ জনক গুরুকে উপদেশ দিতেছেন যে আপনি ব্রাহ্মণকুলোদ্ভব স্মৃতরাং আপনার পক্ষে যাহা কর্তব্য তাহা বলিতেছি, তাহা শ্রবণ করুন।—“উপনয়ন-সংস্কারের পর ব্রাহ্মণ গুরুগুরুশ্রমপরায়ণ হইয়া বেদাধ্যয়ন করিবেন,

বেদাধ্যয়নের পর গুরুকে দক্ষিণা প্রদান করিবেন এবং তাঁহার অনুমতি লইয়া সমাবর্তন করিবেন, অর্থাৎ ব্রহ্মচর্য্য ব্রত অবসান করিবেন। তদনন্তর বিবাহ করতঃ স্বদারনিরত হইবেন ; অগ্নি গ্রহণ পূর্ব্বক যথাবিধি হোম ও পঞ্চমহাযজ্ঞের অনুষ্ঠান করিবেন ; পুত্র পৌত্রাদির জন্ম হইলে বানপ্রস্থাশ্রম অবলম্বন করিবেন এবং অগ্নি অতিথি আদির পরিচর্যা-পরায়ণ হইবেন। পরে যথাশাস্ত্র অগ্নিকে আত্মাতে স্থাপনপূর্ব্বক সন্ন্যাস আশ্রম অবলম্বন করিবেন।”

শুক উবাচ—

উৎপন্নৈ জ্ঞানবিজ্ঞানে নির্ব্বন্দে হৃদি শাস্বতে !
 কিমবশ্যং নিবস্তব্যমাশ্রমেষু ভবেত্রিষু ॥
 এতদ্বস্তং পৃচ্ছামি তদ্বান্ বক্তুর্মহতি ।
 যথা বেদার্থতন্মেন ক্রহি মে হং জনাধিপ ॥

শুক বলিলেন, “যদি কাহারও প্রথম আশ্রমেই পরোক্ষজ্ঞান এবং অপরোক্ষ ব্রহ্মবিজ্ঞান জন্মে তাহা হইলেও কি তাহাকে অন্য তিন আশ্রম অবশ্যই অবলম্বন করিতে হইবে। হে জনাধিপ! আপনি অনুগ্রহ পূর্ব্বক বেদ শাস্ত্রানুযায়ী তাহা আমাকে বলুন।”

জনক উবাচ—

ন বিনা জ্ঞানবিজ্ঞানে মোক্ষশ্রাধিগমো ভবেৎ ।
 ন বিনা গুরুসম্বন্ধং জ্ঞানশ্রাধিগমঃ স্মৃতঃ ॥ ২২
 গুরুঃ প্লাবয়িতা তস্য জ্ঞানং প্লব ইহোচ্যতে ।
 বিজ্ঞায় কৃতকৃত্যন্তু ভীর্ণ স্তদুভয়ং ত্যজেৎ ॥ ২৩

“পরোক্ষ জ্ঞানরূপ শাস্ত্র অধ্যয়ন এবং অপরোক্ষজ্ঞানরূপ বিজ্ঞান ভিন্ন মোক্ষ কিরূপে লাভ হইতে পারে এবং গুরুর উপদেশ ভিন্ন জ্ঞানের সম্ভাবনা কোথায়? নদী উত্তীর্ণ হইতে হইলে যেমন নৌকা এবং কর্ণধার উভয়ই প্রয়োজনীয় তেমনই সংসারনদী পার হইতে হইলে জ্ঞানরূপ নৌকায় আরোহণ করিয়া গুরুরূপী কর্ণধারের সহায়তার তাহার পর পারে ঘাইতে হয়। যখন পার হইয়া অপর পারে উপনীত হওয়া যায় তখন যেমন নৌকা এবং কর্ণধারের আর প্রয়োজন থাকে না তেমনই অপরোক্ষ বিজ্ঞানরূপ ব্রহ্ম অনুভূত হইলে শাস্ত্র এবং গুরু কিছুই আর প্রয়োজন থাকে না।”

অনুচ্ছেদায় লোকানামনুচ্ছেদায় কৰ্ম্মণাম্ ।

পূৰ্বেৰাচৰিতো ধৰ্ম্ম চতুৰাশ্রম্যসংকটঃ ॥২৪

অনেন ক্রমযোগেন বহুজাতিবু কৰ্ম্মণাম্ ।

হিত্বা শুভাশুভং কৰ্ম্ম মোক্ষো নামেহ লভ্যতে ॥ ২৫

ভাবিতৈঃ কর্ণৈশ্চায়ং বহুসংসারযোনিষু ।

আসাদয়তি শুদ্ধাত্মা মোক্ষং বৈ প্রথমাশ্রমে ॥ ২৬

তমাসান্ত তু মুক্তস্ত দৃষ্টার্থস্ত বিপশ্চিতঃ ।

ত্রিধাশ্রমেষু কোহনর্থো ভবেৎ পরমভীষিতঃ ॥ ২৭

লোক (জনসমূহ) এবং কৰ্ম্ম সমূহের বাহাতে উচ্ছেদ না হয় তজ্জন্ত চতুরাশ্রমরূপ ধৰ্ম্ম পূৰ্ব্ব মহাজনগণ কর্তৃক সৰ্বাবস্থাতেই অনুষ্ঠিত হইয়াছে। এই চতুরাশ্রমরূপ ধৰ্ম্মের ক্রমশঃ পরিপালন দ্বারা বহুজন্মের কৰ্ম্মের ভিতর দিয়া মানব, শুভ এবং অশুভ কৰ্ম্মত্যাগ করতঃ ইহ সংসারে মোক্ষলাভের অধিকারী হয়। বহু যোনি পরিলম্বণ করিয়া এবং বহু

প্রকার কর্মের অনুষ্ঠান করিয়া বুদ্ধি আদি ইন্দ্রিয়গুলি শুদ্ধ হইলে ব্রহ্মচর্য্য আশ্রমেই মোক্ষলাভ করিয়া থাকে। চিত্তশুদ্ধির নিমিত্তই আশ্রম ধর্মের ব্যবস্থা—যাঁহার চিত্তশুদ্ধি হইয়াছে তাঁহার আর উহার প্রয়োজনীয়তা থাকে না; আপনি কৃতকৃত্য এবং মুক্ত হইয়াছেন সুতরাং আপনার অন্ত তিন আশ্রমে গমনের কোনই প্রয়োজন নাই।

এখানেই আমরা আশ্রমধর্ম সম্বন্ধীয় প্রকৃত তথ্য অবগত হই। কারণ আজন্ম পরমহংস শুকদেব প্রমুখকর্তা এবং ব্যাসশিষ্য রাজর্ষি জনক তাহার উত্তর দাতা সুতরাং ইহা অপেক্ষা উত্তম মীমাংসা আর সম্ভব নহে। শুক পরমহংসগণের নমস্কে এবং জনক গৃহস্থজীবনে রাজধর্ম প্রতিপালন করিয়াও মুক্তাবস্থা লাভের জলন্ত দৃষ্টান্ত। এখানে জনক বলিতেছেন, বহুজন্ম ও তদনুযায়ী কর্মের দ্বারা চিত্তশুদ্ধি হইলে জীব ব্রহ্মচর্য্যাশ্রমেই মুক্তির অধিকারী হয়, তাহার অন্ত আশ্রমের প্রয়োজন থাকে না; নতুবা ক্রমগতি দ্বারা সকলকেই উন্নত হইয়া অবশেষে ইন্দ্রিয়গুলির শুদ্ধি সাধিত হইলে মুক্ত হইতে হয়। সেই জ্ঞান ও বিজ্ঞান লাভের নিমিত্ত গুরুসম্বন্ধ একান্ত প্রয়োজনীয়, নতুবা কাহারও কিছু হইবার সম্ভাবনা নাই! সুতরাং যাঁহারা জনক রাজার দৃষ্টান্তে অনুপ্রাণিত, অথবা শুক হইতে আকাঙ্ক্ষা করেন তাঁহাদিগকে আগেই দেখিতে হইবে যে তাঁহারা ইন্দ্রিয়বর্গ শুদ্ধ করিয়াছেন কি না? যদি না করিয়া থাকেন তাহা হইলে আত্মপ্রতারণা না করিয়া আশ্রম হইতে আশ্রমান্তরে গমন করিবেন এবং পরিশেষে চিত্তশুদ্ধি হইলে পরম পদের ভাগী হইবেন। নতুবা সন্ন্যাস আশ্রম নাই এরূপ অসার কথা বলিলে নিজের নির্বুদ্ধিতা প্রকাশ পায় এবং শাস্ত্রীয় মর্যাদার অপলাপ করা হয়। কলিযুগের প্রারম্ভে ভীষ্মদেব শরশব্যায় শায়িত হইয়া যুধিষ্ঠিরের নিকট এই মোক্ষধর্মআখ্যান প্রকাশ করেন।

সুতরাং কলিযুগে সন্ন্যাস নাই ইহা শাস্ত্রের অভিপ্রেত হইলে সন্ন্যাস খণ্ডন করিয়া তাহার কোন ব্যবস্থা করিতেন। অনেকে বলেন রাজর্ষি জনক সংসারী হইয়াও শুকদেবের উপদেশে হইয়াছিলেন, সুতরাং আমরাও তাহাই হইব। কথাটা শুনিতে বেশ মধুর, সাধো কুলাইলে মন্দ নহে, তবে চিত্তশুদ্ধি হইয়াছে কিনা তাহা আগে পরীক্ষা করিতে হইবে এবং স্বয়ং জনক শুকদেব সম্বন্ধে কি বলিয়াছেন তাহা বিশেষ-রূপে প্রণিধানযোগ্য, তজ্জন্ত তাহার কিছু উল্লেখ করা যাইতেছে। যথা—

অধিকং তব বিজ্ঞানং অধিকা চ গতি স্তব।

অধিকং তব চৈশ্বর্যং তচ্চ হুং নাববুধ্যসে ॥ ৪৪

বাল্যাছা সংশয়াছাপি ভয়াছাপ্যবিমোক্ষজাং।

উৎপন্নৈ চাপি বিজ্ঞানে নাধিগচ্ছসি তাং গতিং ॥ ৪৫

ন বন্ধুধনুবন্ধস্তে ন ভয়েষস্তু তে ভয়ম্।

পশ্যামি হুং মহাভাগ তুল্যালোষ্ট্রাশ্বকাধনম্ ॥ ৪৬

যৎফলং ব্রাহ্মণশ্চেহ মোক্ষার্থশ্চ যদাত্মকং।

তস্মিন্ বৈ বর্তসে ব্রহ্মন্ কিমন্যৎ পরিপৃচ্ছসি ॥ ৫১

“আপনার জ্ঞান আমার অপেক্ষা অধিক, আপনার গতি অধিক এবং আপনার ঐশ্বর্যও অধিক কিন্তু আপনি তাহা জ্ঞাত নহেন। বালকত্ব হেতু, ভয়হেতু, আমি মুক্ত কিনা এইরূপ সংশয় হেতু, আপনি অপরোক্ষ জ্ঞানী হইয়াও তৎপদে অধিকতর হইতে পারিতেছেন না। আপনার বন্ধুবর্গে আপনার প্রীতি নাই বা ভয়ের বস্তুরূপে আপনার ভীতি নাই। হে মহাভাগ! আপনাকে পাষণ এবং স্বর্ণখণ্ডে তুল্যা-

বৃদ্ধিসম্পন্ন দেখিতেছি। ব্রাহ্মণদেহ ধারণের বাহ্য ফল, মোক্ষপদ অধি-
রোহণের বাহ্য ফল তাহা সমস্তই আপনাতে বর্তমান আছে, সুতরাং
আমাকে আর কি জিজ্ঞাসা করিতেছেন ?” যাহার বিচার শক্তি আছে
তিনি অবগত হইতে পারেন এই গুরু এবং শিষ্য কোন্ স্তরে
অবস্থিত। ইহাদের জন্ম কোন আশ্রমেরই ব্যবস্থা হইতে পারে না
অর্থাৎ ইহারা যথায় অবস্থান করুন না কেন, মুক্তিপদেই অবস্থিত আছেন।
শাস্ত্রানুযায়ী আশ্রমের প্রয়োজনীয়তা দেখান হইল এবার অধিকার
অনুযায়ী ইহার বিভাগ দেখান বাইতেছে।

গর্ভাধান হইতে শ্মশান গমন পর্য্যন্ত সমুদয় কার্য যাহার বেদশাস্ত্রা-
নুযায়ী সম্পাদিত হয় তিনিই সন্ন্যাস আশ্রম গ্রহণের উপযোগী। ইহাই
শাস্ত্রানুগত ব্যবস্থা ; পূর্বযুগে একমাত্র ব্রাহ্মণ বর্ণেরই তাহার পূর্ণ ব্যবস্থা
ছিল, তন্নিম্ন সঙ্কণ্ডের আধিক্য হেতু ব্রাহ্মণ জাতির জ্ঞানলিপ্সা অতি
বলবতী ছিল এবং ধর্ম্মলাভই জীবনের এক মাত্র উদ্দেশ্য ছিল এবং তজ্জন্ম
বাল্যকাল হইতেই তাহারা সংসারে আসক্তি অনেকটা পরিত্যাগ পূর্বক
ফলমূল্যাদি আহারে পারতৃপ্ত হইতেন এবং কঠোর তপস্বা দ্বারা ইন্দ্রিয়াদির
শোধন করিতেন, তজ্জন্ম ব্রাহ্মণ জাতিরই উহাতে অধিকার দেওয়া
হইয়াছে। ভোগ করিতে করিতে ত্যাগ হয় না এবং ব্রহ্মে যুক্ত হইয়া
ভোগ করা যায় না ; সুতরাং অন্যান্য বর্ণের ক্রিয়া কলাপ ভোগসংশ্লিষ্ট
থাকায় ব্রাহ্মণ ব্যতিরিক্ত অন্যের সন্ন্যাসের ব্যবস্থা করা হয় না। সঙ্কণ্ড
দুই ভাগে বিভক্ত, মিশ্র সঙ্কণ্ড এবং বিশুদ্ধ সঙ্কণ্ড।

“মিশ্রস্ব সঙ্কণ্ড ভবন্তি ধর্ম্মাঙ্গমানিতাশ্চা নিয়মা যমাশ্চাঃ ।

শ্রদ্ধা চ ভক্তিঞ্চ মুমুক্ততা চ দৈবী চ সম্পত্তিরসম্ভিত্তিঃ ॥”

বিবেকচূড়ামণি ।

“বিশুদ্ধসত্ত্ব গুণাঃ প্রসাদঃ স্বাত্মানুভূতিঃ পরমা প্রশান্তিঃ।

তৃপ্তিঃ প্রহর্ষঃ পরমাঅনিষ্ঠা যয়া সদানন্দরসং সমৃচ্ছতি ॥

বিবেকচূড়ামণি ।

“অমানিতা, যম, নিয়ম, শ্রদ্ধা, ভক্তি, মুমুক্শু, দৈবীসম্পত্তি ও অসৎ কর্মে নিবৃত্তি এইগুলি মিশ্র সত্ত্বগুণের ধর্ম ।”

“প্রসন্নতা, আপনাতে আত্মানুভব, পরমশান্তিভাব, সন্তোষ, হর্ষ ও পরমাঅনিষ্ঠা এই সমস্ত বিশুদ্ধ সত্ত্বগুণের ধর্ম ।”

মিশ্র সত্ত্বগুণ ব্রাহ্মণের স্বভাবপ্রাপ্ত ধর্ম তাই তাঁহার জন্ম সন্ন্যাস আশ্রম বিহিত ।

“পরীক্ষ্য লোকান্ কর্মচিহ্নান্ ব্রাহ্মণো

নির্বেদমায়ানাস্ত্যকৃতঃ কৃতেন ।

তদ্বিজ্ঞানার্থং স গুরুমেবাভিগচ্ছেৎ

সমিৎপাণিঃ শ্রোত্রিয়ং ব্রহ্মনিষ্ঠম্ ॥ যুগুৎ ১।২।১২

“এতদ্ধ স্ম বৈ তৎ পূর্বে ব্রাহ্মণা অনূচানা বিদ্বাংসঃ প্রজাং ন কাময়ন্তে । বৃহদারণ্যকোপনিষৎ ৬।৪।২২ ।

এতং বৈ তমাত্মানং বিদিত্বা ব্রাহ্মণঃ । বৃ ৫।৫।১

ইত্যাদি অনেকগুলি শ্রুতি অনুযায়ী ব্রাহ্মণের অন্ত জাতির জন্ম সন্ন্যাসাশ্রম বিহিত হয় নাই ; শ্রুতিশাস্ত্রও ইহার অনুগামী । সন্ন্যাসের প্রশংসা করিয়া শ্রুতিতে অনেক কথাই লিখিত আছে । যথা—

“সন্ন্যাসিনং বিজং দৃষ্ট্বা স্থানাচ্চলতি ভাস্করঃ ।

এষ মে মণ্ডলং ভিত্বা পরং ব্রহ্মাধিগচ্ছতি ॥

যষ্টিং কুলাশ্রুতীতানি যষ্টিমাগামিকানি চ ।

কুলান্যুদ্বরতে প্রাজ্ঞঃ সন্ন্যস্তমিতি যো বদেৎ ॥”

“সূর্য্যদেব সন্ন্যাসী ব্রাহ্মণকে দেখিয়া এই বলিয়া পথ ছাড়িয়া দেন যে, এই ব্যক্তি আমার মণ্ডল ভেদ করিয়া পরব্রহ্মে মিলিত হইবে ॥”

“যে ব্যক্তি সন্ন্যাস লইয়াছি—এই কথা বলেন তিনি অতীত ষাইট (৬০) কুল এবং আগামী ষাইট কুল পর্য্যন্ত উদ্ধার করেন ।” স্মৃতি বলেন—

“অনেন কৰ্ম্মযোগেন পরিব্রজতি যো দ্বিজঃ ।

স বিধুয়েহ পাপ্যানং পরং ব্রহ্মাধিগচ্ছতি ॥”

“আশ্রম হইতে আশ্রমান্তরে গমন পূর্ব্বক যিনি সন্ন্যাস অবলম্বন করেন তিনি পাপ সমুদয় দগ্ধ করিয়া পরব্রহ্মে মিলিত হন ।”

বৈদিক যতে সন্ন্যাসী চারি প্রকার এবং সন্ন্যাস ছয় প্রকার । যথা—

(১) বৈরাগ্যসন্ন্যাসী, (২) জ্ঞানসন্ন্যাসী, (৩) জ্ঞানবৈরাগ্য সন্ন্যাসীও (৪) কৰ্ম্মসন্ন্যাসী ।

(১) বৈরাগ্যসন্ন্যাসিগণ দৃষ্ট এবং ক্রত বিষয়ে ভোগতৃষ্ণা পরিহার করতঃ পূর্ব্ব পুণ্যফলে সন্ন্যাস গ্রহণ করেন ।

(২) যাঁহারা জ্ঞানসন্ন্যাসী তাঁহারা শাস্ত্র সহায়তায় পাপপুণ্যচিত লোক সমূহের পরিণাম অবগত হইয়া দৃশ্য প্রপঞ্চ পরিত্যাগ করেন । তাঁহারা দেহ, শাস্ত্র এবং লোক বাসনা ত্যাগ করিয়া সমুদয় ভোগোৎপাদক কৰ্ম্মকে ত্যাগ করতঃ সাধনচতুষ্টয় সম্পন্ন হইয়া সন্ন্যাস গ্রহণ করেন ।


(৩) যাঁহারা জ্ঞানবৈরাগ্য সন্ন্যাসী তাঁহারা ক্রমে ক্রমে সমস্ত অভ্যাস

করিয়া, সমস্ত অনুভব করিয়া, জ্ঞান ও বৈরাগ্য দ্বারা স্বরূপ অনুসন্ধান করেন। তাঁহারা দেহ মাত্র রাখিয়া উলঙ্গ অবস্থায় বিচরণ করেন।

(৪) ঠাঁহারা কৰ্মসন্ন্যাসী, তাঁহারা ব্রহ্মচর্য্যব্রত শেষ করিয়া গৃহী হন, গৃহী হইতে বানপ্রস্থ অবলম্বন করেন এবং বানপ্রস্থ হইতে সন্ন্যাস গ্রহণ করেন।

কৰ্মসন্ন্যাসী নিমিত্ত ও অনিমিত্ত ভেদে দ্বিবিধ। যখন আতুর অবস্থায় সমুদয় কৰ্ম লোপ পায়, তখন তাঁহাকে নিমিত্ত সন্ন্যাসী বলে। ব্রহ্ম ব্যতিরিক্ত সমুদয় নম্বর জ্ঞাত হইয়া এক হইতে অন্য আশ্রমে গমনে যে সন্ন্যাস তাহাকে অনিমিত্ত সন্ন্যাস বলে।

সন্ন্যাসীর ভেদ তালিকা



(১) “কুটীচকঃ শিখায়জ্জোপবীতী দণ্ডকমণ্ডলুধরঃ কোপীনকঙ্কাদধরঃ পিতৃমাতৃগুরুস্বারাধনতৎপরঃ পিঠর-খনিত্র-শিক্যাদি-মন্ত্রসাধনপরঃ একত্রা-ন্নাধনপরঃ শ্বেতোঙ্কিপুণ্ড্রধারী ত্রিদণ্ডঃ।”

“কুটীচক সন্ন্যাসী শিখা ও যজ্ঞোপবীতধারী হইবেন, তাঁহাকে দণ্ড ও কমণ্ডলু ধারণ করিতে হইবে ও তাঁহার কোপীন ও কড়া থাকিবে। তিনি পিতা মাতা ও গুরু আরাধনতৎপর হইবেন। তাঁহার পাকপাত্র খস্তা শিক্য প্রভৃতি ভোজ্য প্রস্তুতের উপকরণ থাকিবে। তিনি বহুদিন এক স্থানে থাকিয়া অন্ন ভক্ষণ করিবেন ও মন্ত্র সাধনে রত হইবেন। তিনি শ্বেত বর্ণের উর্দ্ধ পুণ্ড্র তিলক ও ত্রিদণ্ড ধারণ করিবেন।”

(২) “বহুদকঃ শিখাদিকছাধর ত্রিপুণ্ড্রধারী কুটীচকবৎ সর্বসমো মধুকরবৃত্ত্যাপ্তিকবলানী।”

বহুদক সন্ন্যাসী শিখা, কড়া ও ত্রিপুণ্ড্র ধারণ করিবেন। অন্যান্য সকল বিষয়েই তিনি কুটীচকের সমান, কিন্তু বিশেষ এই মধুকর যেরূপ একটা পুষ্প হইতে অন্ন মাত্রায় মধু সংগ্রহ করে, বহুদক সন্ন্যাসীও সেইরূপ এক গৃহস্থের নিকট হইতে কেবল মাত্র অষ্টগ্রাস অন্ন গ্রহণ করিবেন।

(৩) “হংসো জটাধারী ত্রিপুণ্ড্র উর্দ্ধপুণ্ড্রধারী অসংক্লেপ্তো মধুকরান্নানী কোপীনখস্তুওধারী।”

হংস সন্ন্যাসী জটা ও ত্রিপুণ্ড্রের সহিত উর্দ্ধপুণ্ড্র ধারণ করিবেন। মধুকরবৃত্তিসহকারে গৃহস্থের নিকট কখন কখনও অন্ন গ্রহণ করিবেন। তিনি কোপীনখস্তুসমূহ ধারণ করিবেন।

(৪) “পরমহংসঃ শিখাযজ্ঞোপবীতরহিতঃ পঞ্চগৃহেধেকরাত্রান্নাদন-পরঃ করপাত্রী এককোপীন-ধারী শাটীমেকামেকং বৈনবং দণ্ডে কশাটীধরো বা ভস্মোদ্ধুলনপরঃ সর্বত্যাগী।”

পরমহংস সন্ন্যাসী শিখা ও যজ্ঞোপবীত ত্যাগ করিবেন। পঞ্চগৃহ হইতে অন্ন সংগ্রহ করতঃ রাত্রিকালে একবার অন্ন গ্রহণ করিবেন। হস্তই তাঁহার ভিক্ষাপাত্র, একমাত্র কোপীন, একখানা গাত্রবস্ত্র, একটা বংশদণ্ডধারী অথবা কেবলমাত্র বস্ত্রধারী হইবেন এবং ভস্মাবৃতগাত্র ও সর্বত্যাগী হইবেন।

(৫) তুরীয়াতীতো গোমুখঃ ফলাহারী । অন্নাহারী চেদ্ গৃহত্রে
দেহমাত্রাবশিষ্টো দিগম্বরঃ কুণপবচ্ছরীরবৃত্তিকঃ ।”

তুরীয়াতীত সন্ন্যাসী গাভীর গ্রায় একমাত্র মুখদ্বারা গ্রহণ করিয়া ফলাহার করিবেন । যদি অন্নাহারী হন তবে তিন গৃহে মাত্র ভিক্ষা করিতে পারেন । কিন্তু তিনি দিগম্বর হইবেন, তাঁহার দেহমাত্র অবশিষ্ট থাকিবে । তিনি শরীরটাকে শবের গ্রায় হেয় বলিয়া জানিবেন ।

(৬) “অবধূতস্বনিয়মোঃভিশস্ত-পতিতবর্জন-পূর্বকং সর্ববর্ণেষু-
জগরবৃত্ত্যাহারপরঃ স্বরূপানুসন্ধানপরঃ ।” নারদ পরিত্রাজকোপনিষৎ ।

অবধূত সন্ন্যাসী পূর্বের কাহারও গ্রায় নিয়ম গ্রহণ করিবেন না, অভিশস্ত এবং পতিত বর্জনপূর্বক সর্ববর্ণের দত্ত দ্রব্য উপস্থিত হইলেই গ্রহণ করিবেন এবং সর্বদা আত্মানুসন্ধানপরায়ণ হইবেন ।

এই ছয় প্রকার সন্ন্যাসের উল্লেখ করা গেল ইহা শুধু বৈরাগ্যের ন্যূনতা ও বৃদ্ধি দ্বারা হইয়া থাকে ।

ইহারা আবার বিদ্বৎ এবং বিবিদিষা এই উভয় ভাগে বিভক্ত । যিনি জ্ঞান ইচ্ছায় সন্ন্যাস আশ্রম অবলম্বন করেন এবং চিত্তকে ব্রহ্মভাবে ভাবিত করেন তাঁহার সন্ন্যাসের নাম বিবিদিষা । যাঁহার তত্ত্বজ্ঞানের উদয় হইয়াছে সুতরাং আর কিছু জ্ঞাতব্য নাই তাঁহাকে বিদ্বৎসন্ন্যাসী বলা যায় ।

তৈত্তিরীয় শ্রুতিতে বলা হইয়াছে—

“ন কৰ্ম্মণা নপ্রজয়া ধনেন ত্যাগেনৈকে অমৃতত্বমানসুঃ ।

অস্মিংশ্চ ত্যাগে জিহ্বোপ্যধিক্রিয়ন্তে । মহানারারণোপনিষৎ ॥ ১০।৫

ভিক্ষুকীত্যনেন স্ত্রীণামপি প্রাণিবাহাষা বৈধব্যাদৃদ্ধং

সন্ন্যাসে হধিকারোহস্তীতি দর্শিতং ।”

এই ত্যাগে স্ত্রীলোকেরও অধিকার আছে । তাঁহারা বিবাহ হইবার

পূর্বে বা বিধবা হইবার পর ভিক্ষাশ্রম গ্রহণ করিয়া সন্ন্যাসিনী হইতে পারেন। ঐ আশ্রমে তাঁহারা ভিক্ষাচর্যা, মোক্ষশাস্ত্র শ্রবণ এবং একান্তে আত্মধ্যান করিবেন।

যতিধর্ম—“একো ভিক্ষুর্ধখোক্তস্ত্ব ষৌ চৈব মিথুনং স্মৃতম্।

ত্রয়োগ্রাম স্তথা খ্যাত উদ্ধন্তু নগরায়তে ॥ ৩৫

নগরং হি ন কর্তব্যং গ্রামো বা মিথুনং তথা।

এতত্রয়ং প্রকুর্বাণঃ স্বধর্মাচ্চ্যবতে যতিঃ ॥

রাজবার্তাদি তেষান্তু ভিক্ষাবার্তা পরম্পরং।

শ্লেহ-পৈশুণ্য-মাৎসর্যং সন্নিকর্ষাদসংশয়ম্ ॥

লাভপূজানিমিত্তংহি ব্যাখ্যানং শিষ্যসংগ্রহঃ।

এতে চাত্তো চ বহবঃ প্রপঞ্চাঃকুতপস্থিনাম্ ॥

ধ্যানং শৌচং তথা ভিক্ষা নিত্যমেকান্তশীলতা।

ভিক্ষোচ্ছহারি কর্মাণি পঞ্চমং নোপপত্ততে ॥

প্রাণঘাতিকমাত্রঃস্থান্ মাত্রালাভেধনাদৃতঃ।

অলাভে ন বিহন্তেত লাভশ্চেনং ন হর্ষয়েৎ ॥” দক্ষসংহিতা।

“শূন্যাগারং বৃক্ষমূলমরণ্যমথবা গৃহম্।

অজ্ঞাতচর্যাং গত্বান্ধ্যাং ততোহপ্যত্রৈব সংবিশেৎ ॥

বাচো বেগং মনসঃ ক্রোধবেগং হিংসাবেগমুদরোপস্থবেগং।

এতান্ বেগান্ বিষহেদ্ বৈ তপস্বী নিন্দা চাস্ত হৃদয়ং নোপহত্যাৎ ॥

যস্মিন্ বাচঃ প্রবিশন্তি কূপক্রস্তা হিঁপা ইব।

ন বক্তারং পুনর্ষান্তি স কৈবল্যাশ্রমে বসেৎ ॥

অহেরিব গণাস্তীতঃ সোহিত্যান্নরকাদিব।

কুণপাদিব চ স্ত্রীভ্যস্তং দেবা ব্রাহ্মণং বিছুঃ ॥ ১৩

নাভিনন্দেত মরণং নাভিনন্দেত জীবিতং ।

কালমেব প্রতীক্ষেত নিদেশং ভূতকো যথা ॥ ১৭

অরোবমোহঃ সমলোষ্ট্রকাঞ্চনঃ প্রহীনকোশো গতসন্ধিবিগ্রহঃ ।

অপেতনিন্দাস্তুতি রপ্রিয়াপ্রিয় শচরনু দাসীনবদেষ ভিক্ষুকঃ ॥ ৩৩

যেন কেনচিদাচ্ছনো যেন কেনচিদশিতঃ ।

যত্র ক্চন শায়ী চ তং দেবা ব্রাহ্মণং বিদুঃ ॥” ১২ মহাভারত

শ্রুতি স্মৃতি প্রতিপাদিত সন্ন্যাস ধর্ম এবং তাহার লক্ষণ সমুদয় কথিত হইল । ইহাতে কিন্তু কলিযুগে সন্ন্যাস নাই এরূপ কোন কথা লিখিত হয় নাই, বরং কলিযুগে বর্ণাশ্রমধর্ম নষ্ট হইয়া যাইবে এইরূপ উল্লিখিত আছে এবং তাহার প্রায় অধিকাংশ লক্ষণই প্রকাশ পাইয়াছে । কোন বর্ণই স্বকর্মে রত নহে বা কোন আশ্রমের ক্রিয়াই কোথাও পরিলক্ষিত হয় না । ব্রহ্মচর্য্য পালন না করিয়া গৃহী হয় না, স্মতরাং মূলে যাহারা ব্রহ্মচর্য্য করেন না, তাহারা কি প্রকারে গৃহী হইতে পারেন ? এবং গৃহীর যে সমুদয় লক্ষণ শাস্ত্রে বর্ণিত আছে তাহাও কাহারও ভিতর লক্ষিত হয় না । যদি শুধু বিবাহ এবং পুত্রোৎপাদন ও স্ত্রীপুত্রের ভরণ পোষণই গৃহীর লক্ষণ হইত, তাহা হইলে গৃহী আছে ইহা বলা যাইত । গৃহস্থের ধর্ম প্রায় সর্বত্রই লিখিত আছে স্মতরাং এ স্থলে তাহার সামান্যই উল্লেখ করা যাইতেছে, যাহাতে দেখা যাইবে গৃহধর্ম এখন বিনষ্ট প্রায় ।

“দ্বিতীয়মায়ুষো ভাপংগৃহমেধী গৃহে বসেৎ ।

স্বদারনিরতো দাস্তোহনস্বয়ু জিতেক্রিয়ঃ ॥

নাআর্থে পাচয়েদন্নং ন বৃথা যাতয়েৎ পশুন্ ।

তথৈবাপচমানেন্যঃ প্রদেয়ং গৃহমেধিনা ॥

ভ্রাতা জ্যেষ্ঠঃ সমঃ পিত্রা ভাৰ্য্যা পুত্রঃ স্বকা তনুঃ ।

ছায়া স্বা দাসবর্গাশ্চ হুহিতা কৃপণং পরম্ ॥

তস্মাদেতৈরধিক্ষিপ্তঃ সহেন্নিত্যমঙ্গজরঃ ।

গৃহধর্মপরো বিদ্বান্ ধর্মশীলো জিতক্রমঃ ॥

মোক্ষধর্ম পর্ব (মহাভারত ২.৩ অঃ ।)

“গৃহমেধী আয়ুর দ্বিতীয়ভাগ স্বদার নিরত, দাণ্ড, অমুয়াশূন্য ও জিতেক্রিয় হইয়া গৃহে বাস করিবেন । তিনি কেবল নিজের জন্ত অন্নপাক করিবেন না ; বাহারা অন্নপাক করেন না (ব্রহ্মচারী ও সন্ন্যাসী) তাঁহাদিগকে অন্নদান করিবেন । গৃহীর পক্ষে জ্যেষ্ঠ ভ্রাতা পিতার সমান, ভাৰ্য্যা পুত্র স্বীয় দেহের তুল্য, হুহিতা নিজের ছায়ার ন্যায় এবং দাসবর্গ পরম কৃপার পাত্র । সুতরাং ইহাদের দ্বারা উৎপীড়িত হইলেও বিদ্বান্ অনলস গৃহস্থ নিত্য ধীরভাবে উহা সহ করিবেন ।”

সামান্য করণী লক্ষণ লিখিত হইল—ইহা করণী গৃহস্থের আছে ? সুতরাং গৃহী নাই । ব্রহ্মচারীও নাই । বন সমুদয় লোপ পাইয়াছে এবং অধিকাংশ লোক ষাট বৎসর বয়সেও বিবাহে রত এবং পুত্রোৎপাদনে অভ্যস্ত সুতরাং বানপ্রস্থ আশ্রমও নাই । গৈরিক বস্ত্রাবৃত অনেক পাওয়া যায় কিন্তু গৈরিকমর্যাদা রক্ষা করিয়া জীবন নির্বাহ করে এরূপ লোক কোথায় ? তাই দুঃখে বলিতে হয়, কোন আশ্রমই নাই । যদি থাকে ত সকলগুলিরই নামমাত্র অবশিষ্ট আছে ।

কলিযুগের নরগণ প্রায়শঃ তমোভাবাপন্ন এবং শিশ্নোদরপরায়ণ তাহারই নিমিত্ত জগৎপিতা সদাশিব বলিয়াছেন—গৃহস্থ এবং ভিক্ষুক এই দুইটী আশ্রমই কলিযুগে আছে । বাহারা গৃহ নির্মাণ করিয়া স্ত্রী পুত্রাদি লইয়া বাস করে তাহারাই গৃহস্থ এবং বাহারা ভিক্ষোপজীবী হইয়া জীবনধারণ করে তাহারাই ভিক্ষুক ।

ব্রহ্মচারী ও সন্ন্যাসীগণও ইহারই অন্তঃনির্বিষ্ট ধরা যাইতে পারে। যাহারা ষাপর যুগের শেষে উপস্থিত ছিলেন অথবা অন্যান্য যুগে জ্ঞান লাভের নিমিত্ত সাধনা করিয়াও কৃতী হইতে পারেন নাই,—তাহাদের মধ্যে যাহারা এ সময় জ্ঞানের পরিপক্বতার নিমিত্ত জন্মগ্রহণ করেন তাহাদেরই ভিতর প্রকৃত সন্ন্যাস বা ব্রহ্মচর্য দেখা যাইতে পারে, এবং তন্নিম্ন সকলেই কলিযুগে। যুগধর্ম প্রভাবে তাহাদিগেরও কথঞ্চিৎ মালিন্য দেখা যাইতে পারে, কিন্তু তাহা ধর্তব্য নহে। একমাত্র বৈষ্ণবেরা পদ্মপুরাণ বা ব্রহ্মবৈবর্ত পুরাণের সহায়তায় বলিয়া থাকেন যে কলিযুগে সন্ন্যাস নাই। যথা—

“অশ্বালস্তং গবালস্তং সন্ন্যাসং পলটপতৃকম্”।

দেবরেণ স্মৃতোৎপত্তিং কলৌ পঞ্চ বিধর্জয়েৎ ॥

এই সন্ন্যাস শব্দের অর্থ বানপ্রস্থশ্রম বলিয়া শাস্ত্রজ্ঞেরা বলিয়া থাকেন। বাস্তবিক বানপ্রস্থাবলম্বী এ যুগে দেখিতে পাওয়া যায় না। আর যদি সন্ন্যাসই ধরা যায় তবে তাহাদের শরীর নন্দন মহাপ্রভূই যে আগে মারা যান। “আপনি আচারি ধর্ম জীবেরে শিখায়” এই বাক্যও অনর্থক হইয়া পড়ে। বরং তাহাদের বৈরাগ্য ধারণের জন্ম ভেক প্রথা সম্পূর্ণ অশাস্ত্রীয় এবং অযৌক্তিক, যাহার ফলে রাধাকৃষ্ণ লীলায় দেশ উৎসন্ন যাইতে বসিয়াছে। সন্ন্যাসের বিরুদ্ধে কোন বৈষ্ণব শাস্ত্রে উল্লেখ নাই। বৈষ্ণবদিগের নিমিত্ত শাঠ্যায়ণ উপনিষৎ, তাহাতে শিখাসূত্রত্যাগের ব্যবস্থা নাই, এইটুকু তফাৎ। তাহার কারণ তাহারা আমিত্ত্ব সম্পূর্ণ বজায় রাখিয়া “তুমির” দেবা করিতে চান, আমিত্ত্বের চিহ্নস্বরূপ শিখা ও সূত্রের পরিত্যাগ একান্ত অসমীচীন। শাঠ্যায়ণ উপনিষদে যথা—

নাবেদবিন্মনুতে তং বৃহস্তুং ন ব্রহ্মবিৎ পরমং প্রৈতি ধাম ।

বিষ্ণুক্ৰান্তং বাসুদেবং বিজানন্ বিপ্রো বিপ্রত্বং গচ্ছতে তত্বদর্শী ॥

“মেই মহান্ পরমাত্মাকে অজ্ঞলোকেরা জানিতে পারে না, অব্রহ্ম-
বিৎ পরমধাম লাভ করিতে পারে না । তত্বদর্শী ব্রাহ্মণ বাসুদেবতনয়
বাসুদেবকে জানিরাই ব্রাহ্মণত্ব লাভ করেন ।”

ত্রিদণ্ডুপবীতং চ বাস কোপীনবেষ্টনং ।

শিক্যং পবিত্রমিত্যেতদ্বিভূয়াদ্ যাবদায়ুষম্ ॥

পঠৈতাস্তে যতেশ্বাত্ৰাস্তা মাত্রা ব্রহ্মণে শ্রুতাঃ ।

ন ত্যজেৎ যাবৎক্রান্তিমন্তেহপি নিখনেৎ সহ ॥

“ত্রিদণ্ড, উপবীত, দর্ভনির্মিত মেখলা, কোপীন এবং শুক্লবস্ত্র, সন্ন্যাসী
এইগুলি যাবজ্জীবন ধারণ করিবেন । ব্রহ্মা এই কয়টা সন্ন্যাসের চিহ্ন
বলিয়াছেন, স্মৃতরাং মৃত্যু না হইলে তাহা ত্যাগ হইতে পারে না এবং
মৃত্যু হইলেও শবদেহের সহিত তাহা প্রোথিত করিবে ।”

“ত্রিসঙ্খ্যাং শঙ্কিতঃ স্নানং তর্পণং মার্জনং তথা ।

উপস্থানং পঞ্চযজ্ঞান্ কুর্যাদামরণান্তিকম্ ॥

দশভিঃ প্রণবৈঃ সপ্তব্যাহতিভি শ্চতুস্পদা ।

গায়ত্রী জপযজ্ঞশ্চ ত্রিসঙ্খ্যাং শিরসা সহ ॥” ইত্যাদি

এইগুলি তাঁহাদের নিত্যকর্ম । কিন্তু শাস্ত্রজদিগের নিকট ইহা সাম্প্র-
দায়িক বলিয়া কথিত হয় । মোট কথা তাঁহাদের শিখাসূত্রত্যাগ
এবং গৈরিক ধারণে বিশেষ আপত্তি দেখা যায় । বিদ্বানেরা ত্রে

সমুদয় আদর করেন না, কারণ বেদে শিখাসূত্রত্যাগের ব্যবস্থাই দেখিতে পাওয়া যায় তবে ঠাহাদের বৈরাগ্য মন্দ বা জ্ঞানের পরিপক্বতা নাই ঠাহাদের পক্ষে ইহাই সমীচীন বলা যাইতে পারে। কলিযুগে বেদাচার নাই বলিয়া অনেকে তন্ত্রাচার সমর্থন করেন এবং দেশকালের যেরূপ অবস্থা হইয়াছে তাহাতে তন্ত্রের প্রাধান্যই পরিলক্ষিত হয়। বিশেষতঃ বঙ্গদেশে সর্বপ্রকার উপাসনা বা যজ্ঞাদি তন্ত্রোক্ত মন্ত্রাদি দ্বারা নিষ্পন্ন হইতেছে। বৈদিক কৰ্ম্ম দূরে থাক্ তান্ত্রিক ক্রিয়া অনুষ্ঠানেরই অধিকার দিন দিন হারা হইয়া আগরা এক অপূৰ্ণ অবস্থায় উপনীত হইতেছি। তান্ত্রিক দিব্যাচার এবং বৈদিক ধৰ্ম্ম এক, সূতরাং তন্ত্র অদহেলার বস্তু নহে। বরং তন্ত্রের সূক্ষ্মদৃষ্টি প্রশংসা পাইবার উপযোগী ; তাই এ যুগের সৰ্ব্ব বর্ণের নিমিত্ত যে সন্ন্যাস উল্লিখিত হইয়াছে তাহাই লিখিয়া বর্তমান প্রবন্ধ শেষ করা যাইতেছে। তন্ত্রমতে অবধূত আশ্রমই সন্ন্যাস নামে অভিহিত ; অবধূত চারি প্রকার পূৰ্ণ উল্লিখিত হইয়াছে ! চতুর্বিধ অবধূতের মধ্যে শৈবাবধূত দুই প্রকার পরিব্রাজক ও পরমহংস। যতি বা ব্রাহ্মাবধূত ও দুই প্রকার ; পরিব্রাজক পরমহংস বা হংস। অপূৰ্ণ শৈবাবধূত ও অপূৰ্ণ ব্রাহ্মাবধূত সংসারী হইলেও পরিব্রাজকের মধ্যে গণ্য হইতেছেন। সংসারস্থিত অবধূতকে যদি পৃথক্ভাবে ধরা যায় তাহা হইলে ছয় প্রকার অবধূত হইবে। যথা—প্রথম শৈবাবধূত, ইনি সংসারে থাকিয়াও সন্ন্যাসী এইজন্ত শৈবাবধূত নামে অভিহিত। দ্বিতীয় পরিব্রাজক ; পরিব্রাজকতা শৈবাবধূতের দ্বিতীয় অবস্থা, সংসার পরিত্যাগ করিয়া তীর্থে তীর্থে পরিভ্রমণ পূৰ্ণক জপ পূজাদি করাই ইহার প্রধান কার্য। ইনি শক্তি লইয়া নিয়মিত সাধন করিতে পারেন। তৃতীয় পরমহংস ; ইহা শৈবাবধূতের তৃতীয় অবস্থা ; ইনি কৰ্ম্মত্যাগী কোপীনধারী সন্ন্যাসী ; ইনি যোগ ভোগ ও নিয়মানুসারে

উপযাচিকা কামিনীর কামনা পূরণ করিতে পারেন। চতুর্থ যতি বা ব্রাহ্মাবধূত ; ইনি প্রথম শৈবাবধূতের গ্ৰায় ; পরন্তু স্বশক্তিভিন্ন শৈব-বিবাহে বিবাহিত পরশক্তিগ্রহণের অধিকার নাই। পঞ্চম ব্রাহ্মাবধূত পরিব্রাজক, ইহার কার্য্য দ্বিতীয় শৈবাবধূতের সদৃশ ; কিন্তু উপ-যাচিকা কামিনী সম্ভোগের অধিকার নাই। পরন্তু গুরুর উপদেশে যোগসাধনের জন্য শক্তি গ্রহণ করিতে পারেন। ষষ্ঠ হংসাবধূত ; ইনি তৃতীয় শৈবাবধূতের গ্ৰায়—স্ত্রীসংসর্গ বা ধাতু পরিগ্রহ কোন প্রকার কার্য্যে ইহার অধিকার নাই। ইতি

মহানির্বাণ তন্ত্রের টীকা—জগদ্ধকু তর্কালঙ্কার কৃত ।

ওঁ শ্রীকৃষ্ণার্ণবমস্তু ॥ ওঁ তৎসৎ ওঁ ॥

